

Igitǎn ǝn-Nǝmmuzal

The Acts of the Apostles
in the Tamajeq Language

Igitän ən-Nəmmuzal

1 Təsarnat ta Tăzzarăt

İman win Zăddôgnen win z-əgrŭwăn məzzəgzan əs-Yeswa

1-5. Ya Teyofil, dăgh Ǝlkəttab-in wa zzarăn əktăbăgh awa yga Yeswa d-awa ysăssăghra kul har əzəl wa dăgh immətkăl əs-jənnawăn. Isănnăfrăn meddăn irŭw ig-en inəmmuzal. Dəffər iba-nnet inqăr-dŭw, inăfalăl-asăn-du. Itinəfilil-asăn har iga əkkozăt təmərwen n-əzəl. Issokăs əsshăk da təməddurt-net s-əmmək was dasăn inăfalăl. Dat əmətkəl-net, imăl-asăn əs tăghmăr ən-Man win Zăddôgnen, awas iră a tt ägin, isshewăl-asăn da batuten shin əqqälnen Ǝlkhəkum ən-Məssh-ina. Ǝzəl əyyăn illa ghur-săn inq-asăn: << Ad wər təgməđăm aghrəm ən-Jerusălem. Ǝqqəlăt y-ărăt was dawăn iga Məssh-ina wann Abba-nnin ärkăwăl-net, tehqkut ta dawăn əməla, fəl-as Ǝnnəbŭy Okhya isalmagh dăgh aṃan mishan ghur ärăt n-ăđan ad

Igitän 1: 6

təgrüwäm da Man win Zäddôgnen shilat nas a dăgh-sän tətivəsəlməghäm.>> >>

Yeswa immətkäl əs-Jənnawän

6. Təzzar əssəştänän-tu nəmmuzal win ghur-əs əddewnen, əññän-as: << Əməli ak amər-ədda a du za təssughəla tamənuvla y-Isra`il? >> 7. Inñ-asän Yeswa: << Wər kăwän iweṛ ad təssəñäm shimeren wăla əlwăqqän win isännăfrän Məssh-ina Abba-nin ənta iman-net, 8. Mishan ad təgrüwäm fəregăt as fäll-ăwwän d-ăzzäbben Man win Zäddôgnen, təzzar təqqəlăm shigəyyawen-in dăgh əghrəm ən-Jerusălam tolăs da källän kul win Judăy əd Samari har dadu tərəz əddənet.>> 9. As inña awen, immətkäl əs-jənnawän, əswăḍän dăgh-as, har dasän tu təlsa tăgărăk. 10. Hărwa-dăgh əggəzzăyän ijənnawän win iḳka Yeswa as dasän nəfalălän meddän əsshin ən-samlalän əbdădän dăgma-nnăsän, 11. əññän-asän: << Ya meddän ən-Galile, mas təbdădăm da təgîzzăyäm ijənnawän? Yeswa wa ymmətkälän găr-ewwän əddiy əs-jənnawän a dd iqqəl s-əmmək was tu tənăyäm iḳken.

Awedäm wa z-iggəzän edägg ən-Judas

12. Inəmmuzal əfälän adghagh igän esəṃ << Zäytun >> əqqälän aghrəm ən-Jerusälem. Adghagh-en illâ dägma nn-əghrəm. Attayän ən-kilāw əyyän-dägh a yllän gār-es dər-əs. 13. As d-oşän Jerusälam, əwänän ehän ən-surū wa dāgh tidawän fāw-da. Əṃôsän Fiyar, əd-Yaqub, d-Okhya, d-Andre, əd-Filif, ət-Toma, əd-Bartelemäy, əd-Mattiyüw, əd-Yaqub ägg-Alfäy, ət-Simon was itawänñüw aməriy n-äkal-net əd Yuda ägg-Yaqub. 14. Fāw-da tidawen-du ket-näsän s-əwəl əyyän-da fəl ad ägin shiwat̄riwen əntänäy əd təḍoḍen, təḥâ Märyäma tan ṃa-s ən-Yeswa, əd məḍrayän ən-Yeswa. 15. Əzəl əyyän əddewän nalkimän ən-Yeswa, əṃôsän edäg ən-tämeḍäy n-äwedäm əd sāṇatāt təṃərwen, ibdäd gār-essän Fiyar iṇṇ-asän: 16. << Iməḍrayän-in, awa əmälän Ṣan win Zäddôgnen dāgh Əlkəttab s-əmiy n-Ənnəbi Dawəd əsshil ad aşüw. Isshewäl dāgh əddəlil ən-Judas, wadd issələlän äytedäm win əbāznen Yeswa. 17. Judas əyyän dāgh-na, igrāw ənta-dāgh adāgār wa das oṭas Məssh-ina dāgh əsshəghəl wa. 18. Azrəf wa ygrāw dāgh äbäkkad-net, izzənza dāgh-as tawägost, iga afätäqqäy dāgh ibbînby təzzar imməzzäy dāgh aṃṃas,

Igitän 1: 19

əgmädän-tidüw ädanän-net. 19. Kəl-Jerusälam ket-näsän əslan adi har as täwäggost ten əgän-as esəm dāgh awal-näsän << Akäldama >> älmāghna << Tawäggost n-Əznīy. >> 20. Ənta-dāgh awa yktābän dāgh Əlkəttab n-Əzzəbur: << Iqqəl-et əghäywän-net əsuf, ad wər t-iləs äwedäm iguz. >> toläs iktāb as: << Iggöz-et äwedäm əyyän edägg-net dāgh əsshəghəl. >> 21-22. Dāgh adīy, ihôr adnəgməy äwedäm əyyän dāgh-na wa dər nətidaw fāw dāgh əshikəl älwāq kul as dər-nāgh itidaw Əməli Yeswa, a dd ibāzän ghur əzəl wa dāgh t-issəlmāgh Okhya dāgh aṃan, har əzəl wa ghur-nāgh immətkäl əs-jənnawän, äggäyät fəl tănākra ən-Yeswa da täməttant. 23. Əssəbdädän əsshin meddän: Yusəf was itawänṇu Barsabbas, toläs təsəmmadāq-net əyyät Yustus, ənta əd Mattəyas. 24. Əgän tuwaṭre ta: << Aməli, kāy a yssänän awa yḥän iwällän n-äytedäm kul, sākṇ-ana wa təsännäfrāna da meddän a n-əsshin a, 25. fəl ad igrüw ənta adägär dāgh əsshəghəl wədīy wa yṃôsän wann änämmazul wa oyya Judas fəl ad äkküw edägg wa yṃôsän wa-nnet. >> 26. Əgän shishāgheren, əbāznät Mattəyas. Itäwägga fəl nəmmuzal ən-Yeswa win məraw d-əyyän. Iqqäl wan məraw d-əsshin.

2 Təsarnat tan Sănatăt

Assa ən-Man win Zăddôgnen

1. As d-oşa əzəl n-əmud wan gođan i-Məssh-ina tənfa ən-təwəggas esəm-net Fantăkăwt, iməzzəgzan kul əmôsän ăřăt əyyän-dăgh, əddewän-du dăgh ădăgg əyyän-da. 2. Wăla ihôgän, igmăđ əməslıy ijənnawän, olân d-əjit ən-tăzăfa, itkăr ehän wa dăgh əqqimän. 3. Oggän ăřătän olânen d-ilsawän n-ăbălăgleg ən-tămsăy, as əmməzzăyän. Əkkulluk n-əyyän iwâr akk əyyän dăgh-sän. 4. Əggăzän-tän, ətkărän-tän Măn win Zăddôgnen. Əssəntän dăgh awal dăgh əzzənəfän n-awalän wər nəmos wi-nnăsän s-əmmək was tăn əkfän Măn win Zăddôgnen fərregăt n-awal. 5. Jerusălam əghsarän dăgh-as Kəl-Ălyahud əmôsnen äytedăm zizawätnen dăgh əddin a dd əgmăđnen ikăllän n-əddənet kul. 6. As iga əməsli wen, əddewän äytedăm dăgh ădăgg əyyän-dăgh. Iqqân awen ighăfawän-năsän fəl-as akk-əyyän dăgh-sän isla i-məzzəgzan əsshewălän dăgh awal-net. 7. Isîmăklăl sər-sän tolăs oggămän-tu, gannin: << Äytedăm a əsshewälnen da, ak wərge ket-năsän Kəl-Galile? 8. Mas akk-əyyän dăgh-năgh isallu y-awal-net wann äkal wa dăgh ihüw,

Igitän 2: 9

əsshewälän dāgh-as? 9. Näkkänäy əḥân-anāgh
äytedäm a dd əfälnen ikällän əmôsnen Fart, əd-Medəy
d-Eläm, əd-Mezafotaməy, əd-Judäy, əd-Kafadok əd
Fon d-Asi. 10. Wəyyaḍ əgmâḍän-du Fəriji, əd
Fanfiləy əd Mäsär, wəyyaḍ inn-ākäl ən-Sirân imôsän
ākäl ən-Libya, wəyyaḍ inaftaghän a dd əgmâḍnen
aghrəm ən-Rom, 11. wəyyaḍ Kəl-Älyahud a môsän,
wəyyaḍ äytedäm a dd əhdânen s-əddin wan Kəl-
Älyahud, wəyyaḍ äytedäm ən-Kərat d-Arabi, ket-
näsän nəsall-asän əsshewälän dāgh awalän-nänāgh,
əmmalän igitän ən-Məssh-ina win zäwwarnen.
12. Ket-näsän isîmäkläl sər-sän awen, wər əssenän
awas z-äññin sər-əs. Tinəməññin gār-essän: << Ma
yḡos älmāghna n-awa? >> 13. Eges wəyyaḍ dāgh-
sän tajäbän da məzzəgzan gannin: << Awen əməswəd
a gän. >>

Äljäwab ən-Fiyar

14. Təzzar ibdäd Fiyar ənta əd nəmmuzal məraw d-
əyyän win həḍätnen; issənta äljäwab dāgh itkäl
əməsli-nnet wəllen, inḡa i-tidawät: << Kāwänäy, Kəl-
Älyahud ket-nāwän win əghsarnen da Jerusālam
səsəmət y-awa dawän z-äñḡa tägim-tu da ghäfawän-

Igitän 2: 15

năwăn. 15. Äytedäm a as təghiläm əmmîswădăn, wər əmməswădăn, fəl-as taza älwăqqăn win äghora ghas a gänen. 16. Kăla kăla ăřăt wa ymăl Ēnnəbi Jowal a dd oşăn: 17. < Məssh-ina inņa: Ēnta-dăgh awa du z-aşin dăgh ăđan win əlkămnen: ad ägăgh İman win Zăddôgnen dăgh ăwedăm kul; bărarăn-năwăn əd tərbăraren-năwăn ad əssughəlăn awa dasăn əmăla; Meddăn-năwăn win măđronnen ad ənəyăn ăřătăn win əttənkălnen, ighmarăn-năwăn ad ənəyăn ăřătăn dăgh eţəs. 18. Wərgəgh adi ghas, dăgh ăđan windiy, ad ägăgh İman win Zăddôgnen dăgh eklan-in, əd taklaten-in, ad əssughəlăn awa dasăn əmălăgh, 19. ad səssugăgh igitän əmmîţtäyenen da jənnawăn, ägăgh älgălamăten əssôhătten fəl ămăđal; a tt iməl azniy əd tămsăy əd təgnawen n-əhu. 20. Təfuk a tăt əggəznăt shəyyay, tallit ad tizwagh shilat n-əzni, adi kul ad izar y-əzəl wann aşsa n-Ēməliy. Ēzəl wəđiy izəwwərăn tolăs ila älkhurma. 21. Ămărăn ăwedăm kul wa ygmăyăn aggaz dăgh Ēməliy ad ăfsüw. 22. Kəl-Isra`el səsəmət y-awa dawăn z-ăņņa: Yeswa wann əghrəm n-Ēņnasira, imos ăwedăm as kăwăn issîkna Məssh-ina as izimazăl-tu, fəl-as iga dat-wăn s-ălqudrăt-net, igitän ən-tăghmăr ən-Məssh-ina, d-igitän əmmîţtäyenen, d-älgălamăten əssôhătten; kăwănăy iman-năwăn

Igitän 2: 23

təssânäm dăgh adəy. 23. Aləs-dīy, ikf-awän-tu Məssh-ina, fəl-as awen-dăgh a oṭas, imos awen tərəddăwt-net, d-awa yṛa. Kăwănăy a tt inghăn, əs shəyyit ta təgăm i-năsbăkkadăn, əttităyăn-tu fəl təgəttăwt. 24. Mishan Məssh-ina issodăr-tidüw, iḳḳăs-tidu da təghurad ən-tămăttant, fəl-as tămăttant wər təfreg a tt in tətṭəf, 25. fəl-as Dawəd inṇa sər-əs: << Făw-da oggegh Əməli dat-i, iwâr aghil-in fəl ad wər məghitərăgh. 26. Adīy a fəl fəlăwăsăgh. Imi-nin imăl tədəwit-in. Wăla a di äba, əgegh äṭṭăma 27. nas wər za tăyyăgh imān-in dăgh ädăgg wa ḥăn nəmṃəttan, wăla tăyyăgh elām n-ələlli-nnăk ighshəd. 28. Təssîḳnăgh-i tarṛăyen shin tawăynen əs təməddurt, a di təsəddəwegh as nəddew. >> 29. Iməḍrayăn-in, əle tarṛăyt na dawăn əsshiwəla da batüw n-Ənnəbi Dawəd wa ymôsän äljäd-nănăgh: äba-tüw, ităwănḃäl-in, tasăşḳot-net har äzäl-ada təlla găr-ena. 30. Mishan kăla imôs ənnəbīy issân as, ig-as Məssh-ina ärkăwăl dăgh-as ihâḍ-as as ad ägüw əyyăn dăgh ḥăyawăn-net amənokal shilat ən-was kăla a tt imos. Amənokal wa` Əlməsifu wa ysännăfrän Məssh-ina. 31. Ənnəbi Dawəd irüw as issân awa du z-aşin tolăs isshewăl əs tănăkra dăgh iba, n-Əlməsifu wa ysännăfrän Məssh-ina, inṇa: << Wər din ităwăyya gər nəmṃəttan tolăs

Igitän 2: 32

wər irka. >> 32. Yeswa wədi was əsshewāla Məssh-ina a tid issənqārān, tolās nəmōs ket-nāna shigəyyawen ən-tānākra-nnet. 33. Adida fəl immətkäl s-əghil ən-Məssh-ina, igrāw dāgh Abba-nnet Məssh-ina İman win Zāddōgnen win as danāgh iga Abba-nnet ārkāwāl-nāsān, izāzzābbāt-tān-du fäll-anāgh. Adidāgh a mōsān ārātān win təhannāyām da tolās təsallim-asān. 34. Fəl-as Ənnəbi Dawəd ənta iman-net wər immətkäl əs-jənnawān mishan inṇa: << Əməli Məssh-ina inṇa y-Əməli-nnin: < Āyāw təqqama da-da ghur əghil-in, 35. har səggərəffe dat-ək imāksānān-nāk. > 36. Dāgh adīy āytedām n-Isra`el kul əssəṇān-et tolās əkqəsān-et əsshāk as Yeswa wədi, ənta a yga Məssh-ina Əməli d-Əlməsifu wa ysānnāfrān, eges kāwānāy təttitāyām-tu fəl təgəttāwt! >> 37. As əslān y-awen, əghshādān man-nāsān. Əssəstānān Fiyar əd nəmmuzal win həḍātne əṇṇān-asān: << Iməḍrayān-nāna, mənīy awa za nāgūw? >> 38. Inṇ-asān Fiyar: << Utabāt da bākkadān-nāwān akk-əyyān dāgh-wān itəwəsəlmāgh-et dāgh aṇan s-esəṇ ən-Yeswa Əlməsifu fəl a dawān təwəsürəfān bākkadān-nāwān. As təgām adīy, ad təgrūwām təhākkāy ən-Məssh-ina təmosāt İman win Zāddōgnen, 39. fəl-as Məssh-ina ārkāwāl-net kāwānāy as t-iga kāwānāy əd həyawān-

Igitän 2: 40

năwăn əd win əghsarnen dăgh igəg d-ăytedăm kul win du z-ăghrűw Əməli-nnăna Məssh-ina əs-ṁan-net. 40. Ig-asăn Fiyar awalăn wəyyaḍ äggôtnen fəl a tăn issukəs ässhäk isshit-asăn əzəgzan əs-Yeswa igann-asăn: << Əqbəlät eḑsan s-ad tämmăzăyăm d-ăytedăm win ässhărnen n-ărk-ăzzăman a. >> 41. Win əqbălnen awal-net, tăwăsălmăghăn dăgh aṁan. Əzəl wen edăgg ən-kăraḍ gim n-ăwedăm a du tăwăsshotănen fəl tidawăt tăn məzzəgzan əs-Yeswa. 42. Tidawăn făw fəl ad əssəsəṁăn y-awalăn ən-nəmmuzal, nămănnăkăn, tamăgnen i-tədraw ən-məṁsewăn, tolăs taggin shiwat̄riwen.

Taməghsurt da Məzzəgzan

43. Akk-əyyăn dăgh-săn təḥ-ăy tăṣa fəl-as inəmmuzal tăggin ărătăn əmmîṭṭăyenen d-ălghălamăten əssôḥătnen. 44. Iməzzəgzan ket-năsăn əṁôśăn ărăt əyyăn-da, tolăs tuzanăn awa lăn kul găr-essăn. 45. Zanzin-in shiwəgas-năsăn d-awa lăn kul təzzar uzanăn azrəf wa ənzănăt găr-essăn s-əwəl əyyăn-da, nîmagărăn idəgran s-awas nămagărăn shiləqqawen. 46. Əzəl kul tidawăn-dűw əs Təməzgədda ta Zəwwərăt, amər tamăṁsawăn ad idawăn dăgh ṁan-

näsän taṭṭin imenşewän-näsän da tədəwit s-əwəl əyyän-da. 47. Tigodäyän i-Məssh-ina, issîghmär-tän äwedäm kul. Əzəl kul ishat-äddüw Əməliy äytedäm win täwäsäfsänen da tidawät-näsän.

3 Təsarnat tan Kärädät

Ətəwəzuziyy n-äwedäm isigâdalän

1. Əzəl əyyän Fiyar d-Okhya əftänän adghagh wa təwâr Taməzgədda ta Zəwwərät fəl ad ägin shiwaṭriwen shin täzzar. 2. Dägma-nn təsəḥört ən-Təməzgədda tas itäwänṅu << Təsəḥört ta Təḥössäyät, >> iqqim äwedäm isigâdalän wan təhut-net. Əzəl kul itamaway-düw den-dägh itäwäsän̄su fəl ad anşəy taḳutäy äytedäm win taggäznen Təməzgədda. 3. As ogga Fiyar d-Okhya as əbukän ad əggəzän Təməzgədda igmäy dägh-sän a tt äkf̄in ärät əyyän. 4. Igär dägh-as Fiyar d-Okhya shiṭṭawen təzzar inṅ-as Fiyar: << Əswəd dägh-nägh! >> 5. Iswäd dägh-sän äsäggaḍal iqqâl ya tt äkf̄in ärät əyyän. 6. Təzzar inṅ-as Fiyar: << Wər əlegh azrəf wälä urəgh, ärät wa əlegh a dak äkf̄ägh: < s-esəm ən-Yeswa Əlməsifu wann əghrəm n-Ənṅasira: Əbdəd, jəwənkət! > >>

Igitän 3: 7

7. Ibäz əfus-net wann əghil issəbdäd-tüw. Amäzäy wen-dägh a dägh d-əddərän ɖarän-net əd töläzzən-net.
8. Iggäd ibdäd əs ɖarän-net, issənta da tekläy. Iggäz Təməzgədda iddew əd nəmmuzal, ijîwänkät, itaggäd, immal Məssh-ina. 9. Äytedäm kul əswâḍän dägh-as ijîwänkät immal Məssh-ina. 10. As din əgrän as awen ämansay was fäw iqqim ghur təsəḥert ən-Təməzgədda tas itäwänḥu << Təsəḥert ta Təḥôssäyät, >> ket-näsän issîrmäq-qän wəllen awa das itäwäggän.

Aljäwwab wa yga Fiyar da Təməzgədda ta Zəwwərät

11. Aləs wa ytäwäzozäyän ittâf ifässän ən-Fiyar d-Okhya. Äytedäm kul əqqânän ghäfawän-näsän, ozälän əssəlkäḍän i-Fiyar d-Okhya əs-Täfala tas itawänḥu << Täfala tann Ənnəbi Suliman. >>
12. Fiyar as inäy awen inḥ-asän: << Äytedäm n-Isra`el ma fəl təsämmäkläl sər-wän təməzzit ta? Ma fəl tögäm dägh-nägh asäwaḍ nas näkkänäy a yjäjjäwänkätnen aləs a əs fərregät nəla imān-nāna mädə fəl əddəlil ən-tassaḍ-nänägh əd Məssh-ina əd ləkkum-nänägh y-as. 13. Məssh-ina nn-Ənnəbîy Ibrahim, d-Isəhaq əd Yaqub, Məssh-ina n-abbatän-

Igitän 3: 14

nänägh a ykfän əlkhurma amässhäghäl-nnet Yeswa. Kăwănäy iman-năwăn a tt ikfän i-Kəl-əlkhökum, tugăyăm sər-əs dat Filat s-ənta iḱus-net a oṭās. 14. Təssertăkăm wa ylləllen tolăs oghâd, təssôfăm ad təgmïyăm da Filat a dawăn äyyüw aləs imôsän əməggïy ən-ṃan. 15. Dăgh adi təngħăm wa ysudurăn. Mishan Məssh-ina issənḱăr-tid da nəṃṃəttan issodăr-tu; nəggəyăt fəl-tănăḱra-nnet. 16. Əlkhurma nn-esəṃ ən-Yeswa tolăs d-əzəgḱan s-esəṃ dïy a əkfänen aləs a shighurad-net, təḱannăyăm-tu təzdâyăm-tüw. Əzəgḱan əs-Yeswa a tt izzozăyăn ket-net, ənta-da ibdâdăn dat-wăn. 17. Əmər-ədda iməḱrayăn-in, əssânăgh as adi təgăm-tu dăgh əljəhəl i-Yeswa kăwănäy əd muzărăn-năwăn. 18. Məssh-ina iga adi s-ăsăwăy was t-imăl dăgh əmïy n-ənnəbitän kul a yruwăn: as inḱa << Əlməsifu Wa Ytăwăsänăfrănän ad ənəy ärk-ăṇay har tămăttant. >> 19. Dăgh adi utabăt, təməlləlləyăm sa-sər Məssh-ina fəl ad iməs ibăkkadăn-năwăn. 20. As iga adïy, a kăwăn d-amər Əməliy shimeren n-ălkher, issuḱ-iwăn-du tolăs əmagaz wa dawăn ităwăṭăsän iṛüw a tt imôsän Yeswa Əlməsifüw. 21. Ăṃărăn əmər-ədda Yeswa Əlməsifüw iwâr-tüw ad äqqam da jənnawăn har d-aşüw əzəl wa dăgh z-ăḱnu Məssh-ina ärăt kul wa ymăl ḱărwa iṛu dăgh ṃawăn n-ənnəbitän-

Igitän 3: 22

net kul zăddôgnen. 22. Awălla Ęnnôbi Musa inņa: << Ęmôli wa ymôsăn Məssh-ina-nnăwăn, a dawăn d-ăssăglŭw ənnôbŷy əyyăn dər-ŷy olân a z-iqqəlăn əyyăn dăgh-wăn. Ad təssəsəmăm y-awa dawăn z-ăņņu kul. 23. Ăwedăm kul wa wər nəssəsəm y-ənnôbi wədŷy ad itəwəkkəs dăgh äytedăm ən-Məssh-ina itəwənghŭw. 24. Ęnnôbitän kul əņņăn dăgh änăsəlcam ad obăzăn ghur tămert tan Ęnnôbi Samuwel har əmər-ədda, as əzəl wədŷy ad așŭw. 25. Təmôsăm arătän n-ənnôbitän, təgăm y-ărkăwăl ən-Məssh-ina iduf wa das əgăn abbatän-nănăgh. Inņa Məssh-ina y-Ibrahim: << Ad ägăgh älbăraka da tăwsheten n-əddənet kul s-aṃasa-nnăk.>> 26. Adŷ-da fəl dawăn isănnăfalăl Məssh-ina amăsshăghăl-net Yeswa kăwănăy da tizarăt, issok-awăn-tidu fəl a kăwăn äkfŭw älbărakanet, s-ikŭs wa ytagg akk-əyyăn dăgh-wăn dăgh ärăk-tarŷrăyt tan băkkađän.

4 Təsarnat tann Əkkozät

Fiyar d-Okhya dat Muzärän ən-Kəl-Älyahud
win taggänen Shinaden

1. Wa isshewäl Fiyar d-Okhya i-tämäṭṭäy, oşän-du nəsəffəska, əd khakəmiy ən-magazän ən-Taməzgədda, əd Saddusetän. 2. Iggäz-tän älhäm wəllen fəl əsəssəghri wa taggin nəmmuzal i-tämäṭṭäy, əmmalän tanākra ta yga Yeswa gər nəmṡəttan, dəgh adiy əmmalän-asän tanākra ta du z-ägin äytedäm toläs. 3. Säṭṭärmäsän-tän əgän-tän da kəsəw har tufat fəl-as takəst a təgät. 4. Mishan äytedäm äggōtnen dəgh win əslänen i-səlan winden, əzzəgzänän əs-Yeswa, təzzar əqqälän məzzəgzan edägg ən-səṡṡos gim n-äwedäm. 5. Tufat, əddewän muzärän ən-Kəl-Älyahud əd muzärän win əghmarän əd məsəssəghra nn-Əsshərigha wann Əttəwret dəgh əghrəm ən-Jerusālam. 6. Iḡ-en Annas imōsän anəsəffeskäy wa zəwwərän əd Kayafas d-Okhya d-Aläksandər d-äytedäm kul win d-əgmäḡnen aghäywän n-änəsəffeskäy wa zəwwərän. 7. Əsshedäwän-düw inəmmuzal, əssəbdädän-tän gār-essän, əgän-asän asəştan wa: << Ma təṡōs təghmār

Igitän 4: 8

mäde ma ymôš esəm was tågäm adïy.>> 8. Təzzar əttiyan Man win Əlləllätnen da Fiyar, inṅ-asän: << Ya imuzärän n-äytedäm əd khakəmitän n-Isra`el, 9. Id zāmas təssəštänäm-anāgh äzäl-ada d-ärät ihôssäyan itiwäggän y-əməknud d-əmmək was itäwäzozäy, 10. əssəṅət ket-näwän kăwänäy d-äytedäm n-Isra`el kul as: äwedäm a ibdädän dat-wän da wər ila əghəli wələyyän. Täghmār n-esəm ən-Yeswa Əlməsifu wann əghrəm n-Ənṅasira a tt izzozäyan, wa təttitäyäm fəl təgəttəwt toläs issənḳār-tidu Məssh-ina da təməttant issodār-tidu. 11. Yeswa ənta as itäwänṅa dāgh əlkəttab imôš: << Təhunt ta din təgäräm kăwänäy win maḳrasän, təqqäl təhunt ta təkbalät ehän. >> 12. Eḟsan ənta ghas a tən itaggin fəl-as əddənet wər tāt ihâ esəm əyyän itiwäkfän y-äytedäm was za nətəwəsəḟsüw. >> 13. Äytedäm n-əmənïy-in ket-näsän issîmäkläl sər-sän awen fəl-as ḥannäyan Fiyar d-Okhya əmôšnen äytedäm wər nəga teghäräy təgget mishan wər tən təḥâ təša nn-awal. Əgrän as Fiyar d-Okhya imidawän ən-Yeswa a môsän dər itidäw. 14. Ḥannäyan toläs äwedäm wa ytäwäzozäyan ibdäd dägma-nnäsän, wər əlen a ṅän. 15. Ənṅän-asän Kəl-əmənïy-en ad əgməḟän, təzzar ad tinəməshəwirän. 16. Tinäməṅṅin gār-essän: << Ma za nägu y-äytedäm-

en? fəl-as Kəl-Jerusālam kul əssāḥnān as asāggaḍal-en
əntānāy a tt əzzozāynen, nākkānāy iḡan-nānāgh wər
nəfreg tugit s-awen. 17. Mishan fəl ad wər
wəziwəzān sālan n-awen dāgh äytedām kul, ägiwāt-
anāgh y-asān shisəḳsəḍawen fəl ad wər ələsān awal y-
āwedām wələyyān s-esəḡ ən-Yeswa. >>
18. Sasāghrān-tān-du tolās, əḡḡān-asān ad wər ələsān
təḡḡa n-ārāt wələyyān s-esəḡ ən-Yeswa wāla
əsəssəghrīy n-awal-net. 19. Təzzar ijjəwwāb-asān
Fiyar d-Okhya əḡḡān-asān: << Dat Məssh-ina ma ofān
ləkkum y-awān me ləkkum i-Məssh-ina? Sənnəfrānāt
kāwānāy iḡan-nāwān, 20. fəl-as nākkānāy wər nəfreg
ad nāffāstu d-āmel n-awa nənay d-awas nəsla.
21. Əlāsān-asān Kəl-əməḡīy igīy ən-təsəḳsəḍawen,
āmārān oyyān-tān. Wər əgrewān āsarū wələyyān a fəl
tān āwwāddābān, fəl-as äytedām kul tigudīyān i-
Məssh-ina fəl əddəlil ən-təməzzit ta. 22. Fəl-as aləs
wa yzzāyān s-älghālamāt ten ən-Məssh-ina ila elan
ogārnen əkkozāt təmərwən n-āwātāy.

Shiwatriwen ən-Məzzəgzan əs-Yeswa

23. Fiyar d-Okhya as tāwāyyān əḳḳān imidawān-
nāsān əssoghālān-asān awa əḡḡān nəseffəska win

Igitän 4: 24

zäwwarnen əd muzārän. 24. As əslän i-sälän win-da, jajjäyyen igiy ən-təwat̄re ta s-əwəl əyyän-dägh: << Əməli wa ylän täghmār kul, kāy a dd ikhlākän ijənnawän, təkhlāka-düw amādal, əd gərwan, d-awa tən ihän kul. 25. Käyyüw a yññän dägh əmiy n-Ənnəbi Dawəd imōsän akli-nnäk: < Ma fel tawsheten n-əddənet kul ih-enät əlhäm, toläs tinəmөгginät eghäf wər nənfa wāla. 26. Imənokalän n-ämādal kul sām̄matägän y-əmөгər, imuzarän əntänäy əddewän dägh ädägg əyyän-dägh əgän eghäf fəl Əməli Məsshina d-Əlməsifu-nnet wa ysännäfrän. > 27. Imōs tidət as Herod əd Fons Filat oşän-düw əddewän əmōsän ärät əyyän-da dägh əghrəm wadägh, əntänäy əd tawsheten n-əddənet kul əd tawsheten ən-Kəl-Isra`el, ərtäyän fəl əkli-nnäk illillen imōsän Yeswa wa tösännäfräna təgeq-qüw Əlməsifu, 28. fəl ad ägin ärät kul was totäşägh igi-nnet əs täghmār-nnäk hārwa iru. 29. Ämārän əmər-ədda Əməliy, ənıy shisəksəḍawen shin taggin, täkfägh-ana näkkänäy, a mōsän eklannäk, fərregət n-ämel n-awal-näk, wər nəksûḍ wāla. 30. Əzzəl əfus-näk fəl ad təzzuzəya, toläs fəl ad äginät əlghälamaten əssôhätnen d-ärätän əmmîṭṭäyenen s-esəḡ n-əkli-nnäk Yeswa wa ylləllen. 31. As əghrädän shiwat̄riwen-näsän təzzar inägäynägäy ädägg wa dägh

Igitän 4: 32

əddewän. Ket-näsän əttyän dāgh-sän Man win Zäddôgnen təzzar əssəntän dāgh əmel n-awal ən-Məssh-ina əb-as tən təhâ təša.

Iməzzəgzan əs-Yeswa tuzanän awa əlän gār-essän

32. Tidawät tan məzzəgzan əs-Yeswa ket-net tənîmännäk, iwällän-näsän əd gärrän-näsän kul əmôsän ärät əyyän-da. Wər tən ihâ i gannin awa yla i-nnet ghas-net, iduf wa gän awa län ket-net ədrâwântüw. 33. Təghmăr zəwwərät as tagäyen nəmmuzal fəl tənākra ta d-iga Əməli Yeswa da təməttant, əmărän ket-näsän ihakk-en Məssh-ina ärräkhmät äggət. 34. Wər tən ihâ əwedäm iddîrärän s-ärät wələyyän, win dāgh-sän əlânen inan mädə shiwəgas zanzin-tän in, təzzar tawäyän-düw ättämän-näsän, 35. äkfîn-tüw i-nəmmuzal əmărän əntänäy uzanän-tu gər äytedäm kul, sinəmigirän idəgran s-awas nämmäggarnät äddăraraten-näsän. 36. Shilat n-awa yga Yusəf imôsän əyyän dāgh Kəl-Lewiy, ihuwän dāgh äkal ən-Shifər, was əgän nəmmuzal təsəmmadäq Barnabas, älmäghna << Aləs wa ytaggin ənnəsikha. >> 37. Izzənz-in tawäggost ila ewäy-du ättämän-nnet ikf-äy i-nəmmuzal.

5 Təsarnat tan Səm̄osät

Ananəyas əd təntut-net Safira

1. Mishan ill-äy aləs əyyän igän esəm̄ Ananəyas. Ta ghur-əs esəm̄-net Safira. Izzənz-in ənta əd-ta ghur-əs tawägost əyyät. 2. İttäf-düw edes n-əzrəf-net dāgh təssân ta ghur-əs, ewäy awa dd-iqqimän i-nəmmuzal. 3. Təzzar in̄-as Fiyar: << Ananəyas, mas kăy issəkräk Iblis iga dāgh-ak äräk-m̄an isässäg-ik bahüw i-M̄an win Zäddôgnen tət̄täfāgh-in edes n-əzrəf wa din tənza tawägost-näk? 4. Dat năzzän-näk tawägost di, təla-nnäk a təhâ me? Dāgh adiy as tăt in təzzənzāgh, azrəf wa din tənza i-nnäk werge? Dāgh adi ma fəl as du tək̄tegh igiy n-ärät olän d-adi? Wergegh äytedäm as təge bahu, Məssh-ina as təge bahüw. >> 5. As isla Ananəyas y-awal wa, ifätäqqät äba-tüw. Äytedäm win əslänen y-awen kul təggäz-tän täşa lăbâsät. 6. Əgländu meddän win mädronnen əssəlsän-tüw afər ewäyän-tüw ənbälän-t-in. 7. Aṭṭayän ən-kărăḍ älwäqqän dəffər iba nn-Ananəyas, toş-äddu ta ghur-əs təggäz-d ehän wər tăt əhên sălan n-awa ygän. 8. Issəştän-tăt Fiyar in̄-as: << Əməl-iy, azrəf a-dāgh a din təzzənzäm tawägost-năwän? >> Təṇṇ-as: Awällä ənta

Igitän 5: 9

didā kul.>> 9. Təzzar inṅ-as Fiyar: << Məni awas tənämärdäm ad täjjärräbäm İman win Zäddôgnen n-Əməli? Əni-tän den äytedäm win din ənbälnen aləs-näm, əqqälän-düw əllän ghur təsəhərt, a kām awıyän kām-da. >> 10. Tamäzäyt ten-dägh a dägh təfätäqqät dat änämmazul äba-tät. Əggäzän-du meddän win mädronnen win din ənbälnen aləs-net, oşän-tät-du wər tədder; ewäyän-tät ənbälän-tät-in dägma nn-aləs-net. 11. Inalkimän ən-Yeswa ket-näsän d-äytedäm win əslänen awen, əgän tərəmmeq läbäsät.

Əgän ärätän sîmäklälnen

12. Inəmmuzal issəfräg-tän Məssh-ina igıy n-älghälamäten äggôtnen d-ärätän sîmäklälnen dägh äytedäm. Iməzzəgzan əs-Yeswa ket-näsän tidawän da täfala tas itawänṅu tən Ənnəbi Suliman. 13. Wər t-illa äwedäm ihälän a tən iggəz, mishan äytedäm əssîghmărän-tän wəllen. 14. Äytedäm äggôtnen əgänen gər meddän əd tədoḍen zagzanän s-Əməli toläs taggäzän tidawät-näsän shatin-tät wəllen. Taggin nəmmuzal älgälamäten äggôtnen d-ärätän sîmäklälnen. 15. Adida a fəl du tawäyän äytedäm imiränän əs-tarṛäyen, təwäsänsin fəl kăräghatän əd

Igitän 5: 16

təsalaten fəl tǎra nas amər tǎn d-immār Fiyar, a du tawəḍ wəyyaḍ dǎgh-sǎn kud de telǎy-net, fəl ad əzzīyǎn. 16. Äytedām äggôtnen taṣ-in-düw gammädän-düw ighərman win ghälǎyghälǎynen aghrəm ən-Jerusālam, ewǎyǎn äytedām əriṇnen əd wəyyaḍ əgrāwǎn älǎynǎn wəllen. Ket-nāsǎn tîwazozǎyǎn.

Inəmmuzal tîwädgǎzǎn

17. Inkār ǎnäsǎffeskǎy wa zəwwərǎn əggǎznāt-tu təsmiten lǎbāsnen ənta d-äytedām win dər-əs əddewnen win əḥānen taggǎyt tan Saddusetǎn n-əghrəm wen. 18. Əbǎzǎn inəmmuzal əgǎn-tǎn da kǎso ta zəwwərāt. 19. Mishan as iga āhǎḍ, oṣ-äddüw ǎngǎlos n-Əməliy olām shisəḥar ən-kǎsǎw, iḱḱās-düw inəmmuzal inṇ-asǎn: 20. Ägliwāt äḱḱiwāt Təməzgədda ta Zəwwərāt təbdədām təməlām y-äytedām batuten kul shin əqqǎlnen taməddurt ta təghlälāt. 21. Əlkāmǎn nəmmuzal y-awa dasǎn inṇa ǎngǎlos: Ənzǎyǎn əs-Təməzgədda ta Zəwwərāt a dǎgh-as sasǎghrin. As d-oṣa ǎnäsǎffeskǎy wa zəwwərǎn ənta d-äytedām win ghur-əs əllānen, əsshedǎwǎn-du asǎggāwar wa zəwwərǎn ən-Kəl-

Igitän 5: 22

Isra`el. As d-əddewän, əssəgmäyän inəmmuzal s-ähän ən-ķāsaw. 22. As din oşan mäsşähghälän n-ähän ən-Məssh-ina ehän wan ķāso, wər tən əgrewän, əqqäländüw əsəggäwar əssoghälän-as isälan. 23. Ənñän y-tidawät: << As din noşa, aghäywän ən-ķāso ket-net ighfâl, sojitän win magazän əbdädän dat təsəhar ən-ķāso. Mishan as tənät noläm wər din noşa əwedäm wələyyän dāgh aṃṃas. >> 24. Əmuzär ən-mäsşähghälän win tagärđatnen Taməzgədda ta Zəwwərät, əd nəseffəska win zäwwarnen, as əslän y-awen əb-as əssāñän awa z-əññin əs-nəmmuzal, wāla wa z-ilkəmän. 25. Dəffər awen oş-əddüw əwedäm əyyän inñ-asän: << Səsəmət-i! Meddän win təgäm da ķāsaw, əbdädän dāgh Təməzgədda ta Zəwwərät sasəghrin dāgh-as äytedäm! >> 26. Iddew əmuzär ən-mäsşähghälän əd meddän-net, təzzar ewäyän-düw inəmmuzal. Əzzərgäzän-tän-du sollan. Wər tən əssəķnän əsshär fəl-as imäsşähghälän əksüďän a tən əgərän äytedäm əs təhun. 27. As dər-sän d-oşan, əssəbdädän-tän dat əsəggäwar fəl a tən issəstän ənäsəffeskäy wa zəwwərän. 28. Inñ-asän: << Wərgəgh irüw as dawän nəgdäl əsəssəghri s-esəṃ n-əwedäm dīy? Ənta-da awa təgäm təgläm təzäwäzäwäzäm teghäre-nnāwän dāgh əghrəm ən-

Igitän 5: 29

Jerusälam ket-net, toläs täräm a dana tössowöräm atowängha-nnet. >> 29. Ijowwäb-asän Fiyar öd nөmmuzal inñ-asän: <<Mөssh-ina as danagh iwär lökkum y-as wөrgegh äytedäm. 30. Mөssh-ina n-Abbatän-nänagh a dd issodärän Yeswa wөdi, wa tөnghäm өddi s-өtitti wa tu tөгäm fөл tөгөttäwt. 31. Mөssh-ina itkäl-tүw ig-äy dagh өghil-net, ig-äy amuzär n-änäsefsi fөл ad utabän Kөл-Isra`el tөzzar өgrөwän tөsureft өn-bäkkadän-näsän. 32. Nөmөs shigөyyawen n-adi näkkänäy öd Man win Ellөllätnen win ikfa Mөssh-ina äytedäm win das өlkämnen. >> 33. As өslän Kөл-amөney awen iggäz-tän älhäm wөllen ärän ad anghin inөmmuzal. 34. Tөzzar inқär-du dagh-sän өyyän da Farisetän igän esөm Gamaliyal, imөsän amөsөsseghriy n-Әsshөriha wann Әttäwret. Әssighmärän-tүw äytedäm kul. Igmäy ad өgmөdän nөmmuzal har ägin amäzäy. 35. As өgmөdän nөmmuzal, inña y-өmөney: << Kөл-Isra`el ägiwät өnneyät d-awas täräm igi-nnet y-äytedäm-en. 36. Wөр irүw adiy as inäfaläl Teda, inñän өnta äwedäm zөwwөрän a ymos. Edägg n-өkkozät tömad n-äwedäm a das өlkämnen. Mishan itäwängha tөwäzawäz tämätte ta das tөлkämät ket-net. 37. Dөffөр-өs, dagh tämert tan tuđdant, inқär-du Yuda wann äkal өn-Galiläy;

Igitän 5: 38

issäffäläg äytedäm äggôtnen mishan ɔnta-dägh
ităwängha, win das ɔlkämnen kul wăzăwăzăn.
38. Ɛmər-ɔdda ăřăt wa dawăn z-ăññăgh ɔgmɔđăt
batŭw n-äytedäm dĭy äyyiwăt-tăn ad äglin fəl-as kud
ăřăt wa ħăn den ɔd was ăřân igi-nnet äytedäm a tt
ɔgănen, adi-za ad ibɔrəjjət. 39. Mishan kud tidət as
Məssh-ina ad ifăl, adi-za wɔr za tɔfrɔgăm ajəbbɔrəjji-
net, fəl ad wɔr tɔggəzăm älgĥărar n-ɔmɔgɔr ɔd Məssh-
ina imān-net. >> 40. Kəl-ɔməñĭy ɔrđăn s-awa dasăn
inĥa Gamaliyal. Săssăghrăn-dŭw inəmmuzal tolăs
săssagăn-asăn shiwit, ɔññăn-asăn ad wɔr ɔlɔsăn awal
s-esəm ɔn-Yeswa; təzzar oyyăn-tăn. 41. Ɛfălăn
nəmmuzal asăggăwar, ket-năsăn ɔddəwen fəl-as
isănnăĥa-tăn Məssh-ina ɔkyud wa tăwăggăn fəl
ɔddəlil n-esəm ɔn-Yeswa. 42. Ɛzəl kul sasăghrin
äytedäm da Təməzgədda ta Zəwwərăt tolăs dăgh-
ammas ɔn-ñan, ɔmmalăn-asăn isălan win ĥôssăynen
win ɔgănen fəl Yeswa wann Ɛlməsifŭw ɔn-Məssh-ina.

6 Təsarnat tan Sədisät

Tăwăsänăfränän Əssa Meddän fəl ad
ilalän i-Nəmmuzal

1. Äzzäman-en, inalkimän ən-Yeswa əttiyän, win dăgh-sän əmôsän Kəl-Ălyahuđ win əsshewälnen awal wan Gərak əsshakän Kəl-Ălyahuđ win həđätnen win əmôsnen Kəl-ăkal. Nîmăggän dər-sän batuten da gannin: << Shiđođen-năna shin as äba meddän-năsnät wər dăgh-əsnät təga măsñät dăgh älwăq wa da tətəgg təzunt ən-məñsewän d-əzrəf əzəl kul.>>

2. Inəmmuzal win məraw d-əsshin əsshedăwän inalkimän kul ən-Yeswa əññän-asän: << Wər olegħ ad nəyyüw emel n-awal ən-Məssh-ina fəl ad nənăttăf əd təzunt ən-məñsewän d-əzrəf.

3. Dăgh adiy iməđrayän-năna, sənnəfrənät dăgh-wän əşsa meddän win təflăsăm win əhân Mān win Əlləllätnen tolăs əssânän awa yhôrän. A tăn nəgu dăgh əsshəghəl wəđiy.

4. As iga adi ad wər nərəz dăgh əsshəghəl-nănăgh ən-təwaṭriwen d-ămel n-awal ən-Məssh-ina.

5. Taṇat ten togăm-tăt tidawăt ket-net. Təzzar sännăfränän Etəyan imôsän əməzzegzän wəllen tolăs

Igitän 6: 6

itkâr İman win Ellöllätnen, əd-Filif əd-Froshor əd-Nikanor əd-Timon əd-Farməna əd Nikola. Nikola äwedäm ən-täwshet əyyät wər nəmos in-Kəl-Älyahud a dd igmâḍän aghrəm n-Antəyosh. Ihad-äddu s-əddin ən-Kəl-Älyahud. 6. Əssəbdädän-tän dat nəmmuzal. As əghrädän nəmmuzal shiwat̄riwen-näsän, təzzar əssəwərän-tän ifässän-näsän. 7. Awal ən-Məsshina itiwəziwiz. Tittəyän nalkimän wəllen dāgh əghrəm ən-Jerusālam, inəsəffəska äggōtnen ən-Kəl-Älyahud əzzəgzänän əs-Yeswa.

Atərməs n-Etəyan

8. Etəyan imôs əməzzəgzän wəllen igrâw täghmār ən-Məssh-ina, itaggüw äratän əmmîṭṭäynen d-älghālamäten əssôḥätnen da tāmätṭäy. 9. Ənḳārän əmmäzāghän dər-əs äytedäm əs-wəyyaḍ in-ähän ən-təghäre was itawäṇṇu << Wann äytedäm win əgmädnen təla, >> wəyyaḍ Kəl-Kiren, wəyyaḍ Kəl-Aleksandri, wəyyaḍ ärat dāgh äytedäm win d-əfälnen ikällän ən-Silisi d-Azi. 10. Mishan wər dāgh-as əfregän wāla fəl-as isshewäl əs məsnät äggēt a tt-əkfän Man win Ellöllätnen. 11. Əkhfārän äytedäm wəyyaḍ fəl a tt əssəwərän bahüw da gaṇṇin: << Nəslâ

Igitän 6: 12

issêwäl ärk-awalän fäl Ænnöbi Musa öd Məssh-ina.
>> 12. Awen-dägh as əgän äräk-ṁan dägh tämätṭäy,
öd muzärän, d-məssəssəghra n-əlqanun wann
Ættäwret. Dəffər awen əwârän Etəyan əbäzän-tüw
əlwäyän-tüw əssəbdädän-tu dat ässäggäwar wa
zəwwərän. 13. Toläs sässäghrän-düw äytedäm fäl ad
əssəwərän Etəyan bahüw. Äytedäm-en gannin: <<
Aləs-a wər oyya emel n-ärk-äṛätän s-əlqanun n-
Ættäwret d-ädägg was ənta a zəddîgän. 14. Nəsl-as as
inṇa Yeswa wədi wann əghrəm n-Æṇṇasira ad
izzəbbərjət edägg a, toläs isəmməṭṭəy älgädäten shin
nəgräw ghur Ænnöbi Musa! 15. Äytedäm kul win
əqqîmänen dägh äḥän wann əməṇiy wen əswâḍän
dägh Etəyan ənâyän as udəm-net isaḳt-äddu wann
ängälos.

7 Təsarnat tann Æssayät

Äljäwab n-Etəyan

1. Issəstän änäsäffeskäy wa zəwwərän Etəyan kud
awa sər-əs itäwänṇin tidət me bahüw. 2. Ig-as Etəyan
äljəwab wədiy: << Iməḍrayän-in d-abbatän-in
səsəmät-i. Məssh-ina wa ylän älkhurma inîfaläl y-

Igitän 7: 3

abba-nänägh Ænnəbïy Ibrahim ħərwa iħa äkal ən-Mezofotami dat iḳi-nnet äkal ən-Haran fəl a dāgh-as ighsər. 3. Inḡ-as Məssh-ina: << Æfəl imärwän-näk d-äkal-näk, tägla täḳḳägh äkal wa käy z-ässäḳna.>> 4. Təzzar igmäḍ Ibrahim äkal ən-Shaldəyänatän iḳḳa Haran ikhsär dāgh-as. Den-dāgh a tt iḳḳäs Məssh-ina da Haran dəffər iba ən-shi-s ewäy-tu s-äkal was ənta a dāgh təkhsâräm əmər-ədda. 5. Məssh-ina wər t-ikfa dāgh äkal wa wäla; wäla ghas edägg issîbdädän aḍär n-äwedäm əyyän-da, mishan itkâl-as ärkäwäl nas a tt-äkfüw äkal a as z-ilin häyawän-net dəffər-əs . Eges dāgh elan-en Ibrahim wər ila bärar wələyyän. 6. Ænta-dāgh awa das inḡa Məssh-ina: << Ihäyawän-näk ad əghsərän dāgh äkal dāgh əmôsän inaftaghän dāgh z-əqqəlän eklan täwäsäḳninen ärk-änay har ägin əkkozät təmaḍ n-äwätäy. 7. Mishan ad əsshrəgha y-äytedäm win as käla a dasän əmôsän eklan. Dəffər awen ad əgməḍän äkal wen äḳḳin-du wa-da fəl a dïy əghbədän dāgh ädägg wa-da.>> 8. Dəffər awen ig-as Məssh-ina ärkäwäl s-ənta as ejwäl-net imôs əmənəkəḍ. Adida fəl-as as eḗw bärar was iga esəm Isəhaq issəmənəkäḍ-tüw əzəl wann əḡtam dəffər təhut-net, toläs Isəhaq eḗw Yaqub issəmənəkäḍ-tu. Yaqub ənta eḗw abbatän-näna məraw d-əsshin win fəl əgän Kəl-Isra`el. 9. Abbatän-

Igitän 7: 10

nänägh-en oşămän fəl Yusəf imôsän əyyän dāgh-sän, əzzənzän-t-in fəl ad iqqəl akli da Mäşär. Mishan Məssh-ina issän dāgh-as, 10. ikkäs-tidu dāgh ärk-änay kul wa ynäy, ikf-äy ärrakhmät əd mäsñät. Issəř-äy i-Firghawna amənokəl ən-Mäşär. Təzzar izzozär-tu Firghawna y-äkal ən-Mäşär əd təla-nnet kul. 11. Iggäz laz äkal ən-Mäşär kul əd wan Kənan, dāgh ənâyän äytedäm ärk-änay wəllen. Abbatän-nänägh wər əlen wäla a ätshän. 12. As isla Yaqub as Mäşär ih-et älkäma, ishəsshakäl sər-əs abbatän-nänägh əs-tizarät. 13. As tewāghläy-näsän i-Mäşär tan sənātät, izzəzdäy-tän Yusəf iman-net təzzar əggäzän sälan Firghawna n-əghäywän wadd igmäđ Yusəf. 14. Inqär Yusəf issəgmäy shi-s Yaqub əd-märwän-net kul əmôsnen əşşäyät təmərwen n-äwedäm əd səmmos. 15. Təzzar izzəbbät Yaqub äkal ən-Mäşär s-ənta a dāgh t-äba, ənta d-abbatän-nänägh. 16. Emmewäynät älzänazäten-näsän s-əghrəm ən-Sishäm, täwänbälnät da täsäskot ta yzzənza Ibrahim azrəf ghur mädđan-əs ən-Hämor əmôsnen äytedäm n-äkal ən-Sisham. 17. As d-ihoz älwäq wa dāgh z-ässändu Məssh-ina ärkäväl wa yga y-Ibrahim, äytedäm-näna tittöyän da Mäşär, 18. har iggäz əmənokal əyyän wər nəzday Yusəf täghmär ən-Mäşär. 19. Amənokal wen ikkərräs

Igitän 7: 20

təməst-nänəgh, iga y-abbatän-näna tär-naṭtuft läbäsät dāgh tən issîhhässhäl a din əgərän dāgh əsuf arātän-näsän win s-əket əhüwän fəl a tən iba. 20. Äzzäman wen-den a dāgh ihu Musa, imôsän bärar ihôssäyän wəllen, ir-äy Məssh-ina. Itäwäsädwäl dāgh ähän ən-shi-s har iga kărădät təlil. 21. As din itäwägär, təkämmät-idu tăbärart ən-Firghawna tög-äy bärar-net, tög-as asədwəl wa za tägüw i-bärar ən-tədist-net. 22. Tətäwäsässäghr-äy mäsñät kul tan Kəl-Mäşär, iqqäl aləs ilän tənna, shighäwshiwen-net kul ʔanninät s-əllugh. 23. As äwätäy-net wann əkkozät təmərwən təggäz-tüw ənñəyät tan ad äkküw iməḍrayän-net Kəl-Isra`el win dər idrâw ələsəl fəl a tən inəy. 24. Inäy əyyän dāgh-sän idgäz-tüw äw-Mäşär əyyän, ogäz-tu dāgh-as, ingh-äy fəl ad izzəzəl y-əmăḍräy-net. 25. Ighil ad ägrin məḍrayän-net Kəl-Isra`el as Məssh-ina a tt issəshghəlän dāgh aggaz-näsän; eges wər əgren awen. 26. Əzəl wa həḍän, oş-äddüw Musa Kəl-Älyahud əsshin əkkînäsnen, igmäy a dasän ägüw älkher; inñ-asän: << Meddän, ma fəl as təkannäsäm gär-ewwän təmôsäm iməḍrayän? >> 27. Inḗär dāgh-sän wa ynaqqin wa həḍän, ibdāgh-in Musa inñ-as: << Ma käy igän amuzär n-əmashragh-nänəgh? 28. A täregh a di täga tenəghäy ta təgegh y-äw-Mäşär ənd-

Igitän 7: 29

azəl?>> 29. As isla Musa y-awen, idəggäg iḵḵa äkal ən-Madyan ighsär dāgh-as, imôs ənaftagh. Izläf, igräw əsshin arātän ən-meddän. 30. Əkkozät təmərwən n-äwätäy dəffər awen, da tənere ta yḥâ adghagh wan Sinay, inäfaläl-as ängälos n-Əməliy da tämse təbîläglägät da təfsəq. 31. Isîmäkläl awen əs-Musa. Itîhaz-du fəl ad izəgəzdu wəllen, as isla y-awal n-Əməliy as das inḥa: 32. << Năk Məssh-ina n-abbatän-năk a mōsa, Məssh-ina nn-Ibrahim d-Isəhaq əd Yaqub. >> Təzzar təggāz täysəst anädaw ən-Musa. Təgdäl-as täşa ad iləs asäwəḍ da təfsəq ten. 33. Təzzar inḥ-as Əməliy: << Əḵḵəs ighätəmän-năk, fəl-as edägg wa dāgh təbdädāgh əddiy amāḍal zəddîgän a ymôs. 34. Əqqiyänāgh ärk-āḥay wa ḥâyän äytedäm-in da Măşär, əslegh i-hərərrəkitän-năsän, əzzəbbe-du fəl a tən əḵḵəsa dāgh əkkəlu. Əmər-ədda äyāw a käy zəmmizələgh əs-Măşär.>> 35. Musa wədi-dāgh, a ənkurän Kəl-Isra`el əs tənḥa ta das əgän << Ma käy ygän amuzär n-əməshragh-nänāgh? >> ənta a dd izämmazäl Məssh-ina ig-äy amuzar d-ənəssefsi dāgh das illil ängälos wa das inäfalälän da təfsəq. 36. Musa wədi-dāgh ənta a yḵḵäsän Kəl-Isra`el as da Măşär dəffər as iga igitän əmmîṭṭäyən d-älghälämäten əssôḥätən dāgh äkal ən-Măşär, d-Ägärew wa

Igitän 7: 37

Zäggäghän, toläs da täñere har iga əkkozät təmərwən n-əwätäy. 37. Toläs Musa ənta a yññän i-Kəl-Isra`el << Məssh-ina a kəwän d-issuküw ənnəbïy a dər-ïy olän, a kəwän du z-igməđän. A das təssəsəmäm. >> 38. Musa toläs a yllän ghur äytedäm n-Isra`el as əddewän da täñeräy: iddew d-abbatän-näna d-ängälos wa das isshewälän fəl ädghagh ən-Sinay; igräw awalän ən-Məssh-ina əghlälnen fəl a dana tän-iməl. 39. Mishan abbatän-nänəgh ugayän sad ətṭəfän batunnet, əksänän-tu, səddaränän da wällän-näsän ad əqqəlän äkal ən-Məşär. 40. Əññän y-Harun: << Ägana Məssh-inatän jîwänkätnen dat-na fəl-as wər nəssêñ awa din igän da Musa wədi, wa danəgh ikkäsän da Məşär. >> 41. Äđan en-dəgh a dəgh əgän äbärkəw n-urəgh əgän-tüw äşşänäm-näsän safäskən fäll-as. Isîdäwät-tän wəllen ärät wa gän əntänäy iman-näsän. 42. Təzzar igmäđ Məssh-ina batu-nnäsän, oyyen əghbədän təfuḵ əd-tallit d-eṭran fəl-as awen-den a yktäbän dəgh əlkəttab wann ənnəbitän: << Äytedäm n-Isra`el, ak näk a təḥakkim ihərwan əgzâmnen əd təfaskiwen har tögäm əkkozät təmərwən n-əwätäy da täñere? 43. Kälä kälä, ehäket wan Məssh-ina wa ygän esəm Molokh a tewäyäm əd shässhelan ən-Məssh-inannäwän wa ymôsän aṭri wa ygän esəm Rəfan,

äŝŝänämän win tögäm fəl a tăn təghbədäm! Adida fəl
 kăwän z-awəya s-ädägg illân dənnəg əghrəm ən-
 Babilon. >> 44. Dăgh tănērăy, abbatän-nănăgh elän
 ehăket təhâ shirăwt tăn ärkăwăl. Iga s-əmmək wa
 ymäl Məssh-ina i-Musa: a tt imôsän a das ägüw igiy
 olân əd wa ynăy. 45. Ehăket-en əgrăwän-tu abbatän-
 năna a dd-oŝänen dəffər awen. Ewăyän-tüw, äzzar-
 asän Jozwăy, har t-əgän dăgh äkal wa əbăzän wa dăgh
 istăgh Məssh-ina tăwsheten dat-sän. Iggăz-tu har
 äzzăman n-Ənnəbi Dawəd. 46. Dawəd igrăw
 ärrakhmăt ən-Məssh-ina, igmäy dăgh-as a tt äkfu
 turagăt nad ikrəs i-Məssh-ina ən-Yaqub ehän.
 47. Mishan Ənnəbi Suliman a das ikrăsän ehän.
 48. Mishan Məssh-ina wann ämătkol wər ighəssər da
 ɳan əkrăsän äytedäm, zun əmmək was imäl Ənnəbiy
 awen: 49. Məssh-ina inṇa:<< Ijənnawän əntănăy
 təkhwit-in, amăḍal imôs asəkbəl ən-ḍarän-in. Məniy
 iri n-ähän was təfrăgäm a di tu təkrsäm? Məniy
 edăgg wan tăsänfăwt-in? 50. Iman-in as d-əkhläkägh
 adi kul. >> 51. Ya äytedäm win nəffəllag win as
 əghfălän wăllän-năsän əd təməzzugen-năsän i-
 təghărăy ta tăn itaggu Məssh-ina, ənkurän ḥărwa Iman
 win Zăddôgnen, tolâm d-ăljadän-năwän älkhal.
 52. Məni dăgh ənnəbitän wa wər ədgezän abbatän-

Igitän 7: 53

năwăn? Ænghän äytedäm win əməlnen aṣṣa ən was ənta ghas a oghädän toläs əmər-ədda kăwănäy təqqäläm iməkəddal-net ən-măggan ən-ṃan. 53. Kăwănäy Älqanun ən-Məssh-ina wa kăwăn əkfän ängälosän wər das təlchemäm.

Tamättant n-Etəyan

54. Kəl-əmənəy, as əslän y-awen iggäz-tän älhäm läbäsän ad samăkyakän ishenän-näsän fəl älhäm n-Etəyan. 55. Mishan ənta wa ətkärän Ṁan win Əlləllätnen, iswäḍ da jənnawän, təzzar ogga täghmär ən-Məssh-ina, toläs ogga Yeswa ibdäd dăgh əghil ən-Məssh-ina. 56. İnṇa: << Əswəḍät ḥannäya da jənnawän ənnôlămän Ägg-Adəm ibdäd dăgh əghil ən-Məssh-ina. >> 57. Əkḳäsän imäslan zəwwârnen, təzzar ədbăghän shiməzzugen-näsän, Ozälän-du ket-näsän əbăzän-tüw. 58. Əkḳäsän-tu dăgh əghrəm ad t-əggârän əs-təhun fəl a tt änghin. Shigəyyawen shin d-ewäynten taghtəst n-Etəyan oyyänät-du shikătkăḍen-näsnät ogăz-tänät aləs aynâyän igän esəṃ Sol. 59. Etəyan əggârän-tüw äytedäm əs-təhun as iga təwatṛe ta: << Əməli Yeswa, əqbəl iman-in! >> 60. Dəffər as inṇa awen igärăffät itkäl aməsli-nnet s-

Igitän 8: 1

ăfălla inna: << Ęmölŷ ad wər fäll-assän təkhsəbăgh abăkkad wa. >> As ighrăd tənna n-awen äba-tu.

8 Təsarnat tann Ęttamăt

1. Sol irda s-ətəwəngħa n-Etəyan.

Idgăz Sol iməzzəgzan əs-Yeswa

Ęzəl wen-dăgh a dd ităwăgga atəwəđgəz lăbăsän y-məzzəgzan əs-Yeswa win əghrəm ən-Jerusălam. Wər d-iqqim dăgh-sän ar inəmmuzal. Iməzzəgzan əs-Yeswa win hădätneen kul əđđəggăgän wăzawăzän da kăllän ən-Judăy əd Samarŷy. 2. Äytedăm win zăzzăwătneen dăgh əddin wəllen a ənbəlnen Etəyan. Ęyyəwănän fäll-as tala s-ăfălla. 3. Sol ənta igammăy d-əhluk ən-məzzəgzan əs-Yeswa. Irzăg inan ilabbăydu dăgh-sän meddän əd təđođen itagg-en da kăso.

Imăl Filif isălan n-ălkher dăgh äkal ən-Samarŷy

4. Iməzzəgzan əs-Yeswa win tăwăstăghneen ərzăgän äkal s-ăkal əmmalän isălan n-ălkher. 5. Filif irăş dăgh

Igitän 8: 6

əghrəm əyyän n-äkal ən-Samarïy a dăgh-as immal y-
äytedäm Elməsifüw. 6. Äytedäm äggôtnen sasamän
wollen s-əwəl əyyän-da y-awalän ən-Filif as sallin y-
awa ygannu toläs hannäyän älghälamäten shin itagg.
7. Fəl-as äytedäm äggôtnen əgmädän-tän äljäynän.
Takḳäsän iməslan läbâsnen dăgh ämäzäy wa dăgh tän
gammädän toläs tîwăzozäyän äytedäm äggôtnen ən-
nəbdan əd win əgänen idarän. 8. Təga tədəwit dăgh
əghrəm di wollen. 9. Dat awen aghrəm-en ih-äy aləs
əyyän igän esəm Simon n-ənəsboka. Itagg ärätän
əmmîttäynen sîmäklälnen s-äytedäm ən-Samarïy.
Igannüw ənta äwedäm zəwwərän a ymôs.
10. Äytedäm kul gər-za win mädronnen wäla win
wässhärnen ket-näsän sasamän-as, gannin: <<
Äwedäm a täghmăr ta zəwwərät ən-Məssh-ina a
ymos. >> 11. Sasamän-as wollen fəl-as irəw itaqqän
ighäfawän-näsän əs jujab n-ässäkharän win itaggu.
12. Mishan as ərdän əs-Filif a dasän immalän isälan n-
älkher win əgänen fəl əlkhekum ən-Məssh-ina əd-
Yeswa Elməsifüw, ərdän sad təwəsəlməghän dăgh
aman ket-näsän gər meddän əd tədoḍen. 13. Simon
ənta-dăgh izzəgzän ităwäsälmăgh dăgh aman, imäl
ghur Filif äb-as dər-əs itamăzzay. Ärätän sîmäklälnen
d-älghälamäten shin taggänen den əqqânän eghäf-net.

Igitän 8: 14

14. Inəmmuzal win əḥānen Jerusālam əslān as äytedām n-ākāl ən-Samarīy əgrawān awal ən-Məssh-ina, təzzar əssokān-tān-du Fiyar d-Okhya. 15. As tān in-oşān əgān shiwat̄riwen fəl məzzəgzan fəl ad əgrəwān İman win Zäddôgnen, 16. fəl-as ḥārwa-dāgh wər tān iḥa i fəl d-əzzîbben Man win Zäddôgnen, aman ghas a dāgh täwäsālmāghān s-esəḡ n-Əməli Yeswa. 17. Sawarān-tān Fiyar d-Okhya ifässān-nāsān təzzar əgrāwān İman win Zäddôgnen. 18. As inäy Simon as iməzzəgzan garrāwān İman win Zäddôgnen s-əsəwər wa tān taggin nəmmuzal ifässān-nāsān, ewäy-düw azrəf i-Fiyar d-Okhya. 19. İnḡ-asān: << Äkfiwät-i nāk-da täghmār tēdi, fəl ad əgrüwāgh as äwedām wa əssəwārāgh ifässān-in ket-net ad igrüw İman win Zäddôgnen. >> 20. İnḡ-as Fiyar:<< As käy təhlök jähännāma käy d-əzrəf-nāk zāmas təghîlägh as teḥäkkāwt ən-Məssh-ina təfrag a du tānzu azrəf. 21. Əsshəghəl wa wərmad dāgh-as təlegh adāgār za wāla turagāt ən-wāla fəl-as əwəl-nāk wər oghed dat Məssh-ina. 22. Utab dāgh ässhār-nāk tansīya Məssh-ina fəl a dak issurəf awa ysamāḍran əwəl-nāk kud adīy immîkkān. 23. Fəl-as ḥannäyāgh as iḥ-ik ässhār səḡḡməḡān tolās ittāf-käy äbäkkad-nāk.>> 24. Təzzar inḡa Simon i-Fiyar d-Okhya: << Ətḡərät-iy Əməli

Igitän 8: 25

kăwănăy imān-năwăn fəl a dīy wər igrūw ărăt wələyyăn dăgh awa tənñām. >> 25. Dəffər as imāl Okhya əd Fiyar ărătăn äggôtnen fəl Ēməli Yeswa, əmälăn y-ăytedăm tolăs awal ən-Məssh-ina, əqqälăn säsər Jerusālam, taggin isālan n-ălkher da təghărmaten ən-Kəl-Samarīy äggôtnen, əhānen tarṛăyt-năsăn.

Filif d-Ēyyăn dăgh Kəl-Ēlkhəkum n-Ăkal n-Etəyofīy

26. Ăngălos n-Ēməlīy inṇa i-Filif: << Ēnḵər tawīya tarṛăyt ta təkḵăt agăla, ta təgmăḍăt Jerusālam tərăş təkḵa Gaza. Tarṛăyt ten tössûf.>> 27. Inḵăr Filif igla ijîwănkăt da tarṛăyt as ogga aləs əyyăn. Aləs-en ăwedăm zəwwərăn dăgh əlkhəkum n-ăkal n-Etəyofīy. Imôs aləs ozâmăn. Ēnta a ynnəṭṭăfăn əd təgərgist kul ən-Kandas tamənokalt n-Etəyofīy; iḵḵ-ăddu Jerusālam fəl ad ighbəd Məssh-ina. 28. Iqqāl aghăywăn-net. Iqqim dăgh ămälănkăy-nnet əlwâyăn əggəsăn, igharrūw əlkəttab n-Ēnnəbīy Ezayīy. 29. Ēnṇăn Mān win Zăddôgnen i-Filif: << Ăglūw ăḵḵūw ămälănkăy wen a tu wər tugagăgh.>> 30. Ozăl Filif ihoz-tidūw, isla y-ăwedăm wann Etəyofīy igharrūw əlkəttab n-Ēnnəbīy Ezayīy. Issəşăn-tūw inṇ-

Igitän 8: 31

as: << Təgregh awa təgharrāgh?>> 31. Ijjəwwäb-as aləs wen inṇ-as: << Məniy awas tu z-ägra, wər t-illa äwedäm a di tt isässägrän? >> Igmäy da Filif ad iwəṇ ämälänkäy-nnet, äqqam dägma-nnet. 32. Edägg wa ygharru dāgh əlkəttab-en ənta-dāgh: << Imôs shilat ən-ākərr immewäyän s-ädägg n-ägāzam. Ola n-äjāghol as ilāz äwedäm təduft-net wər ighwa, wər oṛa imi-nnet. 33. Itiwäsäkkäarakäd wər das əgen əsshəriḡha wa dər ihôr. Məni wa yfrāgän ad äṇṇüw äṛät əs-häyawän-net? Fəl-as tətîwäzäräz təghrəst-net dāgh əddənet. >> 34. Təzzar issəstän aləs wann Etəyofi Filif inṇ-as: << Äregh a di təmälāgh äwedäm wa fəl iga Ənnəbiy awal wa, ənta iman-net a fəl t-iga megh äwedäm əyyän? >> 35. Dendāgh ad oṛa Filif imi-nnet issənta əs-təghäre n-ädägg wen, imäl-as isālan olāghnen win əgänen fəl Yeswa. 36. Əsshokälän, as d-oşän edägg əḡhän aṃan inṇa ägg-əlkhəkum-en i-Filif: << Aṃan da, ma dīy-igdälän ad təwəsəlməgha dāgh-sän? >> 37. Inṇ-as Filif: << Təfrāgāgh ad tətəwəsəlməgha kud təzzîgzāna s-əwəl əyyän-dāgh. >> Ijjəwwäb-as aləs inṇ-as: << Əzzîgzänāgh as Yeswa Əlməsifüw imôs Bärar ən-Məssh-ina. >> 38. Təzzar inṇa y-əkli-nnet ad izəzzəkkət ämälänkäy-nnet, əzzəbben iggāz dər-əs

Igitän 8: 39

Filif aṃan issəlmäq-qüw dāgh-sän. 39. As d-əgmăḏän aṃan, ətkälän Ṣan n-Əməli Filif, wər t-iles ənazum aṃay. Ibăz tarṛäyt-net isshokäl iḵnâ tədəwit. 40. As din igra Filif iman-net ihâ aghrəm n-Azot, dəffər awen irzäg ighərman kul a dāgh-sän immal isälan win olāghnen har d-oşa Sezare.

9 Təsarnat tan Tăzayăt

Atəwəsəhda ən-Sol

1. As itagg awa, Sol ənta wər imməzzäy d-əḏḏəguz ən-nalkimän n-Əməli Yeswa, iṛa tenäghe-nnäsän. Iгла iḵka anäsăffeskäy wa zəwwərän, 2. igmäy dāgh-as a das ägu shira əḵḵānen imuzărän ən-tidawäten ən-nalkimän n-Ənnəbi Musa shin əḥānen aghrəm ən-Damas, fəl, as igrăw wəyyaḏ win əḥānen tarṛäyt tann Əməli Yeswa, gər-za meddän wăla shiḏoḏen, a tăn issəttərməs awiy-tăn əs-Jerusālam əmôsän iməşkəsa. 3. Iḵka aghrəm ən-Damas isshokäl, as t-in ihôz wər isla a ygän as ibălăzzăt əṇṇur a dd igmăḏän ijənnawän dāgh ghălăyghălăyän-net. 4. Ifătäqqăt dāgh ämäḏal as isla y-əməsli wa das inṇän: << Sol Sol, ma fəl dīy təḏgăzăgh? >> 5. Issəstän inṇa: << Ma təmôsăgh

Igitän 9: 6

Əməli? >> Təzzar ijǰəwwäb-as əməsli wen, inǰ-as: << Näk Yeswa wa tədgāzāgh. Wər tətəggāgh ar as təssiwahhallegħ imān-näk s-adīy. Izzəwāt-ak ad təbəllənāgh əd shidəgiten shin kǎy taggāznen n-endäl. >> 6. Təzzar tobǎz-tu täysəst irmāgh, inǰa: << Əməli mas tǎregh a tt āgāgh? >> Inǰ-as Əməli: << Əbdəd əggəz aghrəm a dak itəwəməl awa za tǎga. >> 7. Meddän win dər-əs əsshokälnen əzzəkken, wər əfrêgän awal fəl tərəmmeq; sallin y-əməsli mishan wər hənnəyən āwedäm. 8. Ibdād-düw Sol, oṛa shittawen-net mishan wər ifreg aṇay ən-wāla. Əbǎzän äytedäm win dər iddew əfus-net əlwäyän-tüw əs-Damas. 9. Har iga kǎraḍ āḍan wər ifreg aṇay, wər itsha wər ishwa degh-in. 10. Damas ih-et ənalkim ən-Yeswa igän esəm Ananəyas inǎfaläl-as Əməliy inǰ-as: << Ananəyas,>> iǰkəwän-as inǰ-as: << Näk-da Əməliy. >> 11. Inǰ-as Əməliy: << Äglüw, äǰku tarṛäyt tas itawǎṇṇu Ta Toghädät täǰǰāgh ehän ən-Judas, təssəstəna d-aləs n-əghrəm ən-Tars igän esəm Sol, fəl-as itattār dāgh älwäq wa, 12. inǎfaläl-as as a tid ašüw aləs igän esəm Ananəyas, a tu z-issəwəṛän ifässän-net fəl ad iləs agāraw n-äsāwad-net. 13. Inǰ-as-düw Ananəyas: << Əməliy, äytedäm äggôtnen əməlän-iy äräk-mazalän kul win iga y-äytedäm-näk

Igitän 9: 14

win  ll ll tnen win  h nen Jerus lam. 14. Tol s d gh  d gg wa ila turag t ta tt- kf n n s ff ska win z wwarnen f l ad iss tt rm s  yted m kul win gharrinen es m-n k. >> 15. Mishan in -as  m liy: <<  glu, f l-as s n fr n gh al s d y a tt  ssh shgh la f l a d y immal da t wsheten shin h d tnen, immal-iy dat m nokal n-n sn t immal-iy i-K l-Isra`el. 16. A tt  ss kna n k im n-in iket n- rk- nay wa z-ini f l  dd lil-in. 17. T zzar igla Anan yas har din o a eh n igg z-t w, in y Sol iss w r-t w if ss n-net in -as: << Sol am d ray-nin,  m li Yeswa wa dak in fal l n f l tarr yt ta du t gegh, iss gl-i-idu f l a k y d-iqq l as wad-n k, t zzar  gg z n-k y M n win Z dd gnen igat n d gh-ak s-ig t. >> 18. D gh  m z y wen-d gh  rt k n-d w  r t n ol nen  d t f r nkawen da shittawen  n-Sol, t zzar ifr g an y d gh  m z y wen-d gh. Ibd d-d w it w s lm gh d gh a an. 19. D ff r awen, itsha  qq ln t-tidu t ghurad-net.

Im l Sol Awal  n-M ssh-ina d gh  ghr m  n-Damas

Iga Sol  r t n- dan ghur nalkim n  n-Yeswa win  h nen aghr m  n-Damas. 20. T rm d as of r emel

Igitän 9: 21

n-awa ymôš Ǝlmôsifu da tidawäten ən-nalkimän n-Ǝnnəbi Musa, igannu: << Yeswa Ǝlmôsifu Bärar ən-Məssh-ina a ymôš. >> 21. Äytedäm win das əslänen igannūw awen, ket-näsän əqqänän ghäfawän-näsän gannin: << Ak aləs-en wərgəgh ənta as kälā idgäz da Jerusälam äytedäm win gharrinen esəm ən-Yeswa? Wərgəgh ikīy a dd iga əghrəm-a fəl a tən issəṭṭərməs awi-tän əs nə səffəska win zäwwarnen? >> 22. Älmäkhsud n-äljāwāb wa yssôhen ən-Sol ititti wəllen har as Kəl-Älyahud win əghsärnen da Damas äb-as əfrāgän a das äjjāwābän ghur əsəkni wa tən itagg as Yeswa ənta a ymôšän Ǝlmôsifūw. 23. As iru Sol da Damas nāmāggän Kəl-Älyahud eghäf əyyän-da fəl a tt änghin. 24. Mishan itəwəmäl-as awen. Ǝggərdän Kəl-Älyahud shisəhar n-əghrəm ehäd ezəl fəl a tt änghin. 25. As ähäd əyyän ənqärän nalkimän-net əgän-tu dāgh äṛät olän əd täzāwat zəwwərät təgät da təkewen! Ǝrdäfan dāgh-as ighunän əssəqqəbän-tu dāgh təkherəbbet təhät kätānga wa yghläyän aghrəm, sägghäräggen-tu dəffər-əs.

Iha Sol Jerusälam

26. As d-oşa Sol Jerusälam, igmäy dad irṭöy əd nalkimän ən-Yeswa; mishan ket-näsän təḥ-en täşa-nnet fəl-as wər əzzəgzänän as ilkâm i-Yeswa.

27. Təzzar ilwäy-tu Barnabas əddewän əs nəmmuzal imäl-asän əmmək was inäy Sol Əməli da tarṛäyt, d-əmmək was das isshewäl Əməliy. Imäl-asän ənta-da esäwäy was isshewäl Sol awal ən-Məssh-ina s-esəṃ ən-Yeswa da Damas wər tu təggəz täşa ən-wälä.

28. Iggäz-tän itidaw dər-sän, igammäḍ itaqqäl-düw, isshewäl awal ən-Məssh-ina dāgh əghrəm ən-Jerusälam. As itagg awen isshewäl s-esəṃ n-Əməli Yeswa. Wər t-illâ as tu təḥâ täşa-nnet.

29. Itiməshiwil toläs itamäzagh əd Kəl-Älyahud win əsshewälnen Gərak, mishan əntänäy gammäyän əd tänäghäy-net.

30. As əslän äytedäm win dər idrāw əddin awen, əddewän dər-əs wəyyaḍ s-əghrəm ən-Sezaräy əssoḳän-tüw aghrəm ən-Tars.

31. Inalkimän ən-Yeswa ket-näsän əḥän älkher dāgh äkal ən-Judäy əd Galiläy əd Samarıy; əgräwän älbäraka toläs əksûḍän Əməliy: İman win Zäddôgnen taggin-asän ənnəsikha. Tawäyän-du sər-sän äytedäm äggôtnen.

Təməzzit n-Ene

32. Fiyar irzäg idäggän, itagädaz iməzzəgzan əs-Yeswa. Əzəl əyyän izäbbäd-du ghur məzzəgzan win əghsârnen dăgh əghrəm ən-Lidda. 33. Igrăw dăgh-as aləs igän esəm Enăy, igän əttam elan wər d-igmed təşsut-net fəl-as elăm-net ket-net a ym̄men. 34. In̄n-as Fiyar: << Ene, Yeswa Əlməsifüw izzozăy-kăy! Əbdəd tākna təşsut-năk. >> Tămăzăyt ten-dăgh a dăgh ibdäd Enăy. 35. Äytedăm kul win əghsârnen dăgh əghrəm ən-Lidda əd win əghsârnen d-ăkal ən-Saron ənâyântu, Təzzar əhdän-du s-Əməli.

Ətəwəsudər ən-Dorkas

36. Aghrəm ən-Jofăy təḥ-ăy tənṭuṭ təmôsăt tənalkimt ən-Yeswa. Təgât esəm Tabita. Ättăfsir n-esəm-en dăgh awal ən-Gərak << Dorkas >> älmăghna << Tazənkəṭ >>. Wər təgmed ar s-igïy ən-mazalän ḥôssăynen əd tilalt i-tələqqawen. 37. Təṛin dăgh äḍan en, təzzar äba-tăt. Dəffər as tətăwăsharäd tətăwăsănsa dăgh ähän imôsän surüw. 38. Inalkimän ən-Yeswa win əghsârnen dăgh Jofăy əslän as Fiyar ihâ aghrəm ən-Lidda, ihôzän Jofăy. Əssôḳän-tu meddän əsshin fəl

Igitän 9: 39

a tt ansıyän a din wər ihag fäll-assän. 39. As das əməläñ, iddew dər-sän tämäzäyt ten-dägh. As d-in oşa əddewän dər-əs s-ähän wa ywərän äfälla n-täghäzamt. Shıdoden kul shin as äba meddän-näsnät əkkänät-tidu hallinät; əssəknänät-tüw iket ən-təkätkäden əd bərnaz win tögâ Dorkas hārwa töllâ ghur-sänät. 40. İstäq-qänät Fiyar ket-näsnät dägh ähän, igäräffät ad itansäy Məssh-ina. As ighräd təwaṭrāy-net imälälläy sa sər älzännazät inṇa: << Tabita ənḵər-du! >> Təzzar toṭ-äddu shıṭṭawen-net, as tənäy Fiyar təqqim-düw. 41. İzzäl-as-in Fiyar əfus-net təssədäd dägh-as har təbdäd. Ämārän ighra inalkimän ən-Yeswa əd tədoden shin as äba meddän-näsnät, issəkn-asän-tät təddâr. 42. Awen əslän-tüw äytedäm n-əghrəm ən-Jofe ket-näsän, äytedäm äggôtnen əzzəgzännän s-Əməli. 43. İga Fiyar äḍan äggôtnen dägh əghrəm ən-Jofäy ihâ ehän n-aləs igän esəṃ Simon ishaqqälän da gəshkan.

10 Təsarnat tan Märawät

Fiyar əd Korney wan kăbtän ən-sojitän

1. Aghrəm ən-Sezaräy ih-äy aləs əyyän igän Korney imosän əyyän da kăbtänatän ən-tidawät ən-sojitän ən-

Igitän 10: 2

Rom tögät esəm <<Tann-İttälöya >>. 2. Aləs-en ihâ əddin ən-Məssh-ina wəllen, ənta d-əghäywän-net ket-net iksûd Məssh-ina. Făw itaggu takute wəllen i-tələqqawen ən-Kəl-Ălyahud, toläs făw itansäy Məssh-ina. 3. Əzəl əyyän, ghur aţţayän ən-kärađ älwäqqän win tăzzar, inăfaläl-as ängälos ən-Məssh-ina a dd iggäzän ehän-net inᅇ-as: << Korney! >> 4. Iswäđ dägh ängälos irmăgh, inᅇ-as: << Ma ygän Əməliy? >> İjjəwwăb-as ängälos inᅇ-as: << Məssh-ina iqbäl shiwatᅇriwen-năk əd tilalt ta təgegh i-tələqqawen, adidăgh a fəl wər kăy-in ittūw. 5. Ămărăn əmər-ədda suku meddăn aghrəm ən-Jofe fəl a dak d-ăghrin aləs əyyän igân esəm Simon isîmadăghăn Fiyar. 6. Simon a dak iməl awa za tăgăgh. Innîftăgh y-əyyän aləs s-ənta-dăgh esəm-net Simon, ishghälăn dägh əshifəl ən-gəshkan, ehän-net iwâr efăy n-ăgărew. 7. As igla ängälos wa das isshewälăn, ighr-ăddūw eklan-net əsshin əd sojĳy a das ihân əsshəghəl imôsăn äwedăm ihân əddin ən-Məssh-ina. 8. Issoghăl-asăn awa ygän kul, ämărăn izămmazäl-tăn s-əghrəm ən-Jofăy. 9. Əzəl wa hăđăn meddăn windĳy əhân tarᅇrayt əᅇᅇkân aghrəm ən-Jofe əhözăn-t-in, as ifᅇăn Fiyar äfălla n-ăhăn dägh aţţayän n-amᅇmas n-ăzäl fəl ad ägu shiwatᅇriwen. 10. İggăz-tu gələk wəllen, təzzar

Igitän 10: 11

isäddarän tette. Tämäzäyt ta dāgh-as du täwäggin
menşewän ənta-dāgh olläy ərət d-əgərri-nnet.
11. Ogga ijənnawän as ənnolämän, izzəbbät-du dāgh-
sän ərət əyyän olän d-əfər zəwwərän as tîwättäfnät
əkkozät təsəlkaḍ-net, itizələbllib-du s-ämädal.
12. Ämārän ammas-net əhän-tüw əzzənəfän n-ehäre
kul n-ämädal, əd mudārän n-əsuf, əd lumət-lumət, d-
əzzənəfän ən-gəḍad ən-jənnawän. 13. İnḡ-as əməslīy
əyyän: << Fiyar əbdəd, təgzəma, tātsha!>>
14. Mishan ijəwwäb-as Fiyar, inḡ-as: << Kälä kälä
Əməli, fəl-as wər kälä ətshegh ərət khārämän wälä
immîḍäs. >> 15. Iläs-as əməslīy-en tənḡan: << Äřät
was inḡa Məssh-ina izəddîgän ad wər dāgh-as tägāgh
asäwad nas immîḍäs.>> 16. Awen har das iga kărăḍät
tənḡawen, dəffər awen immətkał əfər tärmäd əs
jənnawän. 17. Älwäq wa-dāgh iqqän äghäf ən-Fiyar,
wər igra älmāghna n-awa das inäfalälän den, ənta a
dāgh d-oşän meddän win d-izämmazäl Korney.
Meddän wen əyyewänän assəştan ən-dad illâ ähän ən-
Simon, əmər-ədda əbdädän dat əmi nn-iguz.
18. Ənḡän s-äfälla: << Ak da-dāgh a dd illâ ənaftagh
igän esəm Simon təsəmmadäq-net Fiyar? >>
19. Hərwa-dāgh isamäḍran Fiyar awa z-iqqəl
älmāghna n-ərət wa das inäfalälän ihôgän as das

Igitän 10: 20

əṇṇän Mān win Zäddôgnen: << Meddän kărăḍ
sastanän dər-ək. 20. Dăgh adıy əbdəd, tazzäbbe-du
tidawa dər-sän. Da wər tösəmməsəndəda fəl-as näk a
tän d-izämmazälän.>> 21. Təzzar izzəbbät-du sər-sän
Fiyar inṇ-asän: << Nāk-da as tösaggädäm. Ma fəl du
toşäm? >> 22. Əṇṇän-as: << Kăbtän Korney a dana d-
issəglän. Aləs oghädän a yṇôs, iksûḍän Məssh-ina.
Əssîghmărän-tüw Kəl-Ălyahud kul. Ăngălos ən-
Məssh-ina a das inṇän a kăy d-ăghru s-ăhän-net fəl ad
issəsəṃ y-awa das za tännăgh. >> 23. Izzogăz-tän-du
Fiyar ghur ṃan-net. As äffăw iddew dər-sän əglän.
Iddew d-ărăt da nalkimän ən-Yeswa n-əghrəm ən-
Jofăy. 24. Oşän aghrəm ən-Sezarăy əzəl wa hăḍän.
Iqqâl-asän Korney ənta əd mărwan-net əd midawän-
net win ira wəllen s-ənta a dăgh-sän igmăyän a tid
aşin. 25. Tămăzăyt ta dăgh du z-iggəz Fiyar ehän-net,
issəlkăḍ-as-in Korney, ifătăqqăt ghur ḍarän-net,
issəjäd dat-əs. 26. Mishan issəbdăd-tidu Fiyar inṇ-as :
<< Əbdəd, năkku-da wər əṃôsăgh ar äwedäm. >>
27. Iгла, imishawal dər-əs, iggăz ehän inăy dăgh-as
ăytedäm äggôtnen əddêwnen. 28. Inṇ-asän Fiyar: <<
Kăwănăy tössânăm as Ăw-Ălyahud wər t-ikfa əddin-
net turagăt nad irtı d-ăwedäm wər nəṃôs Ăw-Ălyahud
wăla iggəz ehän-net. Mishan Məssh-ina issôsăṇ-ıy as

Igitän 10: 29

ad wər ägägh dăgh äwedäm wəlöyyän asäwaḍ nas immîḍäs mäde təkḥāram tartit dər-əs. 29. Adi-da fəl-as, as di du təghrām, əḵḵeq-qăwăn-du wər dawăn əgegh äsarū wəlöyyän a dīy əgdâlän a kăwăn d-aşa. Dăgh adīy, äregh ad əssəḡăgh əddəlil n-ärät wa fəl di du təssəssəghrām. 30. Ijjəwwăb-as Korney, inḡ-as: << Əglân kăraḍ äḍan, dăgh älwăq shilat ən-wa-da, kăraḍ älwăqqăn win tăzzar, tuzama, tagga shiwaṭriwen dăgh əghăywăn-in. Wər əslegh a ygăn as ibdăd dat-iy aləs ilsân isəlsa sîmăghsămăghnen. 31. Təzzar inḡ-i: << Korney, Məssh-ina iqbäl təwaṭrăy-năk, ämărăn wər din ittu shiḵutawen shin təgegh i-tələqqawen. 32. Dăgh adi, suḵu meddăn Jofe fəl a dak d-idawăn əd Simon əs təsəmmadəq-net Fiyar. Innîftăgh i-Simon imôsăn ənəshefel n-gəshkan, ehăn-net ihâ tăma n-ägărew. As d-oşa a dak isshiwəl.>> 33. Tămăzăyt tədi-da dăgh kăy-in əssəgmăyăgh i-meddăn. Olăgh wəllen as du təddewa dər-săn. Əmər-ədda ket-năna nəllâ-da, dat Məssh-ina fəl ad nəssəsəḡ y-ärät kul was dak inḡa Məssh-ina a dana tu təmələgh.

Äljäwab ən-Fiyar dāgh Ähän ən-Korney

34. Issənta Fiyar awal inna: << Əmər-ədda əgre wəllen as Məssh-ina wər izlay äytedäm. 35. İra äwedäm ket-net wa tt iksûdän, itaggüw awa olāghän, a təqqäl tawshet n-äwedäm wen. 36. Təssâñäm isälan win d-issoğa Məssh-ina Kəl-İsra`el əmôsnen isälan win hössäyнен n-älkher. Älkher wa Yeswa Əlməsifüw imôsän Əməliy n-äwedäm kul a tid ewäyän. 37. Təssâñäm awa ygän, äzzar-du s-ämädal ən-Galile, dəffər as imäl Okhya awal ən-Məssh-ina toläs issəlmāgh äytedäm dāgh aṃan, oḳäy s-ämädal ən-Jude kul. 38. Təssâñäm əmmək was issəḳna Məssh-ina äytedäm as Yeswa wann Ənṃasira a ysännäfrän əstähäkkäy ta das iga ən-Ṣan win Zäddôgnen əd täghmăr. Təssâñäm toläs əmmək was isaghlay Yeswa itagg äṛätän win olāghnen toläs izuziy äytedäm win əgräwän äljäynän fəl-as täghmăr ən-Məssh-ina a ghur-əs təllät. 39. Nəṃôs shigəyyawen n-äṛät kul wa yga dāgh äkal ən-Kəl-Älyahud d-əghrəm ən-Jerusälam. Ənghän-tu s-ətitti wa tt əgän əs nəsmar fəl təgəttäwt. 40. Mishan issodär-tidüw Məssh-ina əzəl wan kăraḳ dəffər iba-nnet, isännäfaläl-tüw, 41. eges werge y-äytedäm kul, näkkänäy ghas as t-isännäfaläl,

näkkänäy a ysännäfrän Məssh-ina ig-ana shigəyyawen-net hərwa a yṛüwän. Nədrâw dər-əs tetṭäy əd täşşäy dəffər as tid issənḳär Məssh-ina dāgh iba. 42. İnṇ-anāgh ad nəməl awal ən-Məssh-ina y-äytedäm toläs nəməl as ənta Yeswa a yga Məssh-ina əmashragh i-win əddârnen əd win nəmməṭṭan. 43. Ənnəbitän kul əsshewälän da batu-nnet, gannin äwedäm ket-net wa sər-əs izzəgzänän a das təwəsürəfän bakkadän-net əs-tāghmār n-esəṃ-net.

Äytedäm wər nəmôs Kəl-Älyahud əgräwän İman
win Zäddôgnen

44. Hərwa-dāgh isshewäl Fiyar as d-əzzəbben Mān win Zäddôgnen əggäzän äytedäm kul win əssəsämnen y-äljəwab-net. 45. Iməzzəgzan win əṃôsnen Kəl-Älyahud win d-əddêwnen əd Fiyar, isämmäkläl sər-sän as İman win Zäddôgnen win ihakku Məssh-ina, garräwän-tän äytedäm win wər nəmôs Kəl-Älyahud. 46. Fəl-as sallän-asän əsshewälän dāgh awalän wəyyad wər nəmôs wi-nnäsän, əmmalän täzzəwwert ən-Məssh-ina. 47. Təzzar inṇa Fiyar: << Awak ma z-igdälän y-äytedäm-ada ad təwəsəlməghän dāgh aṃan əmər-ədda id zāmas əgän i-Mān win Zäddôgnen

agär aw wa dasän noga? >> 48. Dəffər as inna awen, ikfa turagät nad təwəsəlməghän s-esəm ən-Yeswa Əlməsifu. Təzzar əgmäyän dāgh-as a ghur-sän ägüw ädan.

11 Təsarnat tan Märawät d-Əyyät

Fiyar imäl təmətək wəyt-net dat Tidawät ən-məzzəgzan əs Yeswa da Jerusālam

1. Inəmmuzal əd məzzəgzan win əhānen äkal wan Judäy əslän as äytedäm win wər nəmôs Kəl-Älyahud da` əgrāwän awal ən-Məssh-ina. 2. As iggəzzäy Fiyar s-əghrəm wan Jerusālam, əsshewälän fäll-as məzzəgzan win Kəl-Älyahud, 3. gannin as: << Təggäzägh aghiwän n-äytedäm wər nəmôs Kəl-Älyahud tədrāwa dər-sän imənsewän. >> 4. Təzzar issoghäl-asän Fiyar awa ygän kul, ghur ənətti har təzərezt, inna-asän: 5. << Əhegh aghrəm ən-Jofäy tagga shiwatřiwen as dīy inäfaläl awa: oggegh ärät əyyän olän d-əfər zəwwərän as tīwättnät əkkozät təsälkad-net, ikäräyräy-du da jənnawän har did ihôz wəllen. 6. Əswädägh wəllen dāgh awa tt ihän,

Igitän 11: 7

ənäyāgh eḥārāy, əd mudārän n-əsuf, əd lumət-lumət, əd gəḍad. 7. Təzzar əslegh y-əməslīy as dīy inḥa: < Fiyar, əbdəd, təgzəma tātsha! > 8. Mishan əḥḡegh-as: < Kāla kāla Ēməli! Imi-nnin wər kāla a tt iggāz āḡāt khārāmān wāla immîḍās. > 9. Ilās-īy awen tənḥa da jənnawän: < Ad wər tągāgh iduf nas immîḍās āḡāt was inḥa Məssh-ina izəddigän. > 10. Awen har dīy as itāwāgga kāraḍāt tənḥawen, dəffər adīy itāwārkāb-in awen kul əs jənnawän. 11. Ālwāq wen-dāgh a dāgh d-oşän kāraḍ meddän ehän was ənnəftāgha tīwāsokān-idūw əfālän-dūw aghrəm ən-Sezārāy. 12. İman win Zəddôgnen əḥḡän-īy a dər-sän idawa wər səmməsəndəda. Tolās əsshedawän-i səḍis meddän win-da win dər ədrawāgh əddin, as əḡḡe Sezare nəggāz ehän ən-Korney. 13. Aləs wen issoghāl-anāgh əmmək was ibdād dat-əs āngālos dāgh āhän-net. Inḥa as āngālos: < Suḡu meddän Jofāy, a dak z-āḥḡinen i-Simon təsəmmadəq-net Fiyar, a kāy d-aşu. 14. Simon wen a dak iməl awal was ənta a kāy z-ässāfsin kāy d-əghiwän-nāk kul. > 15. S-əket əssəntāgh awal, as d-əzzəbben fäll-assän Man win Zəddôgnen shilat ən-wa fäll-ana d-əgän da tizarāt. 16. Hārwa-da kittūwa awal wa yga Ēməliy, inḥa: < Ēnnəbīy Okhya aḡan a dāgh issəlmāgh āytedām mishan kāwänāy İman win

Zäddôgnen a dăgh za tətəwəsəlməghäm. > 17. Zămas Məssh-ina ikf-en tăhăkkăwt tolât əd ta danăgh ikfa as nəzzəgzăn s-Əməli Yeswa Əlməsifűw, ak năk əfrăgăgh ad əgdəlăgh i-Məssh-ina igiŷ n-awa ira? >> 18. Dəffər as əslăn y-ărăt wen hădărren əggođăyăn i-Məssh-ina ənăn: << Dăgh adi tidət as, win wər nəmôs Kəl-Ălyahud əntănăy-dăgh ikf-en Məssh-ina ad əfrəgăn asəmməttəy n-ălkhal-năsăn, fəl ad əgrűwăn təməddurt ta təghlălăt. >>

Tidawăt ən-win Əzzəgzănnen əs-Yeswa win
əhănen Aghrəm n-Antəyosh

19. Tămert ta dăgh ităwăngha Etəyan tăwădğăzăn məzzəgzăn wăzăwăzăn. Əglăn har oşăn əkal ən-Fenisiŷ əd wan Shifər əd wann Antəyosh, wər əmelăn awal ən-Məssh-ina ar i-Kəl-Ălyahud ghas. 20. Eges wəyyađ da məzzəgzăn əgmăđăn Shifər əd Siran. Əntănăy as oşăn aghrəm n-Antəyosh əsshewălăn y-ăytedăm win əssânen Gərak, a dasăn əmmalăn isălan win olăghnen win əgănen fəl Əməli Yeswa. 21. Tədhâl-tăn tăghmăr n-Əməliŷ, təzzar əzzəgzănăn äytedăm äggôtneen əhdăn-dűw s-Əməli. 22. Tidawăt ən-win əzzəgzănnen əs-Yeswa n-əghrəm ən-Jerusălam

Igitän 11: 23

əslän isälan winden, təzzar əssokän Barnabas Antəyosh. 23. As din oša inäy əmmək was igär Məssh-ina älbäraka-nnet fəl məzzəgzan, iddəwät wəllen a dāgh-sän igammäy ket-näsän ad əlkəmän y-Əməli s-əwəl əyyän-da. 24. Barnabas aləs a ymôs olāghän dāgh əggötän Mān win Əlləllätnen toläs izzəgžän wəllen. Äytedäm äggötne tîwäsähdän-düw s-Əməli. 25. Dəffər awen iḳḳa Barnabas aghrəm ən-Tars fəl ad iswəḍ i-Sol. 26. As t-igrāw iddew-du dər-əs s-Antəyosh. Əgän dāgh-as awätäy əghrädän osāghän d-äytedäm win əzzəgžannen əs-Yeswa, toläs sasāghrin äytedäm äggötne. Aghrəm n-Antəyosh ənta dāgh itäwägga esəm << Əlməsifutän >> i-nalkimän ən-Yeswa da tizarät. 27. Äḍan windiy a dāgh əgmädän ənnəbitän wəyyaḍ Jerusālam əḳḳän Antəyosh. 28. Əyyän dāgh-sän igän esəm Agabus, ibdäd imäl as ad aṣu laḷ lābäsän əddənet kul, imôs awen ärät a das əmälän Mān win Zäddôgnen. Laḷ-en oṣ-äddu s-əmmək was t-imäl dāgh elan dāgh imôs Klod amənokal. 29. Inalkimän ən-Yeswa əgän taṇat nas akk-əyyän dāgh-sän ad äḳfu awas ifrâg teḥäkkäy-net, imôs awen tadhəlt a za səssiwəyän i-məzzəgzan əs-Yeswa win əḥänen äkal ən-Jude. 30. Tadhəlt ten

Igitän 12: 1

sässawäyän-tät i-muzärän ən-məzzəgzan ən-Jude dāgh əfus ən-Barnabas əd Sol.

12 Təsarnat tan Märawät əd Sänatät

Yaqub itawängha toläs Fiyar itawägga da Käso

1. Tämərt ten-dāgh a dāgh isättärmäs əmənokal Herud ärät da tidawät ən-nalkämän i-Yeswa fəl a tən ässäknüw ärk-əṇay. 2. Isässängha Yaqub wann ämäqqar n-Okhya əs tākoba. 3. As inäy as awen ärän-tu Kəl-Älyahud, isättärmäs Fiyar toläs. Awen itagg dāgh ädan win əmud wa dāgh taṭṭin äytedäm shigəlwen. 4. As isättärmäs Herud Fiyar, isässag-äy da kəsaw izizagäz-tüw i-märaw sojitän əd sədis a tu tagäznen s-əkkoz əkkoz. Oṭäs a das ishrəgh dat äwedäm kul dəffər əmud was itawänṇa Təfaskäy. 5. Awen-da fəl ihâ Fiyar kəsəo mishan äytedäm win tidawät ən-nalkimän ən-Yeswa taṇsäyän-as Məssh-ina älwäq kul.

Ităwăkkăs-du Fiyar da kăsăw

6. Ăhăđ wadd z-ifaw iķķəs-tidu Herud da ķăso fəl a das ishrəgh dat äytedăm, Fiyar inša gər əsshin sojitän. Ikrâđ s-əsshin săssărăn tolăs imagazän wəyyad əbdâdän dat təsəhar ən-ķăso. 7. Wăla ihôgän inăfalăl ängălos n-Ăməli, ibălăzzăt afa dăgh ähän ən-ķăso. Təzzar iwăt ängălos tasăga ən-Fiyar issənķăr-tűw inņ-as: << Əbdəd tărmađ! >> Təzzar fătăqqen-du săssărăn da făssăn-net. 8. Inņ-as ängălos tolăs: << Atəb s-əsatəb-năk tössəlăgh ighătemăn-năk tolăs. >> Fiyar iga awen-dăgh, ilăs-as ängălos tənņan: << Əzləg abərnuz-năk, təlkəmăgh-i.>> 9. Igmăđ-du Fiyar ķăsăw ilkâm y-ăngălos. Wər ighil awa ytagg ängălos-den tidət a ymôs: ighil awen anay dăgh ețəs. 10. Oķăyän fəl magazän win äzzarnen əd win əllänen dənnəg-săn, âmărăn oșăn-du təsəhərt tan tăzoli ta təmălallăyăt sa-sər əghrəm. Təsəhərt ten tənnolăm shin mən-net dat-săn ərdăghän jîwănken da tarřăyt əyyăt har dat təməņăy d-əyyăt. Den-dăgh a tt ifăl ängălos. 11. Ămăzăy wen a dăgh igra Fiyar ārăt wa ygän inņa: << Əmər-ədda hănnăyăgh as tidət: Əməliy isok-i-dűw ängălos-net iķķăs-i gər-făssăn n-Ămənokal Herud d-ărăt kul was arän Kəl-Ălyahud a di tt

Igitän 12: 12

ässäknin. 12. As igra taghära-nnet, iḳḳa ehän ən-Maryäma, ma-s n-Okhya wa ygän tösəmmadəq ən-Markus. Äytedäm äggôtnen əddêwän ghur-əs taṣsäyner Məssh-ina. 13. Iwät Fəyar tösəḥərt n-ähän, təgl-äddu təklit təgät Rodäy ya das taläm. 14. Təzdäy əməslīy ən-Fəyar, təgdäl-as tədəwit a das taläm ehän, tozäl təqqäl aṃṃas n-ähän təmäl y-äytedäm as Fəyar illâ dat əmīy n-ähän. 15. Əṇṇän-as äytedäm win əḥänen ehän: << Əmməskəl a təge! >> Mishan tənṇasän: << Əḳḳâsa dāgh-as ässhäk, ənta iṃan-net.>> Təzzar əṇṇän-as: << Adīy ängälos-net.>> 16. Mishan Fiyar igla iggat tösəḥərt. As das olämän, ənäyän as ənta, isämmäkläl sər-sän awen. 17. Isäddagän-asän s-əḫus-net təfastit təzzar issoghäl-asän əmmək was tid iḳḳäs Əməli da ḳäsäw. Inṇ-asän toläs: << Əməläť adīy i-Yaqub d-äytedäm win häḍätner win əzzəgzänner əs-Yeswa. Dəffər as inṇa awen igmäḍ iḳḳa edägg əyyän. 18. As iga əzəl, sojitän nijärwäyän wəllen tinəməsəṣṭinän d-awa din igän da Fiyar. 19. Inṇa əmənokäl Herud y-äytedäm ad əswəḍän i-Fəyar, mishan wər t-əgrewän. Issəṣṭän sojitän win togäzner da ḳäsäw ikfa turagät nad täwänghin. Dəffər awen igmäḍ äkal ən-Judäy iräṣ-du s-əghrəm ən-Sezaräy iga dāgh-as äzzäman.

Iba ən-Herud

20. Herud ih-äy älhäm wøllen n-äytedäm ən-källän ən-Tir əd Sidon. Äytedäm-en nämännäkän-du ket-näsän fəl ad idawän s-əmənokal. As itagg awen əknân d-aləs wa zzârän i-mässhähälän n-ähän ən-Herud igân esəm Blastus. Təzzar əglän əkkän Herud əgmäyän dāgh-as älkher, fəl-as äkal-näsän, wann əmənokal a tt-in izanzin iməşewän. 21. As d-oşa əzəl wa yga tāmastant, Herud izlāg təkätkät-net tan təmənukəla, iqqim fəl təkhwit-net tan täghmār ig-asän äljāwab. 22. Äytedäm dakkälän iməslan-näsän gannin: << Ärät wa əməslīy ən-Məssh-ina wərgəgh in-äwedäm! >> 23. Amäzäy wen-dāgh a dāgh iwät ängälos n-Əməli Herud, fəl-as wər issəghmər Məssh-ina: əggäznät-tu təwəkkawen a tu taṭṭinät har t-äba. 24. Awal ən-Məssh-ina ənta itiwəziwiz itaggāz iwällän n-äytedäm. 25. As əghrädän Barnabas əd Sol əsshəghəl wa tän d-ewäyän, əfälän Jerusālam əqqälän əddewän d-Okhya was itawäñnu Markus.

13 Təsarnat tan Märawät əd Kärädät

Barnabas əd Sol tîwäsännäfränän fəl ad
əsshikəlän

1. Ämărän tidawät ən-məzzəgzan əs-Yeswa tan Antəyosh əhân-tät ənnəbitän əd məsəssəghra n-awal ən-Məssh-ina:ismawän-näsän-da: Barnabas, əd Simeyon igân esəm Nijar, əd Lisyus wann ämäđal ən-Sirân, əd Manayen was ənta d-əmənokal Herud ehän əyyän a dăgh nămădwälän, əd Sol. 2. Əzəl əyyän a dd əghbădän Əməli toläs əzumän, əññän-asän Mān win Zăddôgnen: << Ägiwät-i Barnăbas əd Sol s-ägänna fəl ad ägin əsshəghəl was tăn əghre.>> 3. Dəffər as əzumän əgän shiwatriwen, əssəwărăn Barnabas əd Sol ifässän-näsän ämărän oyyän-tän əglän.

Barnabas əd Sol əhân Äkal ən-Shifər

4. Zămmazälän Mān win Zăddôgnen Barnabas əd Sol, əkkän aghrəm ən-Selesiy iwărăn efäy nn-ägărew, əggăzän dăgh-as aghlal n-aṃan əkkän äkal igän Shifər imôsän gər-wətlan, amăđal ighlây-tüw ägărew.

Igitän 13: 5

5. As d-oşän aghrëm ən-Salamin əmälän n-awal ən-Məssh-ina da nan ən-təghäre win Kəl-Älyahud. Okhya was itawännu Markus iddew dər-sän fəl a dasän ilal. 6. Erzägän awətul əmmalän awal ən-Məssh-ina har oşän aghrëm ən-Fafos, əmməñäyän d-aləs əyyän n-ämässhähgähw igän esəm Bar-Yeswa imôsän əyyän da Kəl-Älyahud igannin əs-bahüw as ənta ənnəbïy. 7. Fäw illâ ghur əmuzär n-äkal. Amuzär-en esəm-net Sarjis Folis imôsän äwedäm ilân täytte täggêt. Ənta a dd isässäghrän Barnabas əd Sol fəl-as irä ad äslu y-awal ən-Məssh-ina. 8. Mishan Elimas wann ämässthähgähw awen-dägh a ymôs älmäghna n-esəm-net dägh awal wan Gərak wər sər-sän irđa. Agämay a ytagg ad issəkhrek amuzär fəl ad wər izzəgzən s-əddin n-Əlməsifüw. 9. Təzzar inkär Sol itäwäghrin toläs s-eşəm ən-Fol, əttöyän dägh-as Man win Zäddôgnen, idäk-ku s-äsäwađ, 10. inᅇ-as: << Ägg-Iblis, amäksän n-ärät kul wa oghädän, əməkᅇerrəs n-änälabus, äyyüw iᅇus n-äytedäm da tarᅇäyt ta toghädät n-Əməli! 11. Əmər-ədda səsəm: Əməliy a käy äwwäddäb, ad təqqəlāgh amədderghəl, wər za töləsāgh aᅇay n-əᅇᅇur ən-təfuk har tägāgh äzzāman.>> Tämäzäyt ten-dägh a dägh issənta aᅇay-net afänaz har äb-as iᅇannäy wäla: ad iddaz fəl

Igitän 13: 12

gannatän kul igammäy äwedäm a tt ilwäyän. 12. As inäy amuzär awa ygän den izzögzän; oggäm wöllen ärat wa ytäwänñän s-Ēmoli.

Fol əd Barnabas əhän Aghrəm n-Antəyosh dāgh Ākal ən-Fisidi

13. Fol ənta əd midawän-net əggäzän aghlal n-aṃan da Fafos əḳḳän aghrəm ən-Farj ihän ākal ən-Fanfilīy. Okhya was itäwänñu Markus ifäl-tän den-dāgh iqqäl Jerusālam. 14. Ēglän əsshokälän əntänäy əgmädän Farj əḳḳän aghrəm n-Antəyosh dāgh ākal ən-Fisidiy. Ēzəl wann Ēssəbət əggäzän ehän ən-təghäre wan Kəl-Ēlyəhud, əqqimän. 15. As täwāghrən dāggän wəyyad n-Ēlkəttab wann Ēttäwret əd wann Ēnnəbitän, zämmazälän sər-sän muzärän n-ähän-en əññän-asän-in: << Iməḍrayän-näna kud ill-äy ärat as täräm a tu täññim y-äytedäm a z-isəssuḥen azəgzan-näsän täññim-tüw.>> 16. Ibdäd Fol isäddagän-asän s-əfus-net adrur inñ-asän:<< Äytedäm n-Isra`el əd käwänäy win wər nəmôs Kəl-Isra`el təksûḍäm Məssh-ina, səsəmət-i. 17. Məssh-ina n-äytedäm a n-Isra`el isînäfrän abbatän-näna win irüw, issîgät-tän, ikf-en älmäqqam ḥärwagh əghsârän da Mäşär əmôsän

Igitän 13: 18

inaftaghän, dëffër adiy ikkäs-tän-du dāgh ākal ən-Māšār togāz-tän tāghmār-nnet. 18. Iga dər-sän tazāyḍart n-āṭṭayän n-əkkozāt tēmərwen n-āwāṭāy shin əgän da tānerāy. 19. Irza əşşāyāt tāwsheten dāgh ākal ən-Kānan ikf-en āmäḍal-nāsnāt izun-asän-tūw əstəshāgheren. 20. Dëffër awen ikf-en Məssh-ina ənnəbitän a tän safsinen har əgän əkkozāt təmaḍ n-āwāṭāy əd səmḡosāt tēmərwen, har d-oşän elan win Ənnəbi Samuwal. 21. Dëffër adiy, əgmāyän amənokal, ikf-en Məssh-ina Sawul āg-Kis ən-tāwshet tän Banjaman, iggāz tāghmār har dāgh-as iga əkkozāt tēmərwen n-āwāṭāy. 22. Dëffër as ikkäs Məssh-ina Sol ikf-en Dawəd dāgh ādāgg n-əmənokal. Inṇa sərəs: << Əgrāwa Dawəd āgg-Isay ənta a ynāmännäkän d-awa āregh, ənta a z-āgin awas āregh a tt āgu kul.>> 23. Ihāyawän-net a dāgh iga Məssh-ina ānāsefsiy y-Isra`el igän esəḡ Yeswa. Imôs awen ārkāwāl-net. 24. Dat aşsa ən-Yeswa, Okhya imāl awal ən-Məssh-ina dāgh igmāy dāgh āytedām n-Isra`el kul ad səmməṭṭəyän ālkhal āgin ālghādāt tann ālāmagh dāgh aḡan. 25. Okhya as d-ihoz ālwāq wa dāgh z-itəwənghūw ad igannūw: << Mas təghilām əḡôsāqqu? Wər əḡôsāgh āwedām was təghilām eges ənta ad aşu dëffër-i, wər eweḍa wāla ad arāgh ighātemän da

Igitän 13: 26

ḍarän-net. >> 26. << Iməḍrayän-in, kăwănăy win əmôsnen ihăyawăn n-Ibrahim, kăwănăy win hăḍätnen tolăs əksûḍnen Məssh-ina eges wər əmôsän Kəl-Ălyahud, isălan a n-efsan win kăwănăy as du tăwăsăglän. 27. Fəl-as äytedăm win əghsârnen da Jerusălam əd muzărän-năsän wər əsseḇăn as ənta Yeswa a ymôsän ânăsefsiy, obăzăn-tu s-əsshəriḡhannăsän. Dăḡh adiy ijhâl-asän awa yktăbăn dăḡh əlkəttăbăn n-ənnəbităn win tăwăḡhrinen əzəl kul wann Əssəbət. Əḡăn a wa əḇḇăn awalăn windiy, s-ăbbaz wa tt əḡăn. 28. Wər d-əḡrewăn ārăt wələyyăn a dasän ighshăd a fəl tu z-ănḡhin, mishan əḡmăyăn da Filat a tt isəssəḡhu. 29. Dəffər as əssəndăn a wa ymăl Əlkəttab kul dăḡh əddəlil-net, əḡḡăsän-tid fəl təḡəttăwt əssərəşăn-tüw əssəḇsän-tüw dăḡh əzəkka. 30. Mishan issənḡăr-tidu Məssh-ina da nəmḡəttan issodăr-tüw. 31. Inîfalăl har iga āḍan äḡḡôtnen i-win t-əsshedăwnen as d-igməḍ Galilăy igḡəzzăy əs-Jerusălam. Əntănăy əmôsän shigəyyawen-net fəl a tt əməlăn y-äytedăm n-Isra`el. 32. Năkkănăy imăn-năna newăy-awăn-düw isălan windi, ḡôssăynen: ārăt was iga Məssh-ina ārăkăwăl-net y-abbatăn-năna win əḇunen, 33. əmər-ədda issənd-ăy făll-ana, nəkkănăy a tăn d-əḡməḍnen, s-əsənḡər wadd iga Yeswa s-əmmək

Igitän 13: 34

wa yktäbän da tösarnat tan sänatät n-əlkettab wann Äzzäbur: << Käy Bärar-in; äzäl-ada, näk a dd əqqälägh Abba-nnäk.>> 34. Məssh-ina imäl as a tid issənker dägh iba isudər-tu fəl ad wər təghshəd təghəssa-nnet. Adida fəl inna: << A käy äkfägh älbäraka ət-täghmär əllillätnen igmäđ-tän ässhäk, win as əgegh ärkäwäl-näsän i-Dawəd.>> 35. Toläs itiwäktäb dägh ädägg əyyän. << Wər za tärđa sad təghshəd təghəssa n-əmərīy-näk wa ylləllen da täsäškäwt. >> 36. Dawəd ənta immozäl dägh elan-net a wa yra Məssh-ina; dəffər adīy äba-tūw itäwänbäl ghur äljädän-net toläs təghshäd təghəssa-nnet. 37. Mishan wadd issodär Məssh-ina ənta as taghəssa-nnet wər təghshed. 38-39. Iməđrayän-in adida fəl käwän iwâr ad tössəñäm as; Nəgann-awän Məssh-ina issoräf ibäkkadän-näwän fəl əddəlil ən-Yeswa. Əllântu bakkadän wəyyad as wər ifreg əsshərigha wan Musa a dawän igru y-asän tösureft, eges, äwedäm kul wa yzzəgzänän əs-Yeswa a das tän issurəf Məssh-ina fəl əddəlil-net. 40. Dägh adīy ägät əññiyät fəl ad wər käwän igrūw äřät wa əññän ənnəbitän. Ənta dägh awa əññän: 41. << Əswədät, äytedäm win nujäbän; əqqənän-et ghäfawän-näwän toläs əmṁəttət fəl-as ad əssəndägh igiy n-äřät as wər za təzzəgzənäm as dawän

t-issoghäl äwedäm əyyän. >> 42. Fol əd Barnäbas gammädän ehän wa da gharrin Kəl-Älyahud as dāgh-sän itawägmäy ad əqqəlän əzəl n-Əssəbət wadd izâyän fəl ad ägin äljäwab olân əd wen-da. 43. Dəffər aməni, Älyahud äggôtnen d-äytedäm win d-əhdänen s-əddin wan Kəl-Älyahud əlkämän i-Fol əd Barnäbas. Əntänäy shawalän-asän gannän-asän ad zəzzəwen wəllen dāgh awal wa ytäwäggän fəl Yeswa imôsän ärräkhmät ən-Məssh-ina. 44. As d-oşa əzəl n-Əssəbət wa dəffər wen, äytedäm n-əghrəm a kul, ar əyyän əyyän, əddewän-du fəl ad äslin y-awal ən-Məssh-ina. 45. As ənäyän Kəl-Älyahud tidawäten, əggäznät-tän təsmiten; ad sabbahäwän awa ygannu Fol toläs rabbädän-tu. 46. Fol əd Barnäbas wər tän töggez täşa əññän-asän: << Käwänäy a yhôrän da dawän itəwəməl da tizarät awal ən-Məssh-ina. Mishan zämas tugäyäm sər-əs toläs wər təsinnähäm iman-näwän əd təməddurt ta təghlälät, dāgh adi näkkänäy əmər-ədda ad nəmələlləy s-äytedäm win wər nəmôs Kəl-Älyahud: 47. fəl-as ənta-dāgh a wa danāgh inna Əməliy: << Əgeq-qäy əññur i-täwsheten kul shin wər nəmôs Kəl-Älyahud, fəl ad tawəyāgh isälan n-efsan əs təghəmmar n-əddənet kul. >> 48. Äytedäm win wər nəmôs Kəl-Älyahud, as əslän y-awal wen, əddəwen

wøllen tæzzar ad tigudïyän y-Ëmøliy awal-net. Äytedäm kul win as oṭäs Møssh-ina agäraw ən-tamøddurt ta tøgħlälät, əzzəgzänän. 49. Awal n-Ëmøliy iwäzäwäz dāgh äkal di kul. 50. Mishan Kəl-Älyahud əgän äräk-ṃan da təḏoḏen shin əksûḏnen Møssh-ina shin täwäsəghmarnen wøllen, əd meddän n-əghrəm win äzzarnen. Æssənḵärän atəwəḏgaz ən-Fol əd Barnäbas, tæzzar əstāghän-tän dāgh äkal-näsän. 51. Ibbəkbäk Fol əd Barnäbas aboqqa ən-ghätəmännäsän fäll-assän. Imôs awen asəttəddiy n-iba n-ətəwəqbəl ən-nalkimän ən-Yeswa, əglän əḵḵän aghrəm n-Ikonyom. 52. Inalkimän win Antəyosh əddəwen wøllen toläs əttəyän dāgh-sän Ṁan win Zäddôgnen.

14 Təsarnat tan Märawät d-Ækkozät

Fol əd Barnäbas əhän Aghrəm n-Ikonyom

1. Dāgh əghrəm n-Ikonyom Fol əd Barnäbas əggäzän ehän ən-təghäräy ən-Kəl-Älyahud. Ægän dāgh-as äljäwab s-awa yga da təḥôssäy äytedäm äggôtnen da Kəl-Älyahud əd win wər tän nəṃôs, win das əslänen əzzəgzänän əs Yeswa. 2. Mishan Kəl-Älyahud win

Igitän 14: 3

ugäyner s-əzəgʒan əssənqārān äytedām win wər nəmōs Kəl-Älyahud əgān dāgh-sān ārāk-ṃan i-məḍrayān-nāna. 3. Mishan ya Fol əd Barnābas əghsārān dāgh Ikonyom har əgān äzzāman äggōtnen. Taggin awal da wər tān təḥā tāša fəl-as əzzəgʒānān s-Əməliy. Əməliy ikf-en fərregāt nad ägin älghālamäten əssōḥātner d-igitän əmmîtäyner saḵnin sər-sān y-äytedām as əlləllu-net wa mmalān tidət a ymōs. 4. Äytedām n-əghrəm, əzunān: wəyyaḍ əlkāmān i-Kəl-Älyahud, wəyyaḍ əlkāmān i-nəmmuzal. 5. Äytedām win wər nəmōs Kəl-Älyahud əd muzārān-nāsān, əd Kəl-Älyahud əntāny-da` əd muzarān-nāsān, ket-nāsān əgmāyān ad əssəffəlləsān Fol əd Barnābas, ānghin-tān əs təgur ən-təhun. 6. As ənāyān ārāt wen äḍḍəggāgān sa-sər Listra əd Darəb əmōsner ighərman n-ākāl ən-Likayoniy əd ghäläyghäläyān-nāsān. 7. Den-da` əmmalān isālan win ḥōssäyner.

Fol əd Barnābas əḥān Aghrəm ən-Listra

8. Listra ih-et äwedām as fāw iqqim fəl-as iḍarān-net a əmmūtner; imōs anābdon wan təhut-net, wər kāla dd ijāwānkāt. 9. Isīsām y-awa ygannu Fol. Iswäḍ dāgh-as Fol, ināy as aləs a ilā azəgʒan a fəl tu z-izuzi

Igitän 14: 10

Məssh-ina. 10. İnḥ-as Fol s-äfälla: << Ənḵər taghəda tebdäy-näk!>> Təzzar ad itaggäd, itîjəwənkit. 11. As ənäyän äytedäm ärät wa yga Fol, ad siḥuken iməslan-näsän gannin dāgh awal wan Likayoni: << Məsshinatän əgän-du təməwit tann äwedäm əzzəbbendu sər-nāgh.>> 12. Əgän i-Barnäbas esəm Zeyis, Fol əgän-as esəm Harmas fəl-as ənta ishawalän s-iggət. 13. Zeyis esəm ən-Məssh-ina əyyän was taməzgəddannet təllâ dat əmïy n-əghrəm-näsän. Anäsäffeskäy-net ewäy-düw izəgran əd tətəltəla ən-təjigawen əs dat təsəḥar n-əghrəm: irə ad isəffəskət ənta əd tidawät izəgran en i-Fol əd Barnäbas. 14. Mishan as isla änämmazul Barnäbas əd Fol awen zəzzären shikätkäḍen-näsän əgmäḍän ozälän s-amḡas ən-tidawät en a das gannin s-äfälla. 15. << Imidawän-näna, ma fəl as tətəggim a wa? Nəkkänäy wər nəḡôs ar äytedäm shilat-näwän. Newäy-awän-düw isälan win ḥössäyнен fəl ad täyyim əddin n-äşşänämän windi wər nənfə wäla, təməlölliyäm əs-Məssh-ina wa yddärän, wa dd-ikhläkän ijənnawän, d-ämäḍal, d-ägärew, d-awa tän ihän kul. 16. Dāgh elan win əḡunen, oyya təwsheten shin wər nəḡôs Kəl-Älyahud, əlkämnät i-tarḡäyen shin əgän i-ḡan-näsnät. 17. Mishan as iga adi-da, wər imməzzi d-as danāgh

isaḵnūw a wa ymôš, s-ărătän win ḥôssäyenen win danăgh itaggūw: issəfäy-ana-dūw äḵonaḵ da jənnawän, ikf-ana shimeren təḥâ tənfa, ikf-anăgh imensewän äggôtnen, issəfəlawəs-ana wəllen. >>
 18. Awal wen gərrid as sər-əs əgdälän i-tidawät en a dasän təssəffəskət. 19. Təzzar oşän-du Kəl-Älyahud a dd əfâlnen ighərman n-Antəyosh tan Fisidi d-Ikonyom. Əzzəgzärän tidawät Fol. Əgärän-tūw əs təhun fəl a tt ängħin, dəffər adi zărarawän-tūw əs täma n-əghrəm fəl-as əghilän äba-tu. 20. Mishan as sər-əs d-əddewän məzzəgzan ghäläyghäläyän-tūw, ibdäd-dūw iqqäl-dūw aghrəm. Əzəl wa həḍän iddew əd Barnäbas əglän əḵḵän Darəb.

Tewäghläy-näsän Aghrəm n-Antəyosh tan Äkal
 ən-Suriya

21. Fol əd Barnäbas əmälän isälan win ḥôssäyenen dăgh əghrəm ən-Darəb a dăgh əgän inalkimän ən-Yeswa äggôtnen. Dəffər awen əqqälän aghrəm ən-Listra əd wann Ikonyom əd wann Antəyosh wann äkal ən-Fisidi. 22. Sisuhən iwällän ən-nalkimän ən-Yeswa, tamärän-tän gammäyän dăgh-sän ad zəzzəwen dăgh əddin-näsän wəllen toläs gannin-asän: <<

Igitän 14: 23

Kundäba an nənīy ärk-änay äggên as za nəggəz əlkhəkum ən-Məssh-ina. >> 23. Akk-tidawät ən-win əzzəgžānnen əs-Yeswa, əgän dāgh-as shiwat̄riwen, əzumän, əgän-as imuzārän, səghläfän-tän i-Məssh-ina was əzzəgžānän. 24. Ērzägän äkal ən-Fisidi har d-oşän äkal ən-Fanfilīy. 25. Ēmälän awal ən-Məssh-ina dāgh əghrəm ən-Farj, ämārän dəffər-əs əkkän wann Atali wa ywârän efäy n-ägärew. 26. Atalīy əggāzän dāgh-as aghlal n-aṃan əkkän aghrəm n-Antəyosh s-ənta dāgh əgmäyän midawän-näsän dāgh Məssh-ina, a tän ighləf s-ärräkhmät-net, fəl əsshəghəl wa əssəndän den. 27. As d-oşän Antəyosh, sässagän aməñiy n-äytedäm win əzzəgžānnen əs-Yeswa əmalän-asän əsshəghəl kul wa sər-sän iga Məssh-ina d-əmmək wa ykfa y-äytedäm win wər nəṃôs Kəl-Älyahud azəgžan əs-Yeswa. 28. Ēghsārän ghur məzzəgžan n-əghrəm-en har əruwän.

15 Təsarnat tan Märawät əd Səṃmosät

Aməñi wa ygän dāgh Ēghrəm ən-Jerusālam

1. Äřät n-äytedäm a dd əfälnen äkal wan Judäy əkkän aghrəm n-Antəyosh sasāghrin iməḍrayän-näna

Igitän 15: 2

gannin-asän: << Wər təfregäm ad tətəwəsəfsim as wər təlkemäm y-älghädät n-Ənnəbi Musa tann əmənked. 2. Wər dər-sän irda Fol əd Barnəbas, əgän dər-sän taməzaq läbäsät da batu ta. Təzzar itəwänna ad idaw Fol əd Barnəbas d-äytedäm wəyyađ n-Antəyosh ad äkkin Jerusəlam fəl ad məsshiwəlän əd nəmmuzal əd muzärän da batüw en. 3. Təzzar tədhäl-tän tidawät tan məzzəgzan təkf-en a was əddərärän dāgh əshikəl. Ərzägän äkal ən-Fenisiy d-äkal ən-Səmariy əmmalän əmmək was d-əhädän äytedäm win wər nəməs Kəl-Älyahud əs-Məssh-ina: Isəlan en sidəwen wəllen iməzzəgzan əs-Yeswa kul. 4. As d-oşän Jerusəlam əqbälän-tän äytedäm ən-tidawät ən-nalkimän ən-Yeswa əd nəmmuzal əd muzärän, imäl-asän Fol əd Barnəbas igitän kul win iga sər-sän Məssh-ina. 5. Mishan inqär-düw ərät dāgh äytedäm win Farisetän win əzzəgžannen əs Yeswa ənnän: << İhər ad təwəsəmənkedän äytedäm win wər nəməs Kəl-Älyahud toläs itəwänə-asän ad əlkəmän y-əsshərigha wan Musa. 6. Əmməñäyän nəmmuzal əd muzärän ən-tidawät tan məzzəgzan əs-Yeswa fəl ad əssənän a wa z-ägin da batu ta. 7. Dəffər as əyyəwänän taməzaq ibdäd Fiyar inə-asän: << Iməđrayän-in, təssänäm as isinäfrän-i Məssh-ina dāgh-wän a yruwän fəl ad

Igitän 15: 8

əməlägh isälan n-älkher y-äytedäm win wər nəmôs Kəl-Älyahud fəl a dasän äslin təzzar əzzəgzänän əs Yeswa. 8. Məssh-ina issân awa yhän iwällän n-äytedäm, issîkna as irða sər-sän, əs tähəkke ta tən iga İman win Zäddôgnen, tolât əd ta danägh iga. 9. Wər danägh izännämäzläy dər-sän: izzəzdäg iwällän-näsän fəl-as əzzîgzänän əs Yeswa. 10. Dägh adi ma fəl əmər-ədda tərâm igÿy n-ärät wər ıra Məssh-ina, tərâm ad tössətkəläm inalkimän əzuk was gərza äljädän-näna wäla näkkänäy wər nəfreg adäkal-net? 11. Kälä kälä! ar ärräkhmät n-Əməli Yeswa Əlməsifüw as nəzzəgzän ənta a dana za təsəfsit. Əntänäy da` əmmək endägh a za təwəsəfsin. 12. Tidawät ket-net töffîsta təsîsäm i-Barnäbas əd Fol sughulän älghälamäten əssôhätnen d-ärätän sîmäklälne win as tən ikfa Məssh-ina fərregät n-igi-nnäsän gər äytedäm win wər nəmôs Kəl-Älyahud. 13. As əghrädän awal, isshewäl Yaqub inña: << İməđrayän-in səsəmət-i: 14. Simon issoghäl əmmək was əs-tizarät iswäd Məssh-ina da tawsheten shin wər nəmôs Kəl-Älyahud fəl a dāgh-asnät isənnəfrän tawshet ta za təqqəlät shi-nnet. 15. Toläs awalän n-ənnəbitän nîmännäkän d-adi fəl-as iktâb-as: 16. << Dəffər adÿy a din əqqəla, təzzar əkrəsägh ehäket ən-Dawəd wa ybäräjjen, əkrəsägh

Igitän 15: 17

iməggulaz-net əssəbdədəq-qu toläs, 17. fəl ad əgmīyän äytedäm n-əddənet win d-əqqimnen Əməli, harkid täwsheten kul shin wər nəməôs Kəl-Älyahud shin dāgh itäwäghrūw esəm-in. Ənta da awa yḡḡa Əməli wa ygän āṛātän windi kul. 18. Məssh-ina issän awa z-ägu kul ḡärwa-dāgh a yṛūwän. >> 19. Adi-da fəl-as näk əḡḡegh ihôr ad näyyūw asəmməghitər n-äytedäm win wər nəməôs Kəl-Älyahud win du haddinen əs-Məssh-ina. 20. Mishan əktəbät-anāgh y-asän shirāwt, fəl a dāgh-asän nəgmīy ad äyyin əsəmədəs ən-mān-näsän, əs-tätte ta taggin işan ən-təfaskiwen shin täwägzämnen y-äṣṣänämän, d-igīy n-əzzəna toläs, əd-tätṭäy ən-šan n-əmədär təngha tärzäm, əd täṣṣäy n-əzni. 21. Fəl-as ḡärwa da tərut ila Ənnəbi Musa äytedäm tamärnen s-əsshəriḡha-nnet dāgh akk-əḡhrəm, id zāmas itawäghru da ḡan ən-təḡhäräy ən-Kəl-Älyahud əzəl n-Əssəbət kul.

Shirāwt ta tətäwäsässokät i-Məzzəḡzan win wər nəməôs Kəl-Älyahud

22. Təzzar nāmännäkän nəmmuzal əd muzärän əd tidawät ən-məzzəḡzan əs-Yeswa ket-net, fəl ad sənnəfrənän wəyyaḡ dāgh-sän, a z-idawnen əd Fol əd

Igitän 15: 23

Barnäbas s-əghrəm n-Antəyosh. Sännäfränän Yuda itäwäghrin əs Barsäbas, ənta əd Silas, əmôsnen äytedäm əlânen älmäqqam ghur məzzəgzan. 23. Əgän-tän dăgh əsshəghəl n-aggay ən-shirăwt s-ənta-dăgh a wa dăgh-as iktăbän: << Inəmmuzal, əd muzărän əd məzzəgzan əssîslămän fəl məzzəgzan win wər nəmôs Kəl-Ălyahud win əghsârnen dăgh əghrəm n-Antəyosh d-ăkal ən-Suriya əd wan Silisi. 24. Nəsl-as äytedäm wəyyađ a dana d-əfâlne əghshădän iman-năwän s-awalän-năsän, əsshiwăshän-kăwän, gannin, "Iwâr-kăwän ad tətəwəsəmənkeđäm tətəfăm älgădäten n-Əsshərigha nn-Əttăwret." Wər tän nəkfa turagăt wələyyăt da batu dïy. 25. Adida fəl nənămännäk nəsännäfrän meddän nəsoq-awän-tän-in. A din idawän əd midawän-năna Barnäbas əd Fol, 26. əmôsnen äytedäm əgänen iman-năsän dăgh älgărar fəl əddəlil n-Əməli-nnăna Yeswa Əlməsifu. 27. Dăgh adi nəsoq-awän-in Yuda əd Silas win dawän z-əməlne iman-năsän awa nəktăb da shirăwt ta. 28. fəl-as, nənîmännäk əd Man win Zăddôgne fəl ad wər kăwän nəssəwəř əzuk wələyyän ar arătän win-da s-əsshil a ymôs əmazal sər-sän: 29. Ad wər tătshim işan a dd əgmădne tăfaske tətîwăkfăt y-ăşşănăm; wăla tăshwim azniy, wăla degh-in tătshim

amudär təngha tärzäm, wäla tägim əzzəna. Ārätän-di kul, as dər-sän tətəggim əññiyät, ad taggim olâghän. Har ässäghät. 30. Tawäyyän əkkän Antəyosh. Ēsshedawän tidawät ən-məzzəgzan n-Antəyosh əkfän-tän shiräwt. 31. As dasän tətäwäghra, əddəwen məzzəgzan wəllen fəl tadhält ta dasän tətäwäggät. 32. Yuda əd Silas s-əntänäy iman-näsän ənnəbitän a mōsän əsshewälän i-məzzəgzan har ərūwän ədhälän-tän əssəssuhen-tän. 33. As əgän äđan, əgräwän turagät nad əqqəlän äwiyän təhulen ən-məzzəgzan i-nəmmuzal. 34. Eges Silas inña ad äqqam da-da. 35. Fol əd Barnäbas əntänäy əqqimän dāgh Antəyosh. Ēntänäy əd wəyyađ äggōtnen, sasāghrän äytedäm toläs əmmalän awal n-Ēməli.

Fol əd Barnäbas əmməzzäyän

36. As əgän ärät n-äđan inña Fol i-Barnäbas: əqqəl-anāgh ad näggädäz iməđrayän-näna da ghərman kul win da nəməl awal n-Ēməli, fəl ad nəñiy täghäran-näsän. 37. Barnabas irä ad idawän d-Okhya wa ytäwäghrin əs təsəmmađəq ən-Markus. 38. Mishan inña Fol wər ihôr a dər-əs idawän fəl-as äkal wan Fanfilīy a dāgh tän igmäđ wər kälä dər-sän iles tidäwt

Igitän 15: 39

dägh əsshəghəl-näsän. 39. Awa əgän da tāmāzaq, əmməzzäyän. Barnäbas iddew əd Markus iggäz aghlal n-aṃan ikḵa äkal wan Shifər. 40. Fol ənta isännäfrän Silas. Dəffər as t-əssîghläfän məḍrayän əgmäyän da Məssh-ina a tt agəz, igla. 41. Irzäg ikällän ən-Suriya əd Silisïy isisuhut azəgzan da tidawäten ən-win əzzəgzännən əs-Yeswa.

16 Təsarnat tan Märawät əd Sədisät

Timotäy iddew əd Fol əd Silas

1. Fol oša aghrəm ən-Darəb, dəffər adi wan Listra. Aghrəm wen ih-äy ənalkim igän esəṃ Timote; ṃa-s təlyahut təzzîgzänät əs-Yeswa eges shi-s əyyän da Kəl-Gərak. 2. Iməzzəgzan win əghsärnen da Listra d-Ikonyom gannin sər-əs äratän ḥössäynen. 3. Təzzar ira Fol tidäwt-net, iddew dər-əs isämmänkäd-tu fəl əddəlil ən-Kəl-Älyahud win əḥänen äkal en fəl-as əssänän ket-näsän as shi-s əyyän da Kəl-Gərak a yṃôs. 4. Ęrzägän ighərman, əmmalän i-məzzəgzan, shinaden shin əgän nəmmuzal əd muzärän əḥän Jerusälam, fəl a sər-əsnät ärdin. 5. Tidawäten shin

Igitän 16: 6

äytedäm win əlkämnen i-Yeswa zazăwatnät wəllen dăgh əddin ämărän itittəy igət-näsnät əzəl kul.

Inăfaläl aləs əyyän i-Fol dăgh əghrəm ən-Trowas

6. İman win Zăddôgnen əgdälän-asän ad əməlän isälan n-ălkher dăgh äkal n-Azïy, ərzăgän amăđal ən-Fərijïy əd wan Galasïy. 7. As d-oşän dăgman n-ăkal ən-Mizïy, əgmăyän dad äkkin äkal ən-Bitini, mishan wər tăn əkfen Man ən-Yeswa turagät. 8. Təzzar ərzăgän Mizïy ərăşän əkkan aghrəm ən-Trowas. 9. As iga ähăđ iga Fol targət ta: Inăy aləs n-ăkal ən-Masedwan ibdâd itansăy-tüw igann-as: "Ăkķ-ăddu Masedwan tilalăgh-ana". 10. Dəffər targət ten nəsămmatăg da tămăzăyt ten-dăgh iķïy ən-Masedwan, fəl-as nəkķâs ässhăk as Məssh-ina a danăgh ighrən fəl ad nawəy isälan n-ălkher s-ăkal en.

Lidi təzzəgzän s-Əməli dăgh əghrəm ən-Filifi

11. Nəggăz aghlal n-aṃan nəgmăđ Trowas nəzälalăgh əs Samotras imôsän äkal as əghlâyän aṃan n-ăgărew, as əzəl wa hăđän nəkķa aghrəm ən-Neyafolis. 12. Aghrəm ən-Neyafolis nəgmăđ-tüw əs-

Igitän 16: 13

wan Filif, aghrəm äzzârän i-təzunt ta n-ämädal ən-Masedwan. Filif den aghrəm ən-Kəl-Rom a ymôs. Nəga dāgh-as äđan. 13. Əzəl wann Əssəbət, nəgmäd aghrəm nəkka tāmā n-āghlal əngâyän, norda as ad nəgrəw edägg wa dāgh taṭṭārän Kəl-Älyahuđ. Nəqqim nəsshewäl i-təđoden əddewnen den. 14. Əyyät dāgh-əsnät esəm-net Lidi, təgmäd-đüw aghrəm ən-Tiyatir, təmôs tāmässätäk ən-təbəddagh zäggâghnen hōssäynen, toläs təksûđ Məssh-ina. Təsîsäm-ana təzzar oṛa Əməliy eghäf-net fəl at təssəsəm y-awa ygannu Fol. 15. Tətäwäsälmägh dāgh aṃan ənta d-äytedäm n-əghäywän-net. Dəffər awen tənṇ-ana: kud tənṇäm nək əzzîgzāna s-Əməli, äyewät təghsəräm ghur-i. Təsshähshäl-ana tərəđdäwt.

Käsäw ən-Filif

16. Əzəl əyyän ad nəkka edägg ən-təwaṭriwen, təssəlkäd-ana-du təklit: ihâ äljäyn a das immalän a wa du z-aşin; Məşşaw-əs garräwän dāgh-as tənfa təggêt. 17. Təzzar təlkäm-ana nəkkänäy əd Fol təgannu s-äfälla, << Äytedäm a, eklan ən-Məssh-ina a mōsän, wa dənnəg wər illâ əyyän! Əməlän-ana tarṛäyt ta təkkät efsan. >> 18. Tətagg awen-da har təga äđan

Igitän 16: 19

äggôtnen. As əzəl əyyän iggäz älhäm Fol, imälälläytät-in inna y-äljəyn: << Əñnegh-ak s-esəm ən-Yeswa Əlməsifüw əgməḍ-tät! >> Igmäḍ-tät äljəyn dāgh ämäzäy wen-dāgh. 19. As ənəyän məşşaw-əs as äb-as əfrāgän agäraw ən-tənfa sər-əs, əbäzän Fol əd Silas əlwäyän-tän s-əssuḵ əssəbdädän-tän dat kəl-əlkhəkum. 20. Ewäyän-tän əs zuzatän əññän-asän: << Äytedäm a, əḍgäznen aghrəm-näna, Kəl-Älyahud a môsän. 21. Sasāghrin älgädäten as näkkänäy ən-Kəl-Rom igdäl-anāgh əsshərigha-nnänāgh a dər-əsnät nərḍu wäla nəmmazäl sər-əsnät. >> 22. Tidawät ənta-da təssîḵna iba n-tära-nnet Fol əd-Silas. Əssokäsän dāgh-sän zuzatän shikätkäḍen, əkfän turagät n a dasän təwəgginät təwit əs-lawāgän. 23. Dəffər as dasän əgän shiwit äggôtnen, əgärän-tän dāgh ähän ən-ḵäsäw, əññän y-əmagaz a tän awəl wəllen. 24. Amagaz ən-ḵäsäw as das itawänna awen, inḵär ig-en dāgh ähän ihän ammas ən-ḵäsäw. Iga iḍarän-näsän da təkhərəbba əhānen ashək iqqän-tän. 25. As iga adäwännäy n-ähäḍ, ad itaṭṭär Fol ənta əd Silas, əssîgädän da təmmalen ən-Məssh-ina. Iməsḵəsa win häḍätnen əssîsämän-asän. 26. Wäla ihôgän iga ämäḍal ənəginəgi zəwwərän har iwälawäl eder n-ähän ən-ḵäso. Tamäzäyt ten-da dāgh ənnolämnät təsəḥar ən-

Igitän 16: 27

ķäso kul zalläbben sassärän kul win əkrädnen iməşkəsa. 27. Inķär-düw əmagaz dāgh eṭəs, as inäy shisəhar ən-ķäsāw ənnolämnät ilbäy-du tākoba-nnet a sər-əs ānghüw iman-net fəl-as ighil iməşkəsa əḍḍəggägän. 28. Inṇ-as Fol s-äfälla: << Ad wər tāngha iman-nāk, ket-nāna nəllā-da.>> 29. Təzzar issəstän əmagaz əd fətəlatän, ozäl s-ähän wann ammas, təndäw-tu täysəst ket-net fəl tāša, har ifätäqqät dat Fol əd Silas. 30. Iķķäs-tän-düw, inṇa: << Meddän, mənīy ärät wa z-āga fəl ad äfsāgh? >> 31. Inṇ-as Fol əd Silas, << Zəgzən s-Əməli Yeswa Əlməsifüw ad täfisa kāy d-əghiwän-nāk.>> 32. Təzzar əməlän-as awal n-Əməliyənta əd win əhänen ehän-net kul. 33. Ewäy-tän əmagaz dāgh älwäq wen-da n-ähäd, isshoräd ibusän-näsän. Əssəlmāghän-tu dāgh aman da tämäzäyt ten-dāgh ənta d-äytedäm-net kul. 34. Iddew dər-sän s-ähän-net, ikf-en a ətshän. Aləs en ənta d-əghiwän-net ket-net iddəwät, əzzəgzänän əs Məssh-ina. 35. As iga aghora, əssîglän-du zuzatän folisatän fəl ad äṇṇin y-əmagaz ən-ķäsāw ad äyyu Fol əd Silas. 36. Imäl əmagaz ən-ķäsāw i-Fol inṇ-as: << Zuzatän əssîglän-du turagät nad täwäyyäm. Dāgh-adīy amər-ədda əgmədät täglim dāgh älkher. >> 37. Mishan Fol inṇa i-meddän win-du täwäsäglänen.

Igitän 16: 38

<< Døffər as danăgh ənghän dat äwedäm kul, da wäla əsshəriġha, ənta nəkkänäy nəmôs Kəl-Rom, toläs əġārən-ana da kəsăw, ämărän əmər-ədda ārən a danăgh əkkəsän da kəsə wər t-illâ əyy issânän? Adi wər z-ägu s-äsăwäy-diy. Äġlin-et-düw iman-näsän əkkəsän-anăgh. >> 38. Əqqälän folisatän ewäyän isälan win Fol i-zuzatän. As əslän zuzatän as Fol əd Silas Kəl-Rom a môsän, təggäz-tän täşa. 39. Ämărän əġlän-düw zuzatän əgmäyän dăgh-sän təsüreft, əkkäsän-tän da kəsăw əddewän dər-sän a dăgh-sän gammäyän ad əgməđän aġhrəm-en. 40. Fol əd Silas as d-əgməđän kəsăw, əkkän ehän ən-Lidi. As ənäyän iməzzəġzan əġän-asän ahol ämărän əġlän.

17 Təsarnat tan Mărawăt d-Əssayăt

Fol əd Silas əhän Aġhrəm ən-Tasalonik

1. Fol əd Silas əmărän aġhrəm n-Amfifoliy əd wann Afoloniy ämărän oşän-du wan Tasalonik a dăgh əlän Kəl-Älyahuđ ehän ən-təġhäre. 2. Iggäz fäll-assän Fol. Imôs awen älkhal-net. Har iga kărađăt Əssəbəten immîzăgh d-äytedäm da batüw n-awa yktăbän dăgh Əlkəttab. 3. Isasăġr-en toläs isaġn-en dăgh Əlkəttab

Igitän 17: 4

as Ælməsifu wa ysannäfrän Məssh-ina iwâr-tūw ad inöy ärk-änay toläs itəwəsənķer-du da tämättant, igann-asän: << Yeswa wa dawän əmmalāgh ənta Ælməsifu.>> 4. Wəyyad dāgh-sän itäwäkkäs ässhäk dāgh-sän təzzar əlkämän i-Fol əd Silas, əntänäy d-äytedäm äggôtnen əmôsnen Gəratän əghbâdnen Məssh-ina əd təðoden äggôtnen shin əlänen älmäqqam wəllen. 5. Mishan Kəl-Älyahud win wər nəzzəgzän əggäznät-tän təsmiten läbâsnen əsshedäwän-düw ärk-äytedäm win taggäznen əssuķ əqqälän tidawät jännäjärwäyän aghrəm kul. Ækkän äghiwän ən-Jazon əswädän-asän fəl a tän d-äwiyän əssəbdədän-tän dat asäggäwar. 6. Wər əgrewän Fol əd Silas dāgh əghiwän ən-Jazon, təzzar əlwäyän Jazon iman-net ənta d-ärät da məzzəgzan əs Yeswa har tän-əssəbdädän dat kəl-əlkhəkum n-əghrəm ad gannin s-äfälla: << Äytedäm a, əddənet ket-net as tät əghshädän, əmər-ədda oşän-du da 7. toläs Jazon a tän igän dāgh əghäywän-net. Ket-näsän täggin awa ymôsän əlghəkəs n-əlqanun wann əmənokal Käysar fəl-as tənna a taggin as ill-äy amənokal əyyän igän esəm Yeswa. 8. Isälan winden as dasän təsla tidawät əd kəl-əlkhəkum əsshewässän. 9. Jazon əd məzzəgzan win

hăđätnen, har ərzămăn azrəf, as tawăyyăn dăffər awen.

Fol əd Silas əhân Aghrəm ən-Bərăy

10. Tărmâđ as ewăy Fol əd Silas ehăđ əssôķăn-tăn məzzəgzan aghrəm ən-Bərăy. As t-in oşăn, əggăzăn ehăn ən-təghäre wan Kəl-Ălyahud. 11. Kəl-Ălyahud win Bərăy ogărăn win Tasalonik əllugh, ərđăn s-awal ən-Məssh-ina wəllen. Əzəl kul tashăggarăn Əlkəttabăn fəl ad əssəņăn kud awa ygannu Fol tidət a ymôs. 12. Wəyyad dăgh-săn äggôtnen əzzəgžănăn, əntănăy əd meddăn äggôtnen ən-Kəl-Gərak əd təđođen ən-təməssərĥa. 13. Mishan as əslăn Kəl-Ălyahud win Tasalonik as Fol imăl awal ən-Məssh-ina da Bərăy, əglăn-dűw əgăn ărăk mən dăgh äytedăm. 14. Təzzar ənķărăn məzzəgzan əs Yeswa əssəglăn Fol tărmâđ əssôķăn-tűw efăy n-ägărew mishan Silas əd Timotăy əntănăy əqqimăn-du da Bərăy. 15. Äytedăm win əsshedăwnen Fol əddewăn dər-əs har aghrəm n-Atan. Ămărăn inņ-asăn Fol ad əqqəlăn äņņin i-Silas əd Timotăy a tid aşin tărmâđ. Əglăn əqqălăn.

Fol ihâ aghrəm n-Atan

16. Fol iqqim dăgh Atan iqqâl i-Silas əd Timotăy, ifrây i-mān-net ghashhădăn fəl āṇay wa yga igət n-ăşşănămăn a əḥānen aghrəm wen. 17. Adīy a fəl itiməshiwil dăgh āhăn wan təghărăy əd Kəl-Ălyahud d-ăytedăm win wər nəmōs Kəl-Ălyahud win əksûḍnen Məssh-ina. Tolăs itiməshiwil akk-əzəl d-ăytedăm win dər itamăṇăy dăgh əssuk. 18. Mîshawălän dər-əs meddăn wəyyaḍ ən-musăṇăn as itawăṇṇüw Efikurəyăn əd Stoyisəyăn: wəyyaḍ dăgh-săn gannin:<< Ăwedăm-a ihâ igət n-awal-a, mas iṛa tənṇan-net? Əs tənṇa immal məsshinatăn wər nətəwəzdīy, awen a wa sər-əs gannin wəyyaḍ dăgh-săn, as əslăn i-Fol imâl Yeswa d-ətəwəsənḵər wadd ităwăgga. 19. Təzzar əlwăyăn-tu s-ăsăggăwăr n-Areyofaj, əṇṇăn-as: << Ak nəfrâg ad nəssəṇ da măsṇăt tăynâyăt ta dər du toşe? 20. Fəl-as təsîslăgh-anăgh ăṛătăn wər nəzday as nəṛa ad nəssəṇ ălmăghnannăsăn. >> 21. Əntănăy ăytedăm n-Atan əd naftaghăn win əghsărnen dăgh əghrəm-năsăn, wər əgmedăn ar sawal d-əsəsəm ən-sălan win əzrăynen. 22. Fol ibdăd dăgh amṇas n-Areyofaj iṇṇa: << Ăytedăm n-Atan ənâyăgh as təzzîzăwem wəllen dăgh əddin-năwăn.

23. Fəl-as ərzägägh aghrəm-năwăn, zigăzdăgh idăggăn win da təghbădăm Məsshinatän-năwăn har as ənăyăgh edăgg a da tăwăkfinăt təkutawen a fəl iktăb: "Edăgg ən-Məssh-ina wər nətəwəzdəy". Məssh-ina wa təghbădăm wər tu təzdayăm ənta a dawăn z-əmələgh əmər-ədda. 24. Məssh-ina wadd ikhlăkăn əddənet ənta d-awa tăt ihăn kul, ənta a ymôsăn Ēməliy ən-jənnawăn d-ămăḍal, wər ighsêr inan n-əmud əkrăsăn äytedăm. 25. Wər das iḱannūw äwedăm wăla, fəl-as wər idḍərăr əs wăla, ənta a ykfăn äytedăm kul taməddurt d-inḱas d-ărăt ket-net. 26. Ikhlăk-dūw tăwsheten n-əddənet kul dăgh äwedăm əyyăn-da, fəl ad əggəzăn edăgg kul. Ig-asăn äzzăman, d-iyyakatän i-kăllăn win dăgh əghsărăn. 27. Iga adi fəl a das əswəḍăn mijas a tt əgrūwăn s-əḍez. Wər danăgh ihâ əyy-igug. 28. Fəl-as ənta a yṭṭafăn taməddurt-nănăgh, əd mətəkwoy n-ăkk əyyăn da-na d-awa nəmôs. Adidăgh a ənṅăn ărăt da məssiway-năwăn: əs tənṅa ta taggin: "Năkkănăy-da nəmôs arătän-net". 29. Zămas nəmôs arătän-net wər ihôr ad nardūw as Məssh-ina olâ d-ăṣṣănăm igân dăgh urəgh mădegh azrəf măde təhunt təḥôssăyăt, iga äwedăm găr-es əd ṁan-net. 30. Iga Məssh-ina tazăyḍart d-awa găn äytedăm dăgh elan win dăgh əmôsăn əljahilăn, mishan əmər-ədda ighra

Igitän 17: 31

äwedäm kul, dāgh ädāgg kul fəl ad utab. 31. Fəl-as iga tāmastānt əzəl əyyän a da z-ägüw əsshəriḡha olāghän y-äytedäm n-əddonet kul, əsshəḡhəl en a dāgh-as ägüw aləs wa ysännäfrän. Issîkna adi y-äwedäm kul s-əssənḡər wa tid iga dāgh iba issodār-tidüw. 32. As əslän i-Fol isshewäl da tănākra da tāmättant, a dāgh-as taggin wəyyaḡ dāgh-sän tēmākäkkäyt, wəyyaḡ əḡḡän as: a dak nəssəsəḡ da batüw tädīy əzəl əyyän. 33. Ifäl-tän Fol, igla. 34. Mishan ya wəyyaḡ dāgh-sän əlkämän i-Fol əzzəḡzänän. Äytedäm win d-əhdänen, əyyän dāgh-sän esəḡ-net Dənis imôsän äwedäm n-äsäggäwār n-Areyofaj, əd tənṡuṡ təḡât esəḡ Damaris, əd wəyyaḡ.

18 Təsarnat tan Märawät d-Əttamät

Fol ihâ Aḡrəm ən-Korint

1. Dəffər awen, igmäḡ Fol aḡrəm n-Atân ikḡa wan Korint. 2. Imməḡäy dāgh-as d-aləs ən-Kəl-Älyahud igän esəḡ Akila, n-äkal ən-Fon, s-əket d-oṡa ifäl-düw äkal n-İtaləya ənta əd ta ḡhur-əs təḡât Fərisil, fəl-as amənokal Klod ənta a yḡḡän i-Kəl-Älyahud kul ad əḡməḡän Rom. Ikḡa ḡhur-sän Fol fəl a tän inəy.

Igitän 18: 3

3. Olâ dər-sän Fol əsshəghəl, ket-näsän igiy n-ihäktan a ymôs əsshəghəl-näsän. Iqqim ghur-sän ad ishaqqäl.
4. Akk-Əssəbət Fol ishawal dāgh ähän ən-təghäräy ən-Kəl-Əlyəhud igammäy dad ässähdu Kəl-Älyahud əd Gərakatän. 5. As d-oşa Silas əd Timotäy əfälän-du Masedwan, Fol igmäđ s-ämel n-awal ən-Məssh-ina ghas, imäl i-Kəl-Älyahud as Yeswa ənta Əlməsifu wa ysännäfrän Məssh-ina. 6. Mishan Kəl-Älyahud wər ərđen sər-əs a tu rabbädän, təzzar ibäkbäk ägađ ən-səlsa-nnet inᅇ-asän: << Amər təkhräkäm, käwänäy a issəkhräkän iman-näwän, näk wər dawän ewerāgh afälla wäla ereş, əmər-ədda a dd əqqəla sa-ser äytedäm win wər nəmôs Kəl-Älyahud. 7. Ifäl-tän iᅇkâ ehän n-aləs igän esəm Titöyu Justus imôsän äwedäm iksûdän Məssh-ina s-ähän-net illâ dägma nn-ähän ən-təghäräy ən-Kəl-Əlyəhud. 8. Krisfűw imôsän amuzär n-ähän wan təghäräy izzəgžän s-Əməliy ənta d-äytedäm n-əghiwän-net kul. Äytedäm ən-Korint äggôtnen win əslänen y-awal ən-Fol əzzəgžänän əs-Yeswa əntänäy-da toläs täwäsälmäghän dāgh aᅇan. 9. Ähäd əyyän Fol iga targit ta: Inäy Əməliy. Inᅇ-as Əməliy: << A käy wər təggəz täşa, shiwəl ad wər täffästa. 10. Fəl-as əllê ghur-ək, wər t-illâ i dak z-iggəzän tarᅇäyt fəl a dak ighshəd äᅇät, fəl-as äytedäm

Igitän 18: 11

äggôtnen a əle dăgh əghrəm wa. 11. Iqqîm Fol dăgh əghrəm en har iga awăţăy d-ăgăna isasăghrűw äytedăm awal ən-Məssh-ina. 12. Dăgh äzzăman win dăgh imôs Galəyon amuzăr n-ăkal n-Ashăy, nămännăkăn Kəl-Ălyahud fəl Fol, əbăzăn-tűw ewăyăn-tu s-ădăgg wann əsshərigha. 13. Ənņăn: << Aləs wa` isakhrak äytedăm s-ăghăbad ən-Məssh-ina immîzrăyăn əlqanun wann Əttăwrit.>> 14. Zăma issənta Fol awal, as inņa Galəyon i-Kəl-Əlyəhud:<< Ənnar Əsshərigha a ymməzrăy mădegh iga əmazal wər nolegh, əddĭy əsshil a dawăn əssəsəma kăwănăy Kəl-Ălyahud. 15. Mishan zămas awa tamăzaq təgât fəl təghăre d-əsmawăn d-əlqanun-năwăn wann Əttăwrit,adi za kăwănăy a təqqəl batu tədi. Năk wər əregh ad əqqəlăgh əmashragh n-təmăzaghen shindi. 16. Təzzar ikkăs-tăn dăgh ädăgg wen dăgh itagg əsshərigha. 17. Təzzar əbăzăn Gərakatăn kul Sostân imôsăn əmuzăr n-ăhăn wan təghărăy ən-Kəl-Ălyahud a tt əggatăn dat ädăgg wann əsshərigha, mishan Galəyon wər dăgh-săn izlây.

Fol iqqäl Aghräm n-Antøyosh

18. Iqqim Fol toläs da Korint har iru. Dəffər adıy, ifäl iməzzəgzan əs-Yeswa, iggāz aghlal n-aṃan iḳḳa ākal ən-Suriya ənta əd Fərisil d-aləs-net Akila. Dat teklāy-net issākārämmät anzadän n-āghāf-net dāgh əghräm ən-Sankəre fəl-as ihâḍ. 19. Oş-ăddüw aghräm n-Āfâz oyy-ăddu dāgh-as Fərisil d-Akila. Iggāz ehän wan təghäräy ən-Kəl-Ālyahud imăsshăwāl dər-sän. 20. Ēgmăyän dāgh-as a ghur-sän ihäg, mishan wər dasän irḍa. 21. As tän ifäl inḅ-asän: << Immîkkän a dıy iga əmud wa dd izâyän da Jerusălam. A kăwän d-əqqəla kud Məssh-ina irḍa. >> Iggāz aghlal n-aṃan, igmăḍ Efâz, isshokäl. 22. As izzəbbät dāgh əghräm ən-Sezaräy, iggəzzäy sa-sər Jerusălam fəl ad issəsləm tidawät ən-məzzəgzan əs-Yeswa, dəffər awen irăş s-Antøyosh. 23. Dəffər as dāgh-as iga tāmert, igmăḍ-tüw isshokal. Irzäg amăḍal ən-Galasıy əd wan Fərijıy, isisuḅut azəgzan ən-nalkimän ən-Yeswa.

Aşsa n-Afolos Aghräm n-Āfâz d-Ākal n-Aşhăy

24. Ālyahud əyyän igän esəṃ Afolos ihuwän dāgh əghräm n-Aleksandrıy oş-ăddüw aghräm n-Āfâz.

Igitän 18: 25

Imôs aləs ighrân wøllen Ælkøttabän ən-Møssh-ina, ämārän issân awal wøllen. 25. Itiwäsäsäghra tarṛäyt tann Æməli, toläs idgâz wøllen dāgh awal wa ymmal. Isasäghru s-əllugh batuten shin əgänen fəl Yeswa. Mishan wər das itäwägga ar ətəwəsəlməgh dāgh aṃan was kälä tt itagg Okhya. 26. Issənta igiy n-awal dāgh wər-tu təḥâ täşa dāgh ähän wan təghäräy ən-Kəl-Älyahud. As das isla Akila əd ta ghur-əs Fərisil əddewän dər-əs sässägrän-tu s-əllugh əsshötän-as mäsnät ta yga i-tarṛäyt ən-Møssh-ina. 27. Dəffər-adiy ira Afolos ikiy n-äkal n-Äshäy. Ædhälän-tu məzzəgzan, əktäbän shiräwt i-nalkimän win äkal en fəl a das ägin təməwit tolāghät as tän-in oşa. As din oşa təggəz-tu tənfa wøllen y-äytedäm əgräwnen ärräkhmät ən-Møssh-ina əzzîgzännen. 28. Fəl-as imäl dat äytedäm awalän əssôḥätnen win əssəḵnänen as Kəl-Älyahud əṭṭäfän älkhäta: Igharr-asän idäggän dāgh Ælkøttabän əssôḵäsnen ässhäk as Yeswa imôs Ælməsifu.

19 Təsarnat tan Märawät əd Təzayät

Ihâ Fol Aghrəm n-Äfâz

1. As ihâ Afolos Korint, Fol ənta irzäg ikällän əggîzzäynen har oşa Efâz igräw dāgh-as äytedäm wəyyad da məzzəgzan əs-Yeswa. 2. Issəştän-tän inṅ-asän: << Kăwănäy as təzzəgžänäm da təgrâwäm İman win Zăddôgnen? >> Əjjəwwăbăn-as əṅṅăn-as: << Wər nəsla fădda as t-əllân Man win Zăddôgnen.>> 3. Inṅ-asän Fol tolăs: << Dăgh adi ma ymôs ətəsəwəlməgh dăgh aṃan wa dawăn ităwăggăn? >> Əṅṅăn-as: << Alămagh wann Okhya.>> 4. Inṅ-asän Fol: << Okhya isalmagh win ərdānen sad əssəmməṭṭiyăn älkhal, tolăs igannu y-äytedäm n-Isra`el, ad əzzəgžənän əs wa du z-aşin dəffər-əs, älmăghna Əlməsifu Yeswa. 5. Dəffər as əslän y-awal wen, ərdän, tăwăsălmăghăn dăgh aṃan s-esəm n-Əməli Yeswa. 6. Akk-əyyăn issəwăr-tu Fol ifăssän-net, əzzəbben-du făll-as Man win Zăddôgnen təzzar ofărän awal dăgh awalän wər nətəwəzdəy, əmmalän isălan win iga Məssh-ina. 7. Meddän-en edăgg ən-măraw d-əsshin. 8. Dəffər awen iggăz Fol ehăn wan təghăräy ən-Kəl-Əlyəhud, iga kăradät təlil ishawal

Igitän 19: 9

dägh-as wər iksûḍ wăla. Imăl awal wa ygän fəl əlkhökum ən-Məssh-ina, itiməshiwil dər-săn, igammăy dad issukəs ässhäk da năssăsămăn-net. 9. Mishan wəyyaḍ dăgh-săn əqqîsin ugăyăn s ad əzzəgzănăn tolăs gannin ärk-ărătän wər nolegh əs tarṛăyt tann Ēməli, dat tidawăt. Ifăl-tăn Fol iddew əd win əzzəgzănnen əs Yeswa, itiməshiwil d-ăytedăm əzəl kul da lăkol n-aləs əyyăn igän esəm Tiranus, 10. har iga əsshin elan har as äytedăm win əghsărnen dăgh äkal n-Azi gər-za Kəl-Ălyahud wăla win wər nəmôs Kəl-Ălyahud ket-năsăn əslăn y-awal n-Ēməli.

Măddan-əs ən-Skewa

11. Məssh-ina isisugu Fol ärătän əmmîṭṭăyenen wəllen. 12. Adıy a fəl tamawăyăn əlkəshifatän əd fərəsan ən-tăbdoq win əḍăsnen Fol y-ăytedăm win əriṇṇen: tazăyen da təwərnawen-năsăn tolăs win əgrăwăn əljăynăn gammăḍăn-tăn. 13. Ēllân-tu Kəl-Ălyahud əllânnen gər kăllăn takḳăsăn əljăynăn da mirăṇăn. Wəyyaḍ dăgh-săn əgmăyăn dad takḳəsăn əljăyenen sad gharrin esəm n-Ēməli Yeswa fəl win əlănen əljăynăn gannin y-əljăynăn: << Nəṇṇ-awăn əgməḍăt s-esəm ən-Yeswa wədi wa ymmal Fol.>> 14. Win

Igitän 19: 15

tagginen awen a ḥän mäddan-əs n-änäsäffesḳäy zəwwərän ən-Kəl-Älyahud igän esəḡ Skewa əṣṣa. 15. As əṇṇän awen y-äljäyn a dasän äṇṇüw: << Əzdâya Yeswa, toläs əssânəgh a wa yḡôs Fol, mishan kăwănäy ma təḡôsäm? >> 16. Təzzar inḳär äwedäm wa yḡâ äljäyn, istäb-asän, əggäznät-tu təghurad a tu sissärṇänen meddän-en, fəl əṣṣa-essän ozälän; as du gammädän ehän wər əlsên wäla, əḡân-tän busän. 17. Äytedäm n-Äfâz win Kəl-Älyahud əd win wər tän nəḡôs, əslän awen, təggäz-tän täṣa ket-näsän, təzzar əssəghmärän wəllen esəḡ n-Əməli Yeswa. 18. Äytedäm äggôtnen win əzzəgzännən əs-Yeswa gallin-du sughulän y-äytedäm äräk-mazalän win as kälä tän taggin. 19. Inəsbokän äggôtnen ewäyän-düw əlkəttabän-näsän a tän saqqadän dat äwedäm kul. Əkhsäbän äṭṭämän-näsän kul, iqqäl səḡḡosät təḡərwen n-ägim ən-tämma n-əzrəf. 20. Əmmək wədïy as itiwəziwiz awal n-Əməli, tətitiy ässaḡət-net. 21. Dəffər as oḳäyän ärätän-en, Fol İman win Zäddôgnen a dägħ-as d-əgänen əṇṇiyät n-ikïy ən-Jerusälam, mishan ad imḡər äkal ən-Masedwan əd wann Ashäy: igannüw: << As t-əṣəgh, iwâr-ïy ad əniyāgh aghrəm ən-Rom ənta-dägħ. >> 22. Issokä əsshin äytedäm dägħ win das tilalnen äkal ən-

Igitän 19: 23

Masedwan. Ismawän-näsän Timotäy d-Erast. Ænta iman-net iqqim-du dāgh ākal n-Azi a dāgh z-āhäg. 23. Azzāman-en inîjärwäy dāgh-sän āmäḍal wøllen føl øddølil øn-tarräyt tann Æmøliy. 24. Ill-äy aløs igänn esøḡ Demetriyus, itaggin shāsshelan mäḍronnen dāgh øzrøf n-āhän n-ālgħibada n-Artemis tømøsät møssh-ina-nnäsän. Itawäy-düw awen tønfa tægget i-näḍän. 25. Isshedäw-tän-du kul øntänäy d-äytedäm win dør-sän olänen øsshøghøl tøzzar inḡ-asän: << Ya meddän, tøssänäm as øsshøghøl-wa, ønta a dāgh nøddär. 26. Mishan tøslām toläs tønäyäm awa yga aløs wødi was itäwänḡu Fol, igannu: << Møssh-inatän win øgän äytedäm wør ømøsän møssh-inatän. >> Issøkhräk äytedäm äggøtnen. Wørgø dāgh Äfäz ghas, harkid täshäm n-äytedäm n-ākal n-Azi kul. 27. Älgħärär wa tid z-igmøḍän wørgø tadägärt-näna ghas a z-issørøḡ. Harkid āhän n-Artemis ta zøwwørät nøghbäd a z-äbbännänän. Fädda, älmäqqam wa tøla Artemis ad iqqøl bannan, s-ønta a øghbädän äytedäm n-ākal n-Aziy ket-net d-øddønet kul. 28. As øslän äytedäm win das øssøsäḡnen y-awal wen, iggäz-tän älhäm wøllen ad saghären gannin: << Artemis tan Køl-Äfäz shi mäqqärät!>> 29. Aghrøḡ ket-net inîjärwäy. Æddewän äytedäm äggøtnen. Tärmäḍ øs økkän asämmänay.

Igitän 19: 30

Ēbāzän Gayus d-Aristark əmôsnen Kəl-Masedwan, ən-midawän ən-Fol dāgh əsshikəl, əlwāyän-tän-in. 30. Fol ira ad äkku tidawät-en mishan əgdälän-as nalkimän ən-Yeswa iki-nnet. 31. Ārät dāgh kəl-əlkhəkum n-Azīy, əmôsnen imidawän-net əgmāyän dāgh-as ad wər iggəz edägg wa dāgh təga tidawät. 32. As itagg awen aməni ket-net inîjärwäy. Āytedäm wəyyaḍ gannin s-äfälla ārät əyyän wəyyaḍ gannin ārät wər nola əd wen. Tässhäm-näsän wər əssenän fädä a awa fəl əddewän den. 33. Təzzar itäwäkkäs-düw Aleksandər da tidawät a tidu baddāghän Kəl-Ālyahud dat-sän, a dasän idakkäl əfus fəl ad äffästīn fəl a dasän ägüw äljāwab. 34. Mishan as əssānän as Āw-Ālyahud a ymôs, ad gannin ket-näsän s-äfälla: << Artemis tan Kəl-Āfâz ənta shi mäqqärät,>> gannin awen har əgän edägg n-əsshin älwäqqän. 35. Issähhäddärrät aləs wa ymôsän ənaktib n-əghrəm tidawät-en inḡ-asän: << Ya meddän n-Āfâz, ma ymôs äwedäm wa wər nəssen as aghrəm n-Āfâz ənta a ymôsän əmagaz n-ähän wa dāgh tətäwäghbäd Artemis ta mäqqärät, ənta əd shəsshelan-net əgānen da təhunt win du fätäqqätnen da jənnawän? 36. Id zāmas wər t-illā äwedäm as ijhâl awen, iwâr-kāwän ad təhhədərəm toläs ad wər tägim wāla da tāräräda. 37. Fəl-as

Igitän 19: 38

tewäyäm-du meddän-a, as wergegh ibäydäğän ən-təməzgəddawen a mōsän wāla əğän ärk-awalän fəl Məssh-ina-nāwän. 38. Kud Demetriyus əd nädän win dər-əs əddewnen iga ghur-sän as meddän-en əghshädän-asän ärät, əllän-tu jilän win dāğh itagg əsshəriğha toläs əllän-tüw imuzärän n-äkal əntänäy as ihôr a sər-sän awi Demetriyus əd Fol təğhtəst. 39. Kud ärätän wəyyađ a dər təssəstänäm, ad tətəwəḵnu batu-nnäsän dāğh əməḵəy was tətiwāla turagät n-igi-nnet. 40. Ämārän nəḵâ tätzäk nad itawännüw afəlləg a nəga fəl əddəlil n-awa ygän äzäl-ada. Wər t-illâ asaru wa za nāgüw wa fəl za nännüw ənta fəl təga tidawät ta. 41. As dasän inḵa awen, inḵ-asän ad wəziwəzän.

20 Təsarnat tan Sänatät Təmərwen

Fol əd Midawän-net əkkän Äkal ən-Masedwan

1. As hədärren äytedäm, isässäghr-äddu Fol inalkimän ən-Yeswa ig-asän ənnasikha. Ämārän inämägga dər-sän shiwatřiwen, igla iḵḵa äkal ən-Masedwan.
2. Irzäg äkal-en itagg ənnasikhatän äggôtnen inalkimän ən-Yeswa dəffər awen iḵḵa äkal ən-Gəras.

3. Iga dăgh-as kăradăt təlil. Iṛa iguz n-əghlal n-aṃan fəl ad äkküw äkal wan Suriya, as isla as Kəl-Älyahud əgän fäll-as eghäf fəl a tt änghin. Təzzar issôf ad iqqəl dəffər-əs, ägu tarräyt tan Masedwan. 4. Sofatar Äg-Firus imôsän äwedäm n-əghrəm ən-Bəräy iddew dər-əs har äkal n-Aziy, ənta d-Aristark əd Sakundus əmôsnen äytedäm ən-Tasalonik, əd Gayus n-əghrəm ən-Darəb, əd Tishik əd Trofim əmôsnen äytedäm n-äkal n-Aziy, əd Timotäy. 5. Ēntänäy äzzârän-ana təzzar əqqälän-ana dăgh əghrəm ən-Trowas. 6. Ämărän näkkänäy dəffər amud was ităwännu wan təgəlwen wər nəkuf nəggäz aghlal n-aṃan da Filif nəkka Trowas, as nəga səmṃos äḍan noṣ-en-in. Nəga den əṣṣa äḍan.

Anay ən-Fol wa ylkämän Aghrəm ən-Trowas

7. Ēzəl wann Älkhäd, əddêwän nalkimän dăgh ädägg əyyän-dăgh i-tettäy. Isshewäl-asän Fol har iga ädăwännäy n-ähäd fəl-as tufat ad z-iss hikəl. 8. Ēhän ehän imôsän surüw əhänät fətəlaten äggôtnen. 9. As isshewäl Fol ill-äy aləs əyyän äynâyän esəm-net Yutik iqqimän fəl fənətər n-ähän, igla har t-iggäz eṭəs ad itanäddam har t-ibäz eṭəs wəllen, ifätäqqät. Ehän ən-

Igitän 20: 10

surüw wan kârâḍ a dăgh d-ifătăqqăt den. Immătkăldüw äba-tüw. 10. Izzəbbăt-du Fol, ifătăqqăt fäll-as, izălămmăt-tüw inḅa: << Ad wər təsshəwəshäm, iddâr. >> 11. As inḅa awen, iqqäl ehän wa dd izzəbbăt irza bərodïy izun-tüw itsh-äy. Inămăsshawäl dər-sän har iga əzəl, ämărän igla. 12. Aləs wadd ifătăqqin immewäy iddâr imôs awen ärät a tăn isidäwen wəllen.

Ashikəl gər Trowas əd Mila

13. Năkkănăy nəgla nəzzâr i-Fol, nəggăz aghlal n-aḅan nəḅḅa Asos. Fol issôḑ a din ijəwənkət. Inḅanăgh a das nəqqəl dăgh əghrəm n-Asos fəl ad iggəz aghlal ənta-dăgh. 14. As dana d-oşa dăgh Asos, nəg-äy dăgh əghlal n-aḅan nəḅḅa Mitilân. 15. Nəfăl-d aghrəm ən-Mitilân, As əzəl wa həḍän nănămăswăḍ d-ăkal ən-Shiyăw illân gər gərwan, əzəl wa dəffər wen noşa wan Samos, nəzzəkkăt da Trogilyum. Əzəl wa dəffər wədi noşa aghrəm ən-Mila. 16. Fol oḗas ad illâm dăgma nn-Ăfâz dâ wər dăgh-as ibded fəl-as wər iră aghshud n-ălwăq dăgh äkal n-Aziy. Irrorăd iră aḷḷa ən-Jerusălam fəl ad ämmăgnăt y-əmud wan goḍan i-Məsh-ina tənḑa ən-təwəggas, kud as immîkkăn awen.

Isshewäl Fol i-Muzärän ən-nalkimän ən-Yeswa
win Äfâz

17. Ihâ Fol Mila issəgmäy imuzärän ən-tidawät ən-nalkimän ən-Yeswa win Äfâz. 18. As tid oşän inṇ-asän: << Kăwănăy iman-năwăn təssâṇăm təməwit ta gegh as kăwăn d-oşegh əzəl wa zzarän wa dăgh əssəṇsăgh aḍăr-in dăgh äkal n-Azi har kăwăn əfălăgh. 19. Əghbâdăgh Əmölĭy, əssîrăşăgh iman-in wəllen; halla, tăwăjărăba fəl-as Kəl-Älyahud taggin fäll-ĭy eghăf. 20. Təssâṇăm as wər kăla di təggez tăşa fəl dawăn z-əghbəra ăṛăt wa kăwăn z-änfin. Eges əmălăgh-awăn-tu. Săssăghrăq-qăwăn dăgh äljimaghăt, săssăghrăq-qăwăn dăgh aṇṇas ən-ṇan-năwăn. 21. Əgmâya da Kəl-Älyahud əd Kəl-Gərak ad utabän əs-Məssh-ina əzzəgzənän s-Əmölĭ Yeswa Əlməsifüw. 22. Äṇărän amər-ədda Jerusălam a əḵḵe fəl-as İman win Zăddôgnen a di shăhhăsshălĭnen iḵi-nnet wər əssēṇăgh awa di dăgh-as z-igrŭwăn. 23. Äṛăt əyyănda a dăgh əssăṇăgh a tt imôsan as akk əghrəm a dd oşegh əmălăn-i Ṁan win Zăddôgnen as ḵăso d-ălghăzăb əqqălăn-i. 24. Mishan wər z-əssəməṭṭĭya tarṛăyt fəl əddəlil ən-wələyyăn dăgh ăṛătän-en. Wər əge təməddurt-in ăṛăt əyyăn ilân älmăqqam. Ghur-ĭy

Igitän 20: 25

ärät wa ogärän tära ən-man-in, aghrud n-əsshikəl-in əddüwe, toläs ad əghrədägh əsshəghəl-in wa dīy ikfa Ēməli Yeswa, a tt imôsän emel ən-sälan win hōssäyner n-ärräkhmät ən-Məssh-ina. 25. Əllâma gâr-ewwän ket-näwän əmmalägh əlkhəkum ən-Məssh-ina mishan əssânägh amər-ədda as wər kăwän ihâ i z-ilösän aṇay n-udəm-in. 26. Adida fəl kăwän əssosänägh äzäl-adägh as, as ikhräk əyyän dägh-wän, werge näk a tt issəkhrekän. 27. Fəl-as wər əksudägh a dawän əməlägh awa yṛa Məssh-ina kul. 28. Əssəṇät da ṁan-näwän toläs təssəṇäm dägh əsəgən ket-net wa kăwän zəzzagäzän Ṁan win Əlləllätner təḍənäm tidawät tas izzənza Məssh-ina s-əzni wa-nnet iman-net. 29. Əssânägh as, as əglegh a kăwän d-əggəzän äytedäm wər nəzlây əd təghəss wər za näyyüw asəgən-näwän wər t-əḍesän. 30. Kăwänäy iman-näwän wəyyad dägh-wän ad ässänṭin emel n-ärätän əmôsner bahu, fəl a dasän əlkəmän nalkimän ən-Yeswa. 31. Dägh adīy, ägiwät əṇṇiyät, toläs täktim-düw as kărad elan a ge sassəghrəq-qăwän akk-əyyän dägh-wän ehäd ezəl har as iməṭṭawän da əffâyän dägh-i. 32. Äṁärän amər-ədda iməḍrayän-in əssîghläfäq-qăwän i-Məssh-ina əd sälan win əmmalner ärräkhmät-net. Isälan win əfrägän a kăwän

Igitän 20: 33

əsəssuḥen əgrüwän-käwän eḥsan tidawäm əd win zäddôgnen kul. 33. Wər säddaränəgh ad əgrüwəgh azrəf wäla urəgh wäla issəlsa n-äwedäm wələyyän. 34. Käwänäy iman-näwän tössânäm as ifässän-in as əsshəghəla fəl ad əgrüwəgh awas äddärara näk əd midawän-in win dər əddewəgh. 35. Əssîḵnäq-qäwän əs təməwiten kul as iwâr-käwän ad təshghəläm fəl ad tilaläm i-tələqqäwen, täḵtim-düw awal wa yga Əməli Yeswa ənta iman-net as inḥa: << Əsəffəliwəs wa ytagg Məssh-ina y-äwedäm wa yḥakkän ogär wa ytagg i-wa ygarräwän. >> 36. Fol as inḥa wen, igäräffät ənta dər-sän ad taggin shiwatṛiwen. 37. Ket-näsän əffâyän dāgh-sän məṭṭawän, tizələmmen Fol tamällen-as. 38. Ārät wa yghshädän iman-näsän wəllen as dasän inḥa wər tu z-ələsän aḥay. Təzzar əntägän-tu har oşän aghlal n-aḥan.

21 Təsarnat tan Sänatät Təmərwen d-Əyyät

Ikıy ən-Fol Jerusālam

1. As dər-sän nəmməzzäy, nəggäz aghlal n-aḥan nəgla nəzällaləgh s-äkal ən-Kos imôsän amädal əghlâyän-tüw aḥan; s-əzəl wa häḍän noşa awətul ən-

Igitän 21: 2

Rod. Rod nəgmäd-tät nəkka aghrəm ən-Fätära. 2. Noş-in dāgh-as aghlal n-aṃan itakkin ākal wan Fenisi təzzar nəggāz-tu nəgla. 3. As nogga ākal ən-Shifər ənta-da ighîläyghäläy-tu ägärew, noyy-äy da zälgät-nāna nədäg sä-sər ākal ən-Suriya. Noşa aghrəm ən-Tir s-ənta a dāgh za tu təwəzəzzəbben lälän win ewäy əghlal. 4. Nəgmäy inalkimän ən-Yeswa, har tän nəgrāw, nəmäl ghur-sän har nəga əşsa ädan. Əsshewälän-asän Man win Zäddôgnen, gannin nalkimän i-Fol: << Ad wər tākka Jerusālam. >> 5. As nəga əşsa ädan, nəbāz tarṛäyt-nāna nəsshokäl. Əntägän-ana ket-näsän harkid tədoden-näsän d-arätän-näsän har nəgmäd aghrəm. Nəgäräffät da täma n-ägärew an nətagg shiwatriwen. 6. Nənämägga dər-sän shiwatriwen nəggāz aghlal n-aṃan, əntänäy əqqälän ighäwnatän-näsän. 7. Nəgmäd aghrəm ən-Tir nəsshokäl har noşa aghrəm ən-Tolemayis. Nəssəsläm iməzzəgzan win Tolemayis, nəga ghur-sän əzəl əyyānda. 8. S-əzəl wa hədän nəkka aghrəm ən-Sezaräy. As t-in noşa nəggāz aghiwän ən-Filif imôsän äwedäm itaggin äytedäm da tarṛäyt tan Yeswa, imôs əyyän da meddän win əşsa win täwäsännäfränen da Jerusālam, nənîftāgh-as. 9. Filif ilâ əkkozät təbāraren wər nəzdây meddän tagginen awalän d-əfälnen Məssh-ina.

Igitän 21: 10

10. Nəga den ädan äggôtnen. Nəllâ den as d-oşa ənnəbïy əyyän igân esəṃ Agäbus a dd ifälän äkal ən-Judäy. 11. Oş-ana-düw, itkäl əsatəb ən-Fol ikräd sər-əs idarän wi-nnet iman-net əd fässän-net təzzar inṇa: << Ēnta-dägh a wa əṇṇän Ṣan win Zäddôgnen: < Aləs wa ylän əsatəb a, a das ägin Kəl-Älyahud akärad-ada dägh əghrəm ən-Jerusälam təzzar ägin-tu gər fässän n-äytedäm wər tän nəṃôs. > >> 12. As nəsla y-awal wen, ad nətaṇsäy näkkänäy iman-näna näkkänäy d-äytedäm win Sezaräy Fol fəl ad wər äkḵu Jerusälam. 13. Mishan inṇ-ana: << Ma fel as təhallim təgammäyäm da di təghshədäm iman? Fəl-as näk werge kərrəd ghas as əsshərəya, tamättant da` əsshərəyāgh-as dägh əghrəm ən-Jerusälam fəl əddəlil n-Ēməli Yeswa. 14. As nənäy as wər nəfreg a tidu nəssughəl da təṇṇa-nnet nəffəsta təzzar nəṇṇa: << Äg-et Ēməliyə awa yṛa.>> 15. Dəffər ädan winden nəsämmatäg nəgla nəkḵa Jerusälam. 16. Nəddew d-ärät da nalkimän ən-Yeswa n-əghrəm ən-Sezaräy. Ēddewän d-aləs igân esəṃ Nason n-äkal ən-Shifər s-ənta a za nännäftāgh. Ēnta iṛüw as iqqäl ənalkim ən-Yeswa.

Assa wa yga Fol aghiwän ən-Yaqub

17. As du noşa Jerusălam, əssəknän-ana məzzəgzan as isidăwăt-tän wəllen aşsa-năna. 18. S-əzəl wa həđän iddew Fol dər-na s-əghiwän ən-Yaqub ghur əddewän muzărän ən-tidawăt ən-win əzzəgzănnen əs-Yeswa kul. 19. Issəslăm-tän Fol issoghăl-asän ărăt kul, was t-ikfa Məssh-ina turagăt n-igi-nnet dăgh əsshəghəl wa ytagg, dăgh äytedăm win wər nəmôs Kəl-Əlyəhud. 20. Əssəsămän-as. As ighräd, ad tigudïyän i-Məssh-ina. Ənñän i-Fol: << Toggegh amăđray-nănăgh, iket ən-gimän ən-Kəl-Ălyahud a əzzəgzănnen: ket-năsän zîzăwen wəllen dăgh Əsshəriġha wann Əttăwret. 21. Itîwănñ-asän təsasăghra Kəl-Ălyahud kul win əghsărnen dăgh äytedăm win həđätnen, fəl ad ämmăzrăyän Musa, tolăs təgannăgh-asän ad wər səmmənkəđän arătän-năsän wăla əlkəmən y-ălghădäten shin Kəl-Ălyahud. 22. Dăgh adi ma za nəgu? Fəl-as illîkkän ad tămmăñăy tidawăt ən-nalkimän. Ad əslin as toşe-düw. 23. Adida fəl za tăgăgh awa dak za nănñüw: << Əhân-ana meddän əkkoz əhădnen. 24. Idaw dər-sän, təzzəzdəga kăy dər-sän tərzəma făll-assän fəl a dasän təwəlzin ġhăfawän-năsän. Əmmək wəđiy as z-əssəñän ket-năsän as awa

Igitän 21: 25

sər-ək itāwānḡin wər ila ālmāghna tolās ad əssəḡān as kāy iḡan-nāk tārde s-Əsshəriḡha wan Musa tolās təl-kāmāgh-as.>> 25. Āmārān āytedām win wər nəḡōs Kəl-Ālyahud win əzzəḡzānnen, nəktāb-asān shirāwt nəḡḡ-asān: Ad wər ātshin isāḡ ən-tāfaskāy tətīwākḡāt y-āḡḡānām, wāla āshwin azni, wāla ātshin isāḡ n-əḡudār tənḡha tārzām, wāla āḡin əzzəna. 26. Təzzar iddew Fol əd meddān win əkkoḡ-en. S-əzəl wa hādān izzəzdāḡ ənta dər-sān, igḡāz Taməzḡədda ta Zəwwərāt, fəl ad iməl əzəl wa dāḡh z-əḡhrədān āḡan win əzəzdəḡ wad za tətəwəkḡu tāfaske fəl əddəlil n-akk əyyān dāḡh-sān.

Atərməs ən-Fol da Təməzḡədda ta Zəwwərāt

27. As əbukān ad əḡhrədān əḡḡa āḡan winden, ənāyān Kəl-Ālyahud win ākal n-Azi Fol da Təməzḡədda ta Zəwwərāt. Ēḡān ārāk-ḡan da tidawāt ket-net təzzar əbāzān Fol. 28. Gannin s-āfālla: << Kəl-Isra`el, agəzāt! Ēnta-dāḡh aləs wa ytagḡin ārāk-awalān fəl āytedām n-Isra`el d-əsshəriḡha wan Musa əd təməzḡədda ta, immal-tān y-āytedām kul. Ēḡər-ədda har as ig-āddūw ḡəratān da Təməzḡədda ta Zəwwərāt, dāḡh adīy isāḡḡādās edāḡḡ wa, wa

Igitän 21: 29

yllöllen. 29. Gannin awen fəl-as dat awen ənäyän Trofim wann əghrəm n-Āfâz dāgh əghrəm iddew əd Fol, əghilän Fol a tid igän da Təməzgədda ta Zəwwərät. 30. Awen sämmätäkwayän äytedäm kul n-əghrəm, ozälän-du da təsədag kul. Ēbāzän Fol əlwäyän-tüw əgmäḍän dər-əs Taməzgədda ta Zəwwərät, təzzar əḥärän imawän-net da tāmāzäyt ten-dāgh. 31. Ad gammäyän əd tənāghäy ən-Fol as ewäḍän-in sälan i-kumända äzzârän y-əgim ən-sojïy ən-Kəl-Rom, as aghrəm ən-Jerusälam ket-net inîjärwäy. 32. Tāmāzäyt ten-dāgh a dāgh iddew əd kăbtänatän əd sojitän, əzzəbben-düw ozälän-düw əs tidawät. As oggän kumända əd sojitän əzâyän-düw, oyyän shiwit ən-Fol. 33. Təzzar iḵḵ-äddu kumanda Fol, ibäz-tüw inḡa ad itəwəkrəd s-əsshin sässäran, ämărän issəştän d-awa yḡôs d-awa yga. 34. Äytedäm ən-tidawät ətkälän iməslan-näsän gannin äḡätän əmîzräyner. Kumända indär-as ad issəḡ awa yḡôsän tidət da tăḡat ten, ikfa turagät nad ämmäwïy Fol s-əghiwän ən-sojitän. 35. As d-oşa Fol shisəffəttən n-ähän iqqäl əsshil i-sojitän adăkal-net fəl-as äytedäm kul äḡänen tenāghäy-net, 36. fəl-as tidawät kul təlkâm-as ket-näsän gannin s-äfälla: << Änghiawät-tu! >>

Äljäwwab ən-Fol wa yga ibdād fəl təsəffötten ən-
biro wan sojitän

37. Tamäzäyt ta dāgh z-itäwäggu Fol dāgh ammas n-əghäywän ən-sojitän, inna i-kumända: << Ak əle turagät na dak äññagh ärät?>> Issəstän-tu kumända: << Təssänagh awal ən-Gərak? >> 38. Dāgh adi wər təmôsāgh äwedäm ən-Mäsär wədi, was səkət issəfölläg äytedäm təzzar ewäy əs täneräy əkkoz gim n-äwedäm ən-məggan ən-man? 39. Ijjəwwäb-as Fol inñ-as: << Näk Älyahud a môsāgh ihuwän dāgh əghrəm ən-Tars ihân äkal ən-Silisiy, aghrəm wədiy tögâ fäll-as mäsñät. Əgmäya dāgh-ak a di tākfa turagät nad əsshiwəlāgh y-äytedäm. 40. Ikf-äy kumända turagät. Ibdād Fol fəl təsəffötten, itkäl əfus-net y-äytedäm fəl ad äffästīn. As əssəsämän isshewäl-asän Fol dāgh awal wan Hebray.

22 Təsarnat tan Sänatät Təmərwen əd Sänatät

1. << Iməḍrayän-in d-abbatän-in səsəmət y-awa dawän z-äññagh əmər-ədda əgmäya sər-əs aggaz ən-man-in: >> 2. As das əslän isshewäl-asän dāgh awal

Igitän 22: 3

wan Hebräy əssəsəmən-as wəllen. Təzzar inṅ-asən:
3. << Nāk Älyahud a mōsəgh ihuwän dāgh əghrəm
ən-Tars dāgh äkal ən-Silisi mishan aghrəm ən-
Jerusālam a dāgh tāväsädwāla. Gamaliyel a dīy
isässāghrən, issosən-i wəllen əsshərigha n-abbatän-
nänəgh. Awa gegh i-Məssh-ina da ləkkum ola əd wa
das tögäm äzäl-adāgh. 4. Ədgāza wəllen har as
naqqāgh äytedäm win əlkämnen i-tarṛäyt tann Əməliy
Yeswa. Tabāza meddän əd təḍoden taggāq-qän da
käsaw. 5. Anässäfeskäy wa zəwwərən d-äsəggawär
wan muzārən əfrāgän a dīy äggäyyen. Əgrāwa ghur-
sän shira əkkānen iməḍrayän win Kəl-Əlyəhud win
əḥānen Damas, tas ənta a əkke fəl ad əbəzāgh
iməzzəgzan əs Yeswa kul win tāt əḥānen, awiyāq-qän-
düw əs-Jerusālam əkrādän a tən səwwəddəba.

Issoghäl Fol əmmək was d-ihda

6. Əḥe tarṛäyt əhözāgh aghrəm ən-Damas, aṭṭayän n-
ämmäs n-äzäl, wāla yhōgän ibäləzzät əṅṅur zəwwərən
a dd igmādän ijənnawän da ghəlighələyän-in.
7. Fätäqqe dāgh ämäḍal, əslegh y-əməslīy n-äwedäm
az dīy inṅa: << Sol, Sol, ma fəl di tədgāzāgh? >>
8. Əssəstänəgh əṅṅegh, << Ma təmōsəgh Əməliy? >>

Igitän 22: 9

Ijjəwwäb-i əməslīy-en inṇ-i, << Nāk Yeswa wann əghrəm n-Ənṇasira wa tədgāza. >> 9. Win dər-iy əddewnen ənāyän əṇṇur mishan wər əslen y-əməslīy wa dīy isshewālän. 10. Təzzar əssəstāna << Ma z-āga ya Əməliy? >> Inṇ-i Əməliy: << Əbdəd tākḳāgh aghrəm ən-Damas a dak itəwəməl ərāt kul was oṭās Məssh-ina a tu tāgāgh.>> 11. Əqqälāgh amədderghəl fəl əddəlil ən-təllabəst n-əṇṇur-en, əbāzän äytedäm win dər əddewāgh əfus-in əlwāyän-iy əs Damas. 12. Āmārän Damas ih-et aləs əyyän igän esəm Ananəyas ilkāmän y-əsshərigha wəllen, Kəl-Ālyahud win əghsārnen da Damas kul əssīghmārän-tüw. 13. Oṣ-i-düw ibdād dāgma-nnin inṇ-i: << Sol aməḍray-nin ələs asəwad. >> Tamāzäyt ten-dāgh a dāgh əfrägāgh aṇay, āmārän ənāyāq-qüw. 14. Inṇ-i ḥärwa: << Məssh-ina n-abbatän-nänāgh irəw as kāy isännäfrän fəl ad təssəṇāgh awas irā a tu tāga, tənīyāgh aləs wa oghädän təzzar təslāgh y-awal wadd igmäḍän imi-nnet iman-net, 15. fəl-as a das təqqəla təgəyya dat äytedäm kul fəl a dasän təməlägh awa tənāya d-awas təslegh. 16. Əmər-ədda mas təqqāla ḥärwa-dāgh? Əbdəd təwəsəlməgha dāgh aṇan, təsshirədāgh ibäkkadän-nāk sad təghrāgh esəm-net. >>

Issoghäl Fol əmmək was itäwäsaka Äytedäm win
wər nəmôs Kəl-Älyahud

17. Əqqälägh aghrəm ən-Jerusälam, tagga shiwat̄riwen da Təməzgədda ta Zəwwərät, əḵne tədəwit inäfaläl-iy awa: 18. Ənâyägh Əməli a d̄iy igannin: << Tärmâd əgməd Jerusälam fəl-as äytedäm-net wər z-ärḍin sawa sər-i təgannägh. >> 19. Ənḇegh-as: << Əməliy, əssânän wəllen as taggäzägh inan win təghäräy ən-Kəl-Əlyəhud tabäzägh äytedäm win sər-ək əzzəgzännən əgâräq-qän da ḵäso toläs sasänghäq-qän. 20. As itäwängha Etəyän imôsän təgəyya-nnäk, əllegh əddi näk-dägh. Ərḍegh s-ätäwängha-nnet toläs ogäza shikätkäden n-äytedäm win t-ənghänen. 21. Təzzar inḇ-iy Əməli: << Äglu, fəl-as näk a käy z-issuḵin igəg, əssəḵäq-qäy äytedäm win wər nəmôs Kəl-Älyahud. >> >>

Fol əd kumända ən-sojitän ən-Rom

22. Əssîsämän-as har inḇa awen. Ətkälän imäslan-näsän ad gannin: << Əḵḵəs äwedäm wədidägh əd shilat-net fəl ämäḍal! Wər ihôr əd təməddurt! >> 23. Ad takḵäsän iməslan əgârän-in isəlsa-nnäsän,

Igitän 22: 24

əgârän godrar da jənnawän. 24. Ikfa kumända wan sojitän ən-Rom turagät nad itəwəggu Fol dăgh əghiwän-năsän, fəl a das ägin shiwit s-ələkkud fəl ad isshəwəl dăgh əddəlil wa fäll-as saghären äytedäm. 25. Mishan as t-əkrädän fəl a tt afərän tenăghäy s-ələkkud, inṇa i-käbta wa ghur-əs illän: << Ak təlâm turagät nad təggatäm Äw-Rom s-ələkkud s-əsshərigha da wər das ităwägga? >> 26. As isla käbta y-awal wen, igla imäl i-kumända: inṇ-as: << Äg əṇṇiyät! Mas täregh igi-nnet? Aləs a Äw-Rom a yṇôs! >> 27. Igl-äddu kumända iḵḵ-äddu Fol issəstän-tūw inṇ-as: << Əməl-i, käy Äw-Rom a təṇôsăgh? >> 28. Inṇ-as Fol: << Äyew. >> Təzzar inṇa kumända: << Azrəf äggen a dd əzzənza turagät tann ad əqqəlăgh Äw-Rom. >> Inṇ-as Fol: << Năk as d-əhüwăgh da əṇôsăgh Äw-Rom. >> 29. Tămăzäyt ten-dăgh a dăgh t-əgugän meddän win das z-ăginen shiwit s-ələkkud fəl a tu shəshiwəlän; kumända iman-net as issân as Fol Äw-Rom a yṇôs, təggăz-tu tăşa, fəl-as isîsäkräd-tūw əs-sässărän.

Ibdâd Fol dat Äsâggäwâr wa Zəwwərän

30. Əzəl wa həđän kumända ıra ad iḳḳəs ässhäk dāgh əddəlil wa fəl dd-ewäyän Kəl-Älyahud takhtəst ən-Fol. Adi-da fəl as issokäs dāgh-as isässärän, təzzar ikfa turagät nad idawän nəseffəska win zäwwarnen d-äsäggäwâr-näsän kul. Ämärän ilwäy-du Fol izzəbbät-du dər-əs issəbdäd-tu dat-sän.

23 Təsarnat tan Sänatät Təmərwen əd Kärädät

1. Idäg Fol Asäggäwâr s-äsäwad təzzar inḅa: << Iməḍrayän-in, ewâya tarḗyət toghädät dat Məssh-ina har äzäl-adāgh. 2. Anänıyas imôsän anäsäffeskäy wa zəwwərän inḅa y-äytedäm win əllänen dāgma n-Fol ad əwətän imi-nnet. 3. Təzzar inḅ-as Fol: << Məssh-ina a käy z-iwətän älfasiq! Wər təqqimāgh əddıy ar fəl a di təshrəgha s-awa ymôsän əsshərigha, käy, təməzrâyäq-qu s-əsəwät wa təgegh imi-nnin. 4. Ənḅän-as äytedäm win ghur-əs əllänen: << Käy təhâlāgh ad tərabbädāgh anäsäffeskäy wa zəwwərän ən-Məssh-ina? >> 5. Inḅ-asän Fol: << Iməḍrayän-in, wər əssenāgh as imôs anäsäffeskäy wa zəwwərän; fəl-as iktäb as << Ad wər tərbəḍāgh amuzär-näk. >>

Igitän 23: 6

6. Fol as inay as tözunt öyyät n-Äsägğawär Saddusetän, tähäđät Farisetän, inña s-äfälla dat-sän: << Iməđrayän-in, näk Farisäy a môsəgh, äg Farise, fəl-as əzzîgzänəgh əs-tänäkra ən-nəmməttan ənta a fəl d-əmmewäya s-ädägg n-əsshərigha. 7. As inña awen tənqär tamäzaq gər Farisetän əd Saddusetän təzzar tözun tidawät, 8. fəl-as saddusetän gannin as äba äwedäm wər du z-iləs tanäkra, toläs wər t-əllen ängälosän, wäla iman. Farisetän əntänäy əzzîgzänän s-awen kul. 9. Tənqär tamäzaq läbäsät gər-essän a dāgh sihäkken iməslan-näsän wəllen, təzzar ənqärän məsəssəghra n-əsshərigha win Farisetän ugäyän əññän: << Aləs a wər dāgh-as nənäy təllabəst wələyyät. Kud iman wəyyađ mədegh ängälos öyyän a das isshewälän ad wər nugi s-igiy ən-Məssh-ina. >> 10. Tamäzaq-näsän awa təga da təllabəst, kumända təggäz-tu täša nad ägin Fol tankəṭ tankəṭ. Adi-da fəl inña i-sojitän-net ad äzzäbben fəl a dāgh-sän d-əbəzän Fol awiyän-tüw s-əghäywän ən-sojitän. 11. As iga ehäd, inäfaläl Ēməliy i-Fol, inñ-as: << Ad wər käy təggəz täša Fol fəl-as əmmək was fäll-i təggəye dāgh əghrəm ən-Jerusälam, iwär-käy a fäll-i təgäyye toläs dāgh əghrəm ən-Rom.

Eghäf wa gän Kəl-Älyahud fəl ad änghin Fol

12. As d-oşa əzəl wa həđän, ərət da Kəl-Älyahud nāmāggän eghäf: Əgmäyän da Məssh-ina a tən äwwäddäb as wər əgen awas oṭāsän igi-nnet. Ənṇän wər z-ätshin wäla äshwin iket wər ənghen Fol. 13. Win nāmännäknen den ogärän əkkozät təmərwen n-aləs. 14. Əglän əḵḵän inəsəffəska win zäwwarnen əd-muzärän ənṇän-asän: << Näkkänäy nəhäd as wər za nərəm ərət wələyyän iket wər nəngha Fol. 15. Dəgh adi kəwänäy toläs d-Äsäggäwär əgmīyät əmər-ədda da kumända a dawän d-awi Fol tufat tässäḵnim-tüw as a täräm ad təshəggäräm batu-nnet wəllen. Näkkänäy iman-nänəgh ad nəsshäryät i-tänəghäy-net da tarṛäyt ḥärwa wər d-ewed. >> 16. Mishan tegäzäy ən-Fol isla y-əghäf wa gän Kəl-. Älyahud fəl Fol. Iḵḵa aghäywän ən-sojitän iggäz-tüw imäl-as. 17. Təzzar ighr-äddu Fol əyyän dəgh kəbtänatän inṇ-as: << Əlwīy abäraḍ a əs kumända fəl-as ila ərət a das z-iməl.>> 18. Iddew kəbtän d-abäraḍ en, ilwäy-tüw əs kumända inṇ-as: << Fol wann ämäşḵäsəw a dīy ighrən igmäy dəgh-iy a sər-ək d-əlwiyəgh abäraḍ a` ilän batüw a dak z-ägüw.>> 19. Ibäz kumända əfus n-abäraḍ-en, ilwäy-tüw əgmädän äytedäm issəştän-tüw inṇ-as: << Ma

Igitän 23: 20

təmôš batu-nnäk? >> 20. Inṇ-as aləs-en: << Kəl-
Ālyahud nimännäkän gār-essän fəl a dāgh-ak əgmīyän
tufat a din təlwiya Fol tössəbdədəq-qu dat Āsəggäwār,
əgän āşaru nas Asəggäwār-näsän ira ad ässhəggār
batu-nnet wəllen. 21. Mishan ad wər dasän
təzzəgzāna fəl-as wəyyad dāgh-sän ogärnen əkkozät
təmərwen ad əlghəsän fəl a tt əbəzän, əhädän nas wər
z-ätshin wāla āshwin iket wər t-ənghen. Ēmər-ədda
sîmatāgän wər əqqelän ar y-awa dasän za tāṇṇa. >>
22. Kumända inṇa y-aləs wa das d-ewäyän isālan, ad
wər iməl y-āwedäm wələyyän as imâl-as. Issəgl-äy.

Itäwäsôka Fol amuzär Feliks

23. Dəffər awen, ighra kumända əsshin dāgh
kābtanätän-net inṇ-asän: << Shidəwät sāṇatät təmad
ən-soji, d-əşşäyät təmərwən ən-soji win z-awəṇṇen
əggəsän, əd sāṇatät təmad ən-soji win allaghän,
təsəmmutəgäm y-ikīy ən-Sezare ghur tāza älwäqqän
win ähäd. >> 24. Toläs tössəmməgnäm əggəsän win
z-iwəṇ Fol, təsshəshiwədəm-tūw ghur amuzär Feliks
älkher, ad wər t-igrūw ärät wələyyän. 25. Təzzar
iktāb shirāwt s-ənta-dāgh awa dāgh-as iktābän: 26. "
Awa näk Klodiyus Lisyas issislämän fəl əmuzär n-

Igitän 23: 27

äkal Feliks. 27. Aləs a, wa obăzăn Kəl-Ălyahud əbukăn a tt änghin, as əslegh as Ăw-Rom a ymôs, əgle năk əd sojitän-in nəssəḅs-ăy dăgh-săn. 28. Təzzar ewăyăq-qu s-Ăsăggăwăr-năsăn fəl ad əssəḅăgh əddəlil wa fəl tu ghattăsăn. 29. Ənăyăgh as wər tu ghəttəsăn ar fəl batuten əqqâlne əsshəriġha-nnăsăn, mishan wər əfrăġăn ad äḅḅin ighshâd-asăn ărăt as ihôr a fäll-as ităwăḅghu mădeġh iggəz kăsăw. 30. Əslegh as Kəl-Ălyahud nămännăkăn fəl a tt änghin, adi-da fəl dak-in əssokă tărmăḁ, əḅḅegh-asăn a fäll-ak äġin kăra-nnet. >> 31. Əġăn sojitän a wa dasăn ităwăḅḅăn: ehăḁ wendăġh a dd ewăyăn Fol har aġhrəm n-Antifatris. 32. As əzəl wa hăḁăn sojitän win əġănen iḁarăn əqqălăn-du aġhăywăn-năsăn, oyyăn win əwăḅḅnen əggəsăn əsshokălăn əddewăn əd Fol. 33. As din oṣăn sojitän aġhrəm ən-Sezarăy, əkfăn amuzăr shirăwt, əġăn Fol dăġh əḁus-net. 34. Dəffər as ighra əmuzăr shirăwt, issəstăn Fol d-äkal wa tt-ilăn. As issăḅ as Silisġy a tt ilăn, 35. inḅ-as: << A kăy əssəstănăġh amər d-oṣăn äytedăm win əġănen takhtəst-nnăk. >> Ikfa turagăt nad itəwəġərdăt Fol dăġh əġhiwăn n-əmuzăr n-äkal wa yssəkrăs əmənokal Herud.

24 Təsarnat tan Sănatăt Təmərwen d-Əkkozăt

Ărăt wa fəl əbăzăn Kəl-Ălyahud Fol

1. Səmṃos ăḁan dəffər adi, Ănăsăffeskăy wa zəwwərăn Ananiyas iḁḁa Sezarăy, ənta əd-muzărăn, d-əməsshewəl əyyăn igân esəm Tartilűw. Ewăyăn tala ən-Fol s-əmənokal Feliks. 2. Ităwăghr-ăddu Fol, təzzar ofăr Tartilűw awal ad immal ărăt wa fəl t-əghtăsăn, inṇa: 3. << Ya əmuzăr Feliks, nəgrăw ălkher ăggên ghur-ək. Imazalăn ăggôtnen olâghnen tiwăggăn y-ăytedăm a. Imôs awen ărăt təge kăy iman-năk. Nərḁa sər-săn făw dăgh ădăgg kul. Nəggodăy-ak wəllen. 4. Mishan wər ăregh a dak əghshədăgh ălwăq, əgmăya dăgh-ak fəl-as tolâgha, ad təssəsəmăgh y-ărăt n-awal, wa dak za nəgu. 5. Nənây as aləs a ălmăssibăt a ymôs, igammăyăn d-əsəffəlləg ən-Kəl-Ălyahud kul win əddənet, gər-essăn. Imôs amuzăr ən-tagğăyt tan Kəl-Əṇṇasira, 6. har as igmăy dad isəmməḁəs Təməzgədda ta Zəwwərăt, nəbăz-tu, nəgmăy dadas nəgűw əsshərigha wa-nnăna. 7. Mishan igl-ăddu kumănda Lisyas ibăz-tu dăgh-na s-ăssaḁət zəwwərăt. 8. Dəffər awen inṇa y-ăytedăm win t-əghtăsnen a kăy d-ăḁḁin. Kăy iman-năk amər tu təssəsătănăgh ad

Igitän 24: 9

təssəṇāgh āṛāt kul wa fəl newāy taghtəst-net. >>
9. Kəl-Ālyahud ədhālān taghtəst ten, əṇṇān tidət a təṃôs. 10. Təzzar isəddagān amənokəl i-Fəl ad isshiwəl, inṇa Fəl: << Ēssāṇāgh as təṃôsāgh əmashragh n-āytedām n-ākəl a, a ylān elan äggōtnen, adi-da fəl dīy isəddāwāt igīy n-awal was z-əgmīyāgh aggaz ən-ṃan-in dat-ək. 11. Kāy iṃan-nāk təfrāgāgh ad təssəṇāgh as wər əgegh a ogārān ṃaraw āḍan d-əsshin d-aṣṣa ən-Jerusālam fəl ad əghbəda Məssh-ina. 12. Wərməḍ tiwānāya da Təməzgədda ta Zəwwərāt nimāshawala d-āwedām wələyyān, wāla əgegh ārək-ṃan dāgh āytedām shimāshidewāq-qān, gər-za da ṇan win təghāre wāla dāgh əghrəm. 13. Tolās āytedām a wər əfregān əsətəddīy n-āṛāt wa fəl dīy əghtāsān, iṃôs as əghshādāgh-asān-tu. 14. Mishan əsīlakānāgh-ak āṛāt əyyān-dāgh, a tt iṃôsān: << Nāk Məssh-ina n-abbatān-in as əsshghāla s-iguz wa ge tarṛāyt ta tāynayāt, tas əṇṇān taggāyt a təṃôs. Nāk əzzîgzāna s-awa yktābān dāgh əlkəttabān, win əsshəriḡha wann Ēttāwret əd win ənnəbitān. 15. Ēzzîgzānāgh əs-Məssh-ina, as āytedām gər za win olāghnen wāla win wər nolegh, a du təwəsənḡərān dāgh iba. Ēntānāy win ewāyner ḡara-nnīn da` əzzîgzānān s-awen. 16. Adida fəl-as fāw əḍgāzāgh iṃan-in gammāyāgh ad

Igitän 24: 17

əqqəlāgh äwedäm wər nəla älghib wələyyän dat Məssh-ina d-äytedäm. 17. Dəffər as əgegh elan äggōtnen gār-iy əd Jerusālam, əqqälāq-qāt-dūw ewāyāgh y-äytedäm-in shikutawen n-əzrəf əqqāla-du tolās fəl ad səffəske fəl Məssh-ina. 18. Awa-dāgh a hegh as di d-oşän ärät da Kəl-Älyahud n-Azi da Təməzɡödda ta Zəwwərät, əzzîzdäga; wər ghur-i töllâ tidawät, za wäla aḱənnəs et tərmoq. 19. Ēntänäy as ihôr ad əbdədän dat-ək awiyän fäll-ak tala-nnin kud elân ärät was əññän əghshädāgh-asän-tu. 20. Mädegh əməlän-et äytedäm win əllänen-da lähän was inṅa Äsäggäwär wa zəwwərän əgeq-qūw, as dat-əs əbdädāgh. 21. A wər nəmôs as əñṅe gār-essän s-äfälla: << Äzäl-ada täwägga dat-wän, fəl a di təsshreghäm, fəl-as əzzîgzänāgh əs-tänākra ən-nəmməttan >>. 22. Feliks, imôsän äwedäm əḥân isālan wəllen n-əddin-en, as isla y-awen izzərāz aməṅəy inṅa: << Amər d-oşa Lisyas ad əghtəsāgh əsshəriḡha wa-nnawän.>> 23. Təzzar inṅa i-käbtan ad äggärdät Fol, mishan ad wər itəwəḍgəz wäla itəwəgdəl y-äytedäm-net a dāgh-as əssəñän mädegh aşin-tidu.

Fol dat Feliks əd Dərusil

24. Ārät n-ādan dəffər awen, oş-āddu Feliks ənta əd ta ghur-əs Dərusil təmōsät Tālyahut. Isässāghr-āddu Fol, issəsām y-awa ygannu s-əzəgzan s-Ēlməsifu.
25. Mishan as issənta Fol emel ən-təmōddurt ta taggin ālghadilän, əd təla n-igdi, d-əsshərigha wa du z-aşin, təggāz təşa Feliks inḥ-as: << Amər-ədda āglūw, amər əgrāwāgh ālwāq a kāy d-ələsāgh asəssəghrīy.>>
26. Mishan ya ighīl a tt ākfūw Fol azrəf, fəl a tt āyyūw ad āglūw, adi-da fəl tid isasāghrūw fāw itamāgrad dər-əs. 27. Awen-dāgh a ygän har əgän əsshin elan. Immətkāl Feliks iggəz-du kumānda əyyän igân esəm Forsīyus Fastus edāgg-net. Oyy-āddu Feliks Fol da kāsō fəl ad āgūw i-Kəl-Ālyahud tāra-nnāsän, tolās fəl a tt iren.

25 Təsarnat tan Sānatät Təmərwen əd-Səmmosät

Fol issôf a das ishrəgh Ēmənokal wa Zəwwərän

1. Fastus as iga kārād ādan d-aşsa n-ākal wan Judāy, igmād Sezarāy iḳka Jerusālam. 2. As din oşa Fastus

Igitän 25: 3

Jerusälam, inkär änsäffeskäy wa zəwwərän əd Kəl-Älyahud win ogärnen ətəwəsəghmar, ewâyän fäll-as tala-nnäsän gär-essän əd-Fol. Taṇsâyän Fastus 3. a dasän ägu tanəfust nad issuku Fol Jerusälam; fəl-as eghäf a gän na tt änghin da tarṛäyt. 4. Mishan ya inṇ-asän Fastus: << Fol ihâ kāsaw da Sezare ämārän näk iman-in a din əqqəla tärmâd.>> 5. Təzzar inṇ-asän toläs: << Win dāgh-wän əmōsnen imuzārän äzzäbben-et dər-iy əs Sezare ägin-et təkhtəst-nnet kudis ighshād äřät. >> 6. Fastus iga a ogärän məraw ädan dāgh əghrəm-näsän ämārän irəş-du Sezaräy. As əzəl wa hədän iqqim fəl təkhwit tann əsshərigha inṇa ad ämmäwäy Fol. 7. As d-oşa Fol ghäläyghäläyän-tu Kəl-Älyahud a dd əfälnen Jerusälam, a tu taggin shighəttas läbäsnen äggōtnen, as wər əfregän əsəttəddi-nnäsñät. 8. Inṇa Fol fəl aggaz ən-man-net: << Wər əmməzräyāgh əsshərigha ən-Kəl-Älyahud, wälä simädäsa Taməzgədda ta Zəwwərät, wälä ənkurāgh amənokäl wa zəwwərän Sezar. >> 9. Mishan Fastus irän a tt iren Kəl-Älyahud inṇa i-Fol: << Täregh ad täkka Jerusälam təsshərəgha dat-i dāgh-as? >> 10. Inṇ-as Fol: << Dat təkhwit tan əsshərigha wan Sezar amənokäl wa zəwwərän a dd əbdäda. Dadāgh as ihôr ad əsshərəgha. Wər əghshedāgh äřät

Igitän 25: 11

wələyyän i-Kəl-Älyahud, käy iman-näk təssâna dāgh awa wəllen. 11. Kud əsshərigha a əmməzrāya mādēgh əgegh lāhän a dīy issîwārän tāmättant, wər sər-əs ugāya, mishan kud ārätän win dīy əssəwārän bahūw a mōsän, wər t-ila äwedäm wa yfrāgän a dīy ägu da fässän-näsän. Əgmâyāgh a dīy ishrəgh Sezar. >> 12. Dəffər as isshəwār Fastus tidawät ən-məsshəwar-net, inṇa i-Fol: << Təgmâyāgh a dak ishrəgh Sezar, a tu tākḳa. >>

Ităwăsăbdăd Fol dat Agrifa əd Berenis

13. As əgän äḍan dəffər awen oş-ăddūw Agrifa wann əmənokal əd Berenis aghrəm ən-Sezare fəl ad ässăslămän Fastus. 14. Zămäs ad ägin äḍan den äggōtnen, Fastus imäl y-əmənokāl batūw n-əsshərigha wan Fol inṇ-as: << Illâ aləs da` a dd oyya Feliks da ḳăsăw. 15. Hărwa əḣe Jerusălam əgän fäll-i nəsəffəska win zăwwarnen əd-muzărän ən-Kəl-Älyahud təkhtəst-net, əgmâyän dāgh-iy a tt əzzəbəzāgh y-əsshərigha. 16. Əṇṇegh-asän adi wər imôs älkhal ən-Kəl-Rom teḥăkkây n-äwedäm fəl ad itəwənghūw, da wər inəbdəd d-äytedäm win ewäynten təkhtəst-nnet, ifrâg aggaz ən-mān-net dāgh ārät wa tu

Igitän 25: 17

sawarän. 17. Təzzar əddewa-du dər-sän wər əghshedägh älwäq: as əzəl wa həḍän əqqima dāgh ädägg wann ässhərigha, əkfe turagät nadd ämmäwäy aləs wa. 18. Əbdädän meddän win ewäyneren təkhtəst-nnet, mishan wər t-əssəwərän lähän wələyyän da win əghila. 19. Batuten shəyyad n-əddin-näsän a dər-əs taməzaghän, d-əyyän äwedäm igän esəm Yeswa, äba eges igannu Fol iddâr. 20. Nāk iman-in wər əssenəgh əmmək wa z-əghtəsa əsshərigha dāgh batuten olänen əd-shin. Əssîstänäq-qu kudis ira ikīy ən-Jerusālam ishrəgh dāgh-as. 21. Mishan igmäy dad itəwəgərḍət har das ishrəgh əmənokal wa zəwwərän. Adi-da fəl əḅḅəgh ad itəwəgərḍət har t-əssukāgh amənokal Sezar.>> 22. İnḅa Agrifa i-Fastus: << Nāk-dāgh äregh a das äslāgh, aləs wəḍiy. İnḅ-as Fastus, << Tufat a das täsla. >> 23. Dāgh adiy, as əzəl wa həḍän oş-äddüw əmənokal Agrifa, əd Berenis əlsän isəlsa-näsän win ḥössäyneren. Əggäzän ehän wann əsshərigha, əddewän əd kumändatän ən-sojitän n-əghrəm, əd məzəwwar n-əghrəm-en. Issəgmäy Fastus Fol, təzzar immewäy-düw. 24. Ämārän inḅa Fastus: << Ya amənokal Agrifa d-äytedäm kul win əllänen da, toggäm aləs wa fəl saghären Kəl-Älyahud ket-näsän, əgän fäll-i təkhtəst-nnet gər-za da Jerusālam wäla da-

Igitän 25: 25

da, saghären gannin s-awa fäll a wër ihôr ad ilës tamëddurt. 25. Mishan näk wër ənâyăgh as iga əmazal wələyyän wa fəl z-itəwənghu. Zămas igmäy a das ishrəgh amənokal wa zəwwərän a das t-əssoka. 26. Wër əlegh ărăt wələyyän igmâḍ ässhäk a fäll-as əktəba y-əmənokal. Adi-da fəl t-əssəbdäda dat-wän, wəllen käy amənokal Agrifa, fəl ad əgrəwăgh a fäll-as əktəbăgh dəffər as nənzăr dăgh-as, 27. fəl-as wër sər-iy ila älmăghna əsəglıy n-ămăşkăsăw as wër əmelăgh a wa fəl ittərmăs.

26 Təsarnat tan Sănatăt Təmərwen əd-Səḍisăt

Aljăwab ən-Fol dat Agrifa

1. Inḇa Agrifa i-Fol: << Təgrâwa turagăt n-awal fəl ad tagəzăgh imān-näk. >> Təzzar izzäl Fol əfus-net issənta dăgh aggaz ən-mān-net s-awal wa: 2. << Äzäl-ada Amənokal Agrifa, isîdăwăt-iy awal dat-ək fəl ad agəzăgh imān-nin dăgh ărătän kul win fəl dıy əghtəsän Kəl-Älyahud, 3. fəl-as käy tössâna wəllen älghädäten-năsän kul, d-ărătän win fəl tamăzaghän kul. Dăgh adıy əgmâya dăgh-ak ad tăga tăzäyḍart tössəsəməgh-i. 4. Kəl-Älyahud kul əssâḇän da

Igitän 26: 5

təmøddurt-in wan tømmeðrit-in fəl-as gər äytedäm-in a dd ədwäla da Jerusälam. 5. Əzdâyän-i hārwa irūw, əfrāgän a dak səttəden adi as ərdän, as əge tømøddurt tan Farisetän, əs-tagğäyt-näsän ənta togärät əzzəzəwiy dāgh əddin-nänāgh. 6. Əmər-ədda sharrāgha fəl-as əgegh ätṭāma-nnin dāgh ärkăwäl wa yga Məssh-ina i-abbatän-nāna win ərunen. 7. Mărawät täwsheten-nänāgh əd sənātät əgänät ätṭāma wədi s-əghābad wa gänät Məssh-ina s-əwəl əyyän-dāgh ezəl d-ähäd. Ya amənokal, əddəlil n-ätṭāma wen ənta fəl dīy əghtəsän Kəl-Älyahud. 8. Ma fəl as wər təzzəgžänäm kăwänäy Kəl-Älyahud as Məssh-ina isankar-düw inəmməttan? 9. Nāk iman-in əghilāgh iwâr-iy ad ägāgh äräk-mazalän äggōtnen əmmîzräynen Yeswa wann Ənṇasira. 10. Adiy a ge dāgh əghrəm ən-Jerusälam. Əgrāwa turagät ghur nəseffəska win zäwwarnen n-igiy ən-məzzəgžan äggōtnen əs-Yeswa da kəsäw. As ärän a tən ānghin, ərde s-awen. 11. Əyyîwänäq-qän awəddəb da ṇan win təghäre toläs shahässhaläq-qän ad ägin ärk-awalän əs-Məssh-ina d-əddin-net. Awa dīy iga älhäm-näsän dāgh iguz, lakkämāgh-asän əs ghərman ən-källän win tāmawen, fəl a tən z-əghäzzäbāgh.

Issoghäl Fol əmmək was d-ihda

12. Əkķegh aghrəm ən-Damas fəl a tăn z-ăghăzzăba. Zimazalăn-i nəsəffəska win zăwwarnen əkfăn-i turagăt n-igïy n-awen. 13. Ewăyăgh əd tarřayt, ămmas n-ăzăl, ya amənokal, as oggegh əņņur a dd igmăđăn ijənnawăn ogărăn wan təfuk təllabəst as ibălăzăt da ghələyghələyăn-in năk d-ăytedăm win dər-ïy əddewnen. 14. Nəfătăqqăt ket-năna təzzar əslegh əyy-əməsli wa dïy inņăn dăgh awal ən-Kəl-Ălyahud << Sol! Sol! ma fəl di təđgâza, wər tətaggăgh ar as təssiwahhallegh imăn-năk s-adïy. Izzəwăt-ak ad təbəllənăgh əd shidəgiten shin kăy taggăznen n-endăl. >> 15. Əņņegh-as: << Ma təmôsăgh Əməliy? >> Inņ-i: << Năk Yeswa wa təđgâza. 16. Mishan ənķər təbdəda fəl-as nîfalălăgh-ak fəl a kăy ăgăgh akli-nnin, tăggăye tolăs fəl ăņay wa di təge d-ărătăn wa kăy z-ăssăknăgh. 17. A kăy agəza dăgh Kəl-Ălyahud əd təmăttiwen shin wər nəmos Kəl-Ălyahud s-əntănătăy a kăy z-əssuķa, 18. fəl a dasnăt tară shițtawen-năsnăt əgməđnăt shəyyay əggəznăt afa, əgməđnăt tolăs tarřayt n-Iblis əlkəmnăt i-Məssh-ina, fəl a sər-ïy əzzəgzənăt əgrunăt təsurreft ən-băkkadăn-năsnăt, d-ădăgg dăgh ăytedăm win isănnăfrăn Məssh-ina.

Fol isshewäl dāgh Æsshəghəl-net

19. Amənokāl Agrifa, adīy a fəl wər əməzrəyāgh awa dīy isännāfalāl Məssh-ina. 20. Æmalāgh awal-net i-Kəl-Damas əd Kəl-Jerusālam da tizarāt, dəffər adīy əgeq-qūw dāgh ākal ən-Kəl-Ālyahud. Āmārān əgeq-qūw y-āytedām win wər nəmōs Kəl-Ālyahud. Gammāya dāgh-sān ad utabān təzzar ahdin əs-Məssh-ina āgin imazalān sitāddanen tətubt-nāsān. 21. Æddəlil n-adīy a fəl dīy əbāzān Kəl-Ālyahud da Təməzgədda ta Zəwwərāt təzzar əgmāyān da dīy ānghin. 22. Mishan ogāz-i Məssh-ina har āzāl-ada. Har hārwa əllē da əmmalāgh awal-net y-āytedām win mādronnen əd win wāsshānnen. Wər əmelāgh ar awa nḥān ənnəbitān əd Musa ad ašūw. 23. A tt imōsān as Ælməsifūw ad inīy ārk-āḥay, iba-tūw tolās, eges ad izar i-nəmməttan tanākra dāgh iba, iməl əḥḥur i-Kəl-Ālyahud əd tāwsheten shin həḍātten.>>

Igmāy Fol dāgh Æmənokal Agrifa ad izzəgzən

24. Awal wen ig-āy Fol fəl ad agəz iman-net. Inḥ-as Fastus s-āfālla: << Fol, kāy ameskel a təḥōsāgh! Awa təge da təghārāy isamāskal-kāy. >> 25. Inḥ-as

Igitän 26: 26

Fol: << Amätkol Fastus, näk wər əmməskälägh. Käla ar batuten əmôsnen tidət, əlânen älmäghna a taggägh. 26. Amənokal issân dăgh ăřătän-en, dăgh adi wər əksûdăgh emel-năsän dat-əs fəl-as əkķasăgh ässhăk as wər tăn ihâ i das ijhălän, fəl-as wər tăwăggän dăgh äghăbar. 27. Amənokal Agrifa, ak təzzîgzăna s-awa əņņän ənnəbitän? Ęssânăgh as təzzîgzăna sər-əs. >> 28. Təzzar inņa Agrifa i-Fol: << A tăregh a dÿy təssəlkəmăgh y-Ęlməsifu fəl ăřăt n-ămăzăy?>> 29. Inņ-as Fol: << Gər-za fəl ăřăt n-ămăzăy wăla dəffər awa, əfrăgăgh ad anșiya Məssh-ina, as wərge kăy ghas, kăla ar ket-năwăn win dÿy əssəsămnen äzăl-adăgh, ad talim dər-ÿy as wər ăhên săssărăn win as əkrădăgh. >> 30. As inņa awen, ibdăd əmənokal d-əmuzăr əd Berenis, d-ăytedăm kul win dər-săn nîghămnen. 31. As əgmăđän ad tinəməņņin găr-essän: << Aləs a wər iga ăřăt wələyyän as ihôr făll-as ămṃăt wăla iggəz făll-as kăsăw. >> 32. Inņa Agrifa i-Fastus: << Aləs a immîkkăn ad itəwəyyüw, ənnar wər igmăy a das ishrəgh Sezar əmənokal wa zəwwərăn.>>

27 Təsarnat tan Sănatăt Təmərwen d-Əssayăt

Immewăy Fol s-əghrəm ən-Rom

1. As ităwăŋŋa ad nəggəz aghlal n-aŋan yad năkkŋw äkal n-İtalya, ităwăgga Fol ənta əd məşkəsa wəyyad dăgh əfus n-aləs əyyăn igăn esəm Julyus imôsăn kăbtăn ən-tidawăt ən-sojităn ən-Rom təgăt esəm "Tan Əmənokal wa Zəwwərăn." 2. Nəggăz aghlal n-aŋan a dd igmăđăn aghrəm n-Adramit, nəmmăttăkwăy dăgh-as, nəggăz agărew, nəkkâ ighərman n-Azi win əwârnen efăy n-ăgărew. Nəddew d-Aristark imôsăn äwedăm n-äkal ən-Masedwan a dd igmăđăn aghrəm ən-Tesalonik. 3. As əzəl wa hăđăn noş-en aghrəm ən-Sidon nəzzəbbăt dăgh-as, Julyus imôsăn äwedăm itaggin i-Fol a olăghăn, oyy-ăy, ikf-ăy turagăt nad äkkŋw imidawăn-net, fəl a ghur-săn d-igrŋw a was idđărar. 4. As nəgmăđ Sidon, nəsămmadăgh y-äkal ən-Shifər əllân gər gərwan, nəghlăy-tu s-ăgăŋna wann ägăla dăgh əfi-nnet, fəl-as nəmăzrăy d-ađu. 5. Dəffər as nərzăg agărew wa yllăn dăgma n-äkal ən-Silisiy əd wan Fanfili, noş-ăddŋw aghrəm ən-Mira ihân äkal ən-Lisiy. 6. Aghrəm wen igrăw dăgh-as kăbtăn wa dər nəddew, aghlal n-aŋan a dd igmăđăn aghrəm n-

Igitän 27: 7

Alaksandrïy iḳḳân äkal n-Iṭalya, ig-ana dăgh-as.
7. Nəga äḁan äggôtnen nöllil aḁan sollan, gərrid as
din nəhōz aghrəm ən-Kənid. Nəmăqqās d-aḁūw a
danăgh igdălän anămod wen. As dad nogga Salmon
dăgh äkal ən-Kəret nəsämmadăgh y-äkal wen əllân
gər gərwan, nəghlăy-tu s-ăgănna wann ägălla dăgh
əfi-nnet,. 8. Gərrid as das nətakăy, noṣa edăgg əyyän
as ităwăññūw "Idăggän olăghnen ən-ănăday n-
əghlalän n-aḁan." Edăgg wen inîmăhaz d-əghrəm
ən-Lazăy. 9. Älwăq äggên itakăy, əsəwəl n-ăgărew
itaqqäl älgħărar fəl-as əzəl n-əzum har as oḳăy.
10. Adidăgh a fəl isănnărghăm Fol y-ăytedăm win
əḁănen aghlal n-aḁan. Iñḁ-asăn: << Meddän,
ḁannăyăgh as ashikəl a iḁ-ăy əlgħədər. Wərgəgh
aghlal n-aḁan ghas əd lăllän-nănăgh as z-əghshədnen,
năkkănăy-da` nəḁâ tăzăk ən-tăḁăttant. 11. Eges
kăbtän ittăf batūw n-aləs wa yzzozălän aghlal əd wa tt
ilân, oyya tan Fol. 12. Edăgg wa dăgh tazăkken
əghlalän n-aḁan den, wər dăgh-as olegh iḳus ən-
təgrəst y-əghlalän n-aḁan, adi-da fəl-as tăshkăm n-
ăytedăm əssôfăn ad əgməḁăn den kud is əfrăgăn adïy,
ărân ad awəḁăn aghrəm ən-Feniks fəl a dăgh-as
əḳḳəsăn tagrəst, edăgg da baddădän əghlalän n-aḁan

dägh äkal ən-Køret. Edägg en iswâḍ sä-sər agäla dägh ätäram əd sa-sər täməsna dägh ätäram.

Tazäfa fəl Ägärew

13. As d-igär äfäräy əghîlän əfrâgän ad ägin awas oḥäsän igi-nnet. Əḳḳäsän y-əghlal-näsän anäday əglän nîmähäzän-düw äkal ən-Køret taḳäyän-tu. 14. Mishan wər əruwän əd tekläy as d-igär aḍüw issuhen a dd igmäḍän sa-sər äkal ən-Køret, igân esəm << Wan täməsna da dännög >>. 15. Aghlal n-aḡan ibat-t aḍüw. Wər ifreg a dər-əs ämäqqäs, noyy-äy əs-tekläy, ewäy-tüw aḍüw. 16. As noḳäy ägäla n-ärät n-äkal ighlâyän aḡan igän Kloda, a danägh igân ifiy, gärrid as nəga i täghlalt n-aḡan taməwit ta nəra. 17. Ətkälän-tät-du mässhäghälän n-əghlal dägh aḡan, əqqänän-tät dägh aḡnas n-əghlal n-aḡan wa zəwwərän, əssəghläyän-tüw ighunän zazzäwen-as fəl ad wər tu-zzəməzziyän aḡan. Əssəräşän aḑər wa ysakaf aḍu fəl ad azəl əghlal, oyyän-t ewäy-t aḍu fəl-as əksüḍän ad istəb y-əzazəl dägh ädägg da gəzzul agärew igän esəm Sirt. 18. Awa yga aḍu da təllabəst, as əzəl wa häḍän ofärän-in lälän təmögirt dägh aḡan. 19. As əzəl wan kərəḍ, näkkänäy imän-nänägh az din

Igitän 27: 20

nəgär dăgh aṃan, ăřătän win as iḡannüw əghlal n-aṃan. 20. Nəga ăḡan ăggôtnen wər nənăy təfuk wăla eṡran, aḡüw a wa yga dăgh ăssahət nəḡḡăs ăṡṡăma ən-ṃan-nănăgh. 21. Ăytedăm win əḡănen aghlal-en wər əsshoneyăn teṡṡăy, təzzar ibdăd Fol găr-essăn inṡasăn: << Ɛnnar di təssîsăṃăm, wər du za təgməḡăm Kərat, as iga adi wər kăwăn z-igrüw əlghədər wa əd taghasart ta. 22. Mishan əmər-ədda əgmăya dăgh-wăn ad wər təḡḡəsăm ăṡṡăma fəl-as wələyyăn dăgh-wăn wər tu z-iba, mishan aghlal ghas a z-ighshədăn. 23. Fəl-as əndəḡ a dïy inăfalăl ăngălos ən-Məssh-ina, s-ənta a dïy ilăn tolăs ənta as əsshghălăgh: 24. Inṡ-i: << Fol ad wər kăy təggăz tăša, iwâr-kăy a tt əbdəda dat Sezar amənokal wa zəwwarăn, Məssh-ina a dak issəghəlləs s-əlləllu-nnet ăytedăm kul win dər təddewa dăgh əghlal n-aṃan.>> 25. Imidawăn-in adida fəl-as ad wər təḡḡəsăm ăṡṡăma, fəl-as əzzîgzănăgh as Məssh-ina ad ăgüw awas dïy inṡa. 26. Mishan illîkăn ad nən fəl i təshəshwit n-n-ăkal əyyăn illăn gər gərwan. 27. Ibat-anăgh aḡu fəl ăgărew igân esəṃ Adratik. As ăhăḡ-năna wan ṃăraw d-əkkoz ăḡăwănnăy n-ăhăḡ, ordăn măsshăghălăn n-əghlal as nənîmahaz-du d-ămäḡal. 28. Ɛgărăn dăgh aṃan aghan dăgh təqqan tazoli fəl ad əssəṃăn a wa dər togda təzzəgrət n-

Igitän 27: 29

ägärew. Enäyän as təzzəgrət n-ägärew dāgh ädägg en təmôs əttamät təmərwen n-əghil. As din əzzənkəzän a ndərrän əläsän täkkot ən-təzzəgrət n-aṃan, oşän-in edägg wen təzzəgrət-net sədisät təmərwen n-əghil a təmôs. 29. Eksûḏän a dər-sän infəl əghlal n-aṃan i təhun, adīy a fəl əgärän dəffər-əs əkkozät təzolīyawen shin tu naddäyner təzzar taṭṭärän a tän issənəyän ezəl. 30. Imässhähälän n-əghlal ärän ad äddäggägän, zazzäbben taghlalt n-aṃan ta ndərrät, əgän äsarūw a din əzzənkəzän fəl əghlal sä-sər dat, shizolīyawen shin tu z-äzzäkkätner, əndīyän aghlal wəllen dāgh aṃan. 31. İnna Fol i-käbtän əd sojitän, << Meddän en as wər əqqimän dāgh əghlal a, wər za tətəwigəzäm. >> 32. Təzzar oläyän sojitän ighunän win əqqänen taghlalt, əssertəkän-tät dāgh aṃan. 33. As təbuk tifāwt s-igīy, igmäy dāgh-sän Fol ket-näsän ad ätshin inṇ-asän: << Äzäl-adāgh əzəl-näna wan məraw d-əkkoz təqqimäm wər tətshem wäla. 34. Adīy a fəl dāgh-wän əgmâyāgh ad tätshim fəl-as təddîräräm-tät fəl a tətəwigəzäm. Wər käwän ihâ wələyyän as din z-igməd wäla änzad n-əghäf-net. 35. As inṇa Fol awen itkäl-du bərodīy isännämṃär i-Məssh-ina dat-sän ket-näsän, izun-tūw, a tt itaṭṭu. 36. Təgmäd-tän täşa ket-näsän, ətshän əntänäy-da. 37. Nəmôs säṇatät təmad n-

äwedäm d-əşşayät təmərwən əd sədis dāgh əghlal-en.
 38. As əyyəwänän ənghälän älkäma dāgh ägärew fəl
 ad əssəfsəsän aghlal. 39. As äffāw, wər əzdayän
 amādal eges oggän id ilhây ägärew äkal əyyän. Ihâ
 əzazəl shishəshwiten-net. Əññän ad awiyän aghlal har
 t-əssənfəlän y-əzazəl wan təshəshwit kud is adiy
 əfrāgän-tüw. 40. Əkḵāsän isässārän win zazākḵätnen
 aghlal, əssertākän-tän dāgh ägärew, orän ighunän toläs
 ən-kätäkāw wa ysanāmadän aghlal. Əqqänän aḫər
 dāgh äghäf n-əghlal fəl a tt issəḵəf aḍüw. Əssədāgän
 aghlal sa-sər təgädämäyt. 41. Mishan ənfälän y-ädägg
 ihâ əzazəl əghlâyän aḡan zāgrotnen təzzar iwâr-tüw
 əghlal. Ititây äghäf n-əghlal dāgh əzazəl äb-as
 itimətəkwiy. Aläqqam-net tərəzz-äy ässaḫət n-aḡan.
 42. Nämännäkän sojitän fəl ad əḵḵəsän imān dāgh
 məşḵāsa fəl ad wər dāgh-sän issəḫəf wələyyän,
 äḍḍäggäg. 43. Mishan igdäl-asän kăbtän-nnäsän ad
 ägin awen fəl-as a yḫa ad ässäḫsu Fol. Inḡa y-äytedäm
 win əssaḡnen ishuf ad izarän tərəggin dāgh aḡan
 ərdəghän əs təgädämäyt. 44. Inḡa i-win həḍätnen a
 dasän əlkämän əwârän kätäkăwtän əd gannatän n-
 əghlal. Əmmək wen-dāgh as ewädän äytedäm kul
 təgädämäyt n-ägärew, wər tän ihâ əyy igrāw ärät
 wələyyän.

28 Təsarnat tan Sənatät Təmərwen d-Əttamät

Ihâ Fol Äkal əghlâyän Aman igän Esəm Malt

1. Dəffər as nətiwäsäfsa dəgh aman nəsl-as äkal wa yghlâyän aman den esəm-net Malt. 2. Äytedäm n-äkal en win wər nəssên awal wan Gərak, əssâñän dəgh-na wəllen, əssərghän-ana temse səmmägaren-ana, fəl-as iffäy äkonak, igâ degh asämed. 3. Isshedäw-du Fol iwərshəkkan äggôtnen ig-en da tämse, təgmäd-tän-du tassholt fəl əddəlil ən-tukse, tətäl-d əfus-net. 4. As oggän Kəl-äkal en tassholt təkiräyräy dəgh əfus ən-Fol, ad tinəmənñin gər-essän: << Igmäd ässhäk as aləs a aməggïy ən-man a ymos, zämas əsshərigha wər ira a tt äyyüw ad iddər, dəffər as itiwäsäfsa dəgh ägärew. >> 5. Izzəlälzläz Fol tassholt da tämse wər t-igrew wälä`. 6. Äytedäm en əqqälän yad ənïyän Fol ihîdädäy mädegh ifätäqqät, iba-tu dəgh tämäzayt ten-da. Mishan as ərâwän wər hənnïyän a tt igräwän, səmmättäyän əmedran ad gannin əyyän dəgh Məsshinatän-näsän a ymôs. 7. Edägg en əhözñät-tu təwəgas n-əmuzär n-äkal wen igän Fubløyus. Isəmmägarät-ana s-əllugh, nəga ghur-əs kărăd ädan. 8. Abba ən-Fubløyus izilällät itanäddu toläs təfäy

Igitän 28: 9

daw-əs təḍist. Iggäz fäll-as Fol, issəwər-tüw ifässän-net, ɔ̄nsäy Məssh-ina izzozäy-tüw. 9. Dəffər awen, imirāñän n-äkal en win həđäṭnen əglän-düw izzozäy-tän Fol. 10. Əssîghmārän-ana Kəl-äkal en. As nəsshokäl əkfän-anəgh ərätän kul win as nəđđərär dāgh əshikəl.

Fol ɔ̄s-äddu Rom

11. As nəga kərəđät təlil nəggäz aghlal əyyän a dd igmâđän aghrəm n-Alaksandrïy igän esəm << Eknewän >> s-ənta-dāgh äkal endāgh ən-Malt a dāgh iḱḱäs tagrəst. 12. As noşa aghrəm ən-Sirakuz nəga dāgh-as kərəđ äđan. 13. Nəgmăđ Sirakuz, nəllîl tăgădămăyt n-ägărew har noşa aghrəm ən-Rajəyo, as əzəl wa həđän igär-düw ađu wann ägăla. Newăđ in aghrəm wan Fuzol fəl əsshin äđan. 14. Aghrəm wan Fuzol noş-in dāgh-as iməzzəgzan əs Yeswa, əgmăynen dāgh-na a ghur-sän nəgüw əşşa äđan. Adïy a ygän as nəḱḱa aghrəm ən-Rom. 15. As danăgh əslän məzzəgzan əs-Yeswa win əhänen aghrəm ən-Rom, əssəlkăđän-ana-du s-əssuk n-Afəyus d-ădăgg igän esəm << Kərəđ Kantitän. >> As tän ogga Fol isăññämmär i-Məssh-ina iddəwät. 16. As din noşa

aghrəm ən-Rom, kăbtän ikfa iməsķəsa i-kăbtän wa
zzarän i-sojitän win tanăţţafnen əd məsķəsa, eges Fol
ikf-ăy turagăt nad ighsər dăgh ähän əyyän ghas-net
ənta əd soji wa tt ewälän.

Imäl Fol Awal ən-Məssh-ina da Rom

17. As iga Fol kărad äđan issăssäghr-ăddüw imuzărän
ən-Kəl-Ălyahud win əhănen aghrəm ən-Rom. As d-
əddewän inņ-asän: << Iməđrayän-in năk äřät
wələyyän wər t-əghshedăgh y-ăytedăm-năna za wər
əghshedăgh älgădăten n-abbatän-năna. Harkid adıy
əbăzän-i Kəl-Ălyahud win Jerusălam əgän-i da făssän
ən-Kəl-Rom, əqqălăgh ämăskăso. 18. Dəffər as dıy
əssîstănăn äřän a dıy äyyin fəl-as wər əgegh äřät
wələyyän a dıy issîwărän tamăttant. 19. Mishan
ugăyän Kəl-Ălyahud sad ətəwəyya, iqqăl-iy əsshil ad
əgməyăgh a dıy isshrəgh Sezar amənokal wa
zəwwərän, kuddegh as wər əgegh əññiyăt nad əghtəsa
temăţţay-nin. 20. Adi fəl əgmăyăgh a di du taşim
məshiwəla dər-wän, fəl-as əkrâda fəl-əs taggăgh
isălan n-awas əqqălän Kəl-Isra`el. 21. Əññän-as: <<
Năkkănăy wər nəgrew shirăwt wələyyăt a du təfalăt
ăkal ən-Judăy təhăt batu-nnăk wăla oş-ăddüw

Igitän 28: 22

ämädray wələyyän igân isălan-năk mădegh iggăz shinnăk. 22. Mishan năra wəllen a dana tēmələgh imeđranăn-năk, fəl-as nössân as taggăyt ta təhegh edăgg kul isshâk-kăt. >> 23. Nămăggăn dər-əs tamastant əzəl əyyän. Əzəl wa tənda tamastant ten, as d-ewăd, äytedăm äggôtnen oşân-tid dăgh ähăn wa yha. Aghora a dd ofăr emel y-asăn Əlkhökum ən-Mössh-ina har iga ähăd. Igmăy a tăn d-ässăhdüw əs Yeswa əs təghäre, ta dasăn itagg əsshərigha wan Musa d-əlkəttabăn n-ənnəbităn. 24. Wəyyad əzzəgzănăn sawen-da mishan win hădätnen ugăyän s-əzəgzan. 25. Ofărăn tekle da wər nămărdăn găr-essăn, inᅇ-asăn Fol awa: << İman win Əlləllätnen elân tidət əs tənᅇa ta găn y-abbatăn-năwăn dăgh əmïy n-ənnəbïy Ezayïy. 26. < Äglu tənᅇăgh y-äytedăm en: Ad tăslim wəllen mishan wər za tăgrim a tt illân, ad təwərəghwərəghăm wəllen mishan wər za tənïyăm a tt illân,> 27. fəl-as äytedăm dïy äb-as iha ärăt ighăfawăn-năsăn, ədbăghăn shiməzzugen-năsăn, əghmăsăn shiᅇtawen-năsăn fəl ad wər əninăt shiᅇtawen-năsăn, äslinăt təməzzugen-năsăn, fəl ad wər ägrin wăla əs-tăytwen-năsăn, fəl ad wər mələllïyän s-ägăanna wa wăra fəl a tăn əzzuzïyăgh. >> 28. Inᅇ-asăn Fol tolăs: << Dăgh adïy əssənăt as isălan n-əfsan ən-Mössh-ina win-da tiwăsakᅇnăn-düw y-

Igitän 28: 29

äytedäm win wər nəmos Kəl-Älyahud ; əntänäy a dasän əsasamän. 29. As ighräd Fol tənna n-awen əglän Kəl-Älyahud əmmîzäghän wəllen găr-essän. 30. Fol iga əsshin elan dāgh ähän wa yghfär. Itagg taməwit tolâghät y-äytedäm kul win tidu taşänen fəl a tt ənïyän. 31. Immal Əlhəkum ən-Məssh-ina isasäghrūw batuten shin əqqälne Əməli Yeswa Əlməsifu, wər iksûd wäla toläs wər das itäwägdäl awen.

Igitān ən-Nəmmuzal

SIM B.P 10065
8000 Niamey
Niger

The Acts of the Apostles
in the Tamajeq Language

Translation completed 1997